





73 C. 27  
244  
**JACOBI KEILII,**

*Medicinæ Doctoris,*

# **TENTAMINA MEDICO-PHYSICA,**

**QUINQUE.**

1. De sanguinis quantitate. 2. De velocitate sanguinis.
3. De vi cordis sanguinem per totum corpus propellenda.
4. De secretione Animali. 5. De Motu Musculari.

QUIBUS ACCEDIT

## **MEDICINA STATICA BRITANNICA,**

*Completens*

1. Tabulas perspirationem Excretionemque per singulos menses exhibentes. 2. Observationes unius anni continui ad singulos menses. 3. Observationes variorum annorum. 4. Aphorismos staticos.
5. Disquisitiones duas.

*Quarum*

Prima. De frigoris suscepti causa.

Altera. De corporis animati vi attrahente.

*Editio novissima prioribus accuratior rerumque indice aucta.*



LUGDUNI BATAVORUM,

**Apud JOANNEM ARNOLD LANGERAK.**

M D C C X X X.

Profecto verisimile est , & *Hippocratem* & *Erasistratum*  
& quicumque alii , non contenti Febres & Ulcera  
agitare , rerum quoque naturam ex aliquâ parte scru-  
tati sunt , non ideo Medicos fuisse , verum ideo quo-  
que majores Medicos exstitisse. *Cels. in Præfat.*







# LECTORI SALUTEM.



*Mippis ac tonsoribus notum est  
proverbium : Vino vendi-  
bili non opus est suspen-  
sura hedera ; sic Æthiopem la-  
varem , si sollicitus essem ,  
de elogio huic libro , tam  
multa abditarum rerum  
cognitione instructissimo , &  
Medicis in cognoscenda Oeconomia animali utilis-  
simo , præmittendo , ut eo felicius extruderetur.  
Cum satis encomii eum habere reor , quod nomen  
viri toto literario orbe summis præconiis jure ac  
merito celebrati , præ se ferat. Supervacuum eti-  
am arbitror , de novo hîc commemorare , quæ in*



## P R Æ F A T I O.

*his duabus Elucubratiunculis exponuntur, quoniam  
& ea & utilitatem eorum Auctor ipse in suis Præ-  
fationibus, tractatibus præfixis, pluribus demon-  
stravit, ad quas Lectorem ablego. Ne autem  
videretur nihil a nobis libellis hisce, de novo re-  
cusis, præstitum esse, scias, B. L. primum er-  
rata in Editione, quam nos secuti sumus, tam in  
in figuris, quam in contextu commissa a nobis esse  
emendata; figuras deinde æri incidi curavimus,  
cum antea figuræ essent tantummodo lignæ, &  
tandem Indiculum quoque Notabilium rerum in  
calce adjectum esse, qui res & verba tam in  
Tentaminibus, quam in Medicina Statica occur-  
rentia tibi indicabit. Quæ si tibi arridebunt, in-  
citamento erunt, alios adhuc, licet non ejusdem  
farinæ, libros in usum Medicinæ operam navan-  
tium prælis subjicere. Vale interim & fave.*

JOH: ARN: LANGERAK.

P R Æ.

# PRÆFATIO.



UM omnes quotquot sunt, quibus corpora humana conflictantur morbi, nihil aliud revera sint, quam *OEconomiae Animalis* perturbationes; quæ quantæ qualesque sunt, eo clarius percipi possint, quo melius ipsa *OEconomia* innotescat: quicquid eam explicare valeat, occultis etiam morborum naturis lucem infundere, praxin medicam firmiori stabilire fundamento, ipsorumque Medicorum judicia certiora plerumque reddere poterit.

Corpus Animatum machinam esse, omnesque ejus actiones, sive sint eæ, quibus objecta externa sentiat, sive quibus vigore interno, rectaque valetudine fruatur, à causis omnino Mechanicis oriri apud omnes jam diu in confesso est. Artificiosam ac elegantem Oculorum fabricam, summamque partium ad Visus officia aptitudinem, *Optices* illustant Leges. Miram Musculorum structuram, incredibilem quam in artubus movendis exserunt vim; diversas etiam ossium commissuras, tam lubricas summeque mobiles quam fixas, utrasque autem validas, & ad progressum, & ad omnem membrorum motum accommodatas, primum Geometrice explicuit *Borellus*. At ex quo oculatissimus *Harvejus*, (cujus laudes Gens Britannica, Medica nunquam satis prædicabit) sanguinem circuire demonstravit, continuoque suo circuitu, tam sensum, quam motum, tam salutem quam vitam corpori, singulisque partibus ad officia sua præstanda facultatem tribuere tantum solertiæ, tantum consilii ubique cernitur, ut nulla partium actio ad severiores Mechanices leges exigere renuat, imo nulla sit,



## P R Æ F A T I O.

quæ ipsas leges tanquam minus accuratas , calliditate non superet, Multum præsens ætas debet , debebit & postera *Bellino*, quod plurimas de motu sanguinis Propositiones , disparique celeritate , non minus jucundas, quam utiles , invenit. Nec minori laude *Pitcarnius* celebrandus est , qui mechanicam Pulmonis compagem explicuit ; qui causas diversæ molis qua fluit sanguis per pulmones in natis & non natis aperuit, & qua necessaria lege cogimur, ut in lucem prodeuntes Spiritum ore ducamus ; quaque iterum ratione quidam ductus antenatalitiales expanduntur , quidam spirando occluduntur. Idem etiam morborum , quibus oculi aliquando laborant, theoriam patefecit ; omnibusque Glandulis orificia circularia esse recte asseruit. Fluxus Muliebres *menstruos* ad rationes mechanicas exegit Vir eruditissimus , *J. Freind* : nec minori laude , Tractatus suos conscribere Viri de Republica literaria optime merentes, *D. Mead* & *D. Cheyne* : hic de Febribus , ille de Venenis, ac imperio Solis & Lunæ in Humana Corpora. Hi vero omnes , suo quisque genere præstantissimus , argumenta sua ea vi rationis confirmata ac ornata tradiderunt, qua nemo hætenus eorum , qui præcesserint, qua pauci fortasse qui in posterum successuri sunt. Eruditos tantorum Virorum labores suo intervallo sequi liceat huic libello, qui computationes, Quantitatis & Celeritatis sanguinis , Virium quibus pollet Cor ad sanguinem per totum corpus ejiciendum , Aërisque in sanguinem pulmones permeantem , promittit ; quod opus si recte absolvat, non ignotus Lienis usus, non obscurum Venæ Portæ officium, non difficilis Secretionis ratio , Medicis Naturam indagantibus , amplius erunt opprobrio. Plurima alia sunt *OEconomie*  
*Ani-*



## P R Æ F A T I O.

*Animalis* Phænomena , à Medicis olim inexplicabilia habita , quorum rationes Geometrica demonstratione nunc assensum cogunt ; sique *Data* , ( ut vocantur ) sufficerent , nullus dubito , quin quæ hodie torquent philosophorum ingenia omnibus perspicua forent Phænomena. Nam, si inventis, quæ Majoribus erant ignota , præsens inclarescat ætas , quidni etiam Posteris nobis feliciores , Generis humani salutis suorumque famæ consulentes ea inveniant , quæ , ab eruditis diu multumque desiderata , adhuc tenebris involvuntur. Nec desperare sinunt, qui hactenus facti sunt a Philosophia Mechanica progressus , quanquam ea non nisi nuperrime admodum ipsi Medicinæ laboranti , auxilia-trices manus admoveere dignata est.

Cum igitur Corpus animatum mechanice constructum esse percipimus , atque ex partibus sua officia debite fungentibus , & sibi mutuo accommodatis , sana oriatur œconomia , & salutis & vitæ cum effectrix tum conservatrix ; necesse est morbos omnes ab œconomia perturbata provenire. Certe œconomiam probe constitutam recta valetudo non magis necessario consequitur , quam infirma perturbatam. Si enim , iuxta Penduli longitudine , horologio motus continue æquabilis comparatur ; nonne longiori aut breviori motus sit iusto aut celerior aut tardior ? cumque omnia præter pendulum rite disposita ac ordinata novimus , nonne inæquali motu , penduli vitium indicatur ? Eadem profecto circa corporum morbos ratiocinatio obtinet , nam in his uti & in aliis machinis , necesse est ut eadem structura eosdem semper producat effectus ; nec aliter se res habet , quod inest hominibus causa motus ; nullas motus leges ipsa agnoscens , nequaquam enim conscia est motuum



## P R Æ F A T I O.

tuum salutem corpori tribuentium Anima ; motibusque *OEconomiae* perturbatis , quos interdum excitat , quibusque ipsa se misere excruciet , directe occurrere novimus , nulla animæ habita ratione ; eodem plane modo , quo quis globum è manu alterius emissum , vi globo tantum , non manui moventi occursante , recta depellit. Non tamen hæc in eam sententiam disputo , quasi omnes corporis morbos , ignota , vel quod idem est , neglecta causa curari posse existimem ; nam leviores animi impetus obsisti possunt , dum ipsam animi ægritudinem dies extenuat ; at qui à causa continuo operante procedit morbus , non nisi , ea sublata , extinguere potest. E quibus perspicuum est , œconomiae animalis notitiam , ad morborum Naturas intelligendas maxime necessariam esse , tantoque has evidentiores fore , quanto major illi facta fuerit accessio.

Fatendum est hanc Medicinæ excolendæ methodum perquam difficilem esse , & laboris , & observationis , & iudicii plenam ; at non minoribus obsitæ sunt difficultatibus plerumque omnes Naturæ investigationes ; nec quicquam profecto præclarum ac Generi Humano utile , quod non arduum sit ; quærendi vero defatigatio turpissima , cum id quod quæritur sit & magnificum & salutare. Hujusmodi rebus ingenia humana exerceri voluit Summus naturæ Opifex ; & cum res nullæ aliter quam earum naturæ sinunt , tractari possunt , hac via insistendum est , si quid in morborum curatione proficere volumus ; nullam enim aliam ab hac diversam agnoscit natura.

Fuere olim Medici , nec etiam post exultant à philosophia Medicinam desunt , qui Medicinam experimentis tantummodo promovendam putant ; & in singulis



## P R Æ F A T I O.

His morbis cum lædencia, tum adjuvantia diligenter observanda; abditas autem rerum naturas scrutari omnino supervacaneum esse contendunt, nec Medico magis usus fore, quam Nautæ fluxum refluxumque Maris, aut miram Magnetis theoriam. At qui diligentius animo revolvit, quam varia sint morborum genera; quanta in singulis generibus reperiatur diversitas, quomodo à corporis temperamento, loci, aërisque natura (quæ ipsa pene infinita sunt) diversa morbis induatur facies: tum qui perpendit varios morborum inter se complexus, & pene innumerabilem medicamentorum multitudinem (quæ cum universa non suppeditare valet natura, multæ subsidio veniunt Artes) denique opportuna in singulis morbis remedia adhibendi eademque commutandi, imo à remediis omnino forsan abstinendi tempora; hæc, inquam, qui animo secum reputat, necesse erit ut idem surdum non minus verba fidibus modulari posse censeat, quam Medicum cæca solum experientia duce, morbis mederi; quique aliter judicat, is nihil horum videtur aut reputavisse unquam aut non satis attendisse. Non equidem ignarus sum, Medicinam ab experimentis primum ortam esse; cum scilicet homines omnis doctrinæ ignaros ad quidvis experiendum adversa cogeret valetudo. Sed in morbis medendis parum processit hæc infans experientiæ ætas; nam ad ipsa experimenta nullus est aditus nisi ab aliqua œconomix cognitione; adeo ut pauca tantum, eaque generalia contineret prima Medicina, à communi sensu & consuetudine parum remota, quæque unusquisque seipsum diligenter observando facile potuit colligere. Sunt qui generalem & corporis & œconomix notitiam Medicinæ studiosis aliquantulum inservire benigne & ingenuè fatentur; exquisi-

tio.

\* \*



## P R Æ F A T I O.

tiores autem Partium Structuras , Vasorum , Nervorumque discursus , & diversa munera ad quæ à Natura singula destinantur , curiosius explorare , & cum desideriosa delectatione investigare prorsus inutile esse contendunt , nec tam Medico quam Pictori profecturum : at quam inepte ! Quasi scientia mutila & imperfecta in morbis expellendis æque valeat , ac eadem numeris omnibus absoluta valeret. Sinistra profecto Medicinæ fata quem non moverent ? nemo enim est qui in ulla arte , utcunque vili , qui ad hunc modum ratiocinari velit. Si quis fidenter satis asserat , se Navis cursum ex *Britannia* , ad certum quendam *Indiæ* Orientalis Portum , quem inter Plagam orientalem & meridionalem situm esse accepisset , melius dirigere posse , quam si loci latitudinem & longitudinem ad unguem determinatas haberet ; nonne inscium hunc & satis impudentem omnes deriderent ? At quam feliciori ausu hujusmodi multa à Medicis (utinam non à viris etiam alias satis eruditis , & à quibus meliora expectanda essent) quotidie prædicantur ? à quibus omne ad rem medicam recta ratione promovendam conamen tanquam vanum ac inutile in maximum literariæ Reipublicæ detrimentum convellitur. Generalis œconomix cognitio , non indicationes singulis morbis proprias , sed universis communes subicere potest. Medicum certe non solum communia quædam scire oportet , sed etiam quid , quale est , quod ab illo debellandum sit ; cui parti infideat , queis quantisque viribus loco dejici possit. Hæc qui ignorat , contra hostem imbellem , & perite oppugnanti facile cedentem , totas colligit copias , quas huc illic temere immittit , ignarus omnino , quo impetum facere debeat ; certus omnia in tumultum dare , naturæ

suc-



## P R Æ F A T I O.

succurrere incertus. At ajunt se œconomix notitiam ideo  
 rejicere, quod præter quædam generalia, nihil certi  
 habeat hæc scientia, naturam ipsam esse incomprehen-  
 sibilem; quæque ab ingeniosissimo quovis traduntur OE-  
 conomix explicationes, mera esse cerebri figmenta, quo-  
 rum cum nulla in natura existant vestigia, viam Me-  
 denti commonstrare non posse. Hujusmodi sermo &  
 ignavia & ignorantia asylum est. Si enim Naturam in-  
 explicabilem judicassent *Euclides* & *Archimedes*, (at-  
 que hoc majore olim ac nunc, ratione dici potuit) ope-  
 ra certe suæ in Geometriæ elementis concinnandis pe-  
 percissent egregii illi viri, nec post tot secula leges qui-  
 bus corpora cœlestia in orbes suos circumferrentur, in-  
 vestigasset *Newtonus*. Quid sibi velint tanta specula-  
 tionum farragine illi Geometræ, rogare potuisset *Empiri-  
 corum* Familia. Illinc Schematibus è cerebro desumptis  
 pulcherrimum mundi ordinem explicari posse putant?  
 In quo, quanto quæque gerantur consilio, nullo con-  
 silio assequi possumus; vanum ac ridiculum! Certe qui  
 id sibi propositum habet, hunc cœlum intueri oportet,  
 atque ratos Astrorum ordines observare, immutabiles  
 cursus, ortus & occasus, motus acceleratos & retar-  
 dados, vicissitudines solis anniversarias, & varias Lu-  
 næ tum crescentis tum senescentis mutationes; hanc in-  
 sistenti viam, quam ipsa monstrat, Natura sese offert,  
 dum cerebri laqueis captari refugit. Speciosa hæc qui-  
 dem oratio; quam manca vero debilisque fuisset *Astro-  
 nomia*, nullis Geometriæ adminiculis suffulta, nemini  
 non notum est. Quam Astronomo Geometria, eandem  
 Medico OEconomia Animalis opem præbet; quibus i-  
 gnotis, neutri observationes suas & experimenta ad usum  
 reducere liceret. Humi certe jacet, semperque jace-  
 bit,



## PRÆFATIO

bit, quæ experimentis inhæret scientia, at quæ illis insistent, recta ratione se erigit, ad summum aliquando tandem perveniet.

Non is sum qui postulem, ut explicationes OEconomix Animalis æque certæ & perspicuæ, ac Geometriæ propositiones habeantur; utinam revera essent, tunc indubitata earum utilitas, nemini disputandi locum relinqueret; sed quæ dicta sunt, eo spectant, ut Medici, OEconomix cognitionem ad morborum cognitionem absolute necessariam dijudicantes, ei excolendæ totis ingenii viribus sedulo incumbant. Nec operis difficultas quenquam detertere, sed summa utilitas ingeniosos omnes commovere, & excitare debet; Quod plurima falsa, multa tantum probabilia, perpauca evidenter vera contineat, non statim rejicienda est scientia maxime salutaris. Nihil simul & inventum est, & perfectum. Erat omnibus artibus ac scientiis sua infantia, in qua multa fuerunt abstrusa, pauca percepta & cognita, atque ex humili in altum pedetentim & insensim accrevit. Non tanquam scintilla ex filice quærenti veritas illico profilit, sed tanquam Thesaurus reconditus, indefessos diligentis investigatoris labores plene remunerat; alia atque alia tentanda sunt loca, nec unquam is divitiis potietur, qui nisi reperiendi certus scrutari nolit. Ars Politica est omnino conjecturalis, in qua etiam exercitatissimos reipublicæ Gubernatores multa fallunt; an igitur ea nulla putanda est? Ipsa etiam quæ experientia & usu nititur medicina, multo plura inutilia, imo nocua, quam utilia habet; hanc tamen retinent, qui œconomix scientiam propter incertitudinem rejiciunt. In graves etiam errores nonnunquam labuntur, qui in Geometria, certitudinis pul-



## P R Æ F A T I O.

pulchritudinem vere jactante , versantur Viri non indocti.

Quanquam Medicinæ studiosis Authores simus , ut OEconomix animalis notitiam in primis necessariam esse existiment , non tamen experimentis suum usum deneamus. Ex illis omnis scientia naturalis (cujus hæc , quam excolendam proponimus , pars est nec exigua , nec ignobilis) orta , firmiter valenterque procedit ; quotiesque languescere , titubare , at è via recta deflectere incipit , novis iterum experimentis animata , erecta , & in viam revocata , progressus majores ac meliores facit. Per experimenta & observationes circa Partium Corporis Structuras , Sanguinis naturam , & Secretionis , ad notitiam œconomix corporis unicus patet aditus. Quique illis neglectis , theoriis & hypothesebus ingeniose conceptis , ac concinnatis , naturam explicare studet , nihilo plus agit , quam si det operam , ut qua ratione in nubibus castella ædificentur , doceat. Medicinam ab experimentis originem traxisse agnoscimus , nec dubitamus quin multa remedia nunc usu comprobentur , quæ casu seu Divina potius Providentia , primo reperiabantur ; hujusmodi est *Cortex Peruvianus* , cujus usum ab œconomix animalis cognitione deductum fuisse nemo suspicatur. Veruntamen quæ experimentis cæco casu temere institutis scientiam excolere promittit methodus , ea nemini bona ac laudabilis videri potest. Si vero medendi experimenta œconomix notitia instituit ac regit , sperandum est hæc tandem aliquando , multo usu probata ægrotantibus auxilii aliquid afferre posse. At quo majori notitia ea diriguntur , eo major auxilii spes effulgebit ; sola enim œconomia morbi naturam , vires , & locum indicat ; horum vero ignarus ,



## P R Æ F A T I O.

huc illuc animo vagatur, nec quid moliendum est cernit, quod si forte fortasse metam contingat, Viri fortunati, potius quam in sua arte versati, laudem, si qua debetur, sibi acquirit. Quæ omnibus numeris jam jam absoluta est ars, hujus theoria, utcunque philosopho grata fuerit, Artifici parum, si quid omnino, prodesse potest, nec ea certe illi magis usus foret, quam, oceanum *Britannicum* naviganti, causas æstus marini, & acus magneticæ cognoscere: Sicut tamen harum cognitio, nautæ in ignotas oceani partes delato, ad suum in globo locum reperiendum inservire possit, sic ignotus Medico morbus ab œconomia animali & patefaciendus & melius explicandus est. Tantum profecto abest, ut ars Medicinæ perfecta habeatur, ut sane nullus sit morbus, utcunque levis plerumque existat, qui non omnem Medicinæ vim aliquando spernat ac eludat.

Quanquam *Empiricorum* disciplina, omnem aspernans rationem, nullis unquam rationibus dimoveri potuit, ea tamen medendi ratio, quæ à causis evidentibus indicationes salutiferas deducit, doctissimis in omni ætate maxime comprobata fuit. Harum causarum notitiam nemo ex iis unquam è suo solius cerebro extudit, sed sedula naturæ observatione, accurataque & animadversione & comparatione eorum omnium quæ cuique in unoquoque morbi cursu & stadio accidunt assequenda esse judicavit. Hac arte divinus excellens *Hippocrates*, sui nominis memoriam immortalitati tradidit. Quas accuratissime & perquam concinne conscripsit morborum historiae, lectoris animum mire oblectant: tanta diligentia, tanta circumspectione naturam aliquid novi molientem perspicere & observare solebat, ut nulla subita morbi mutatio, nulla inusitata periodus, nullum



## P R Æ F A T I O.

novum symptoma non animadversum suboriri potuerit : atque hinc futuros morborum eventus prædicendi, mirata est sagacitas. Illius vestigia ex antiquioribus quidam non sine laude medici persequiebantur, & nemo pressius insistebat, quam Viri Cl. *Sydenhamus* & *Mortonus*, qui accurata morborum descriptione, distincta & plena causarum evidentium symptomatum & signorum enumeratione, iuxta generum in suas Species distributione, & prognosticis à natura petitis, diuturna experientia confirmatis, omnes inferioris ætatis Scriptores facile longeque anteiverint.

Hæc egregia illa ars est, quæ Medicum in œconomia animali rite institutum, & satis versatum, ad summum medicinæ fastigium evehere potest. Ut nemo cœlestium motuum ignarus, quanquam in Geometria peritissimus, Astronomus dicendus est, ita nec Medicus habendus est, qui ignoratis morborum historiis solam œconomiam animalis notitiam sibi vendicat. Et è contra, qualis Astronomus est Geometriæ ignarus, talis certe est Medicus œconomiam animalis imperitus. Sed quod feliciter medenti opus est, ut non solum morborum historias, sed etiam œconomiam animaleam teneat, ex consideratione corporis, tanquam Machinæ, insuper apparebit. Nam sicut apertum & perspicuum in Machina vitium, nemo artificii rudis corrigere & in integrum possit restituere, sic nulla vel minutissima morbi descriptio, medicæ œconomiam inscio, curandi rationem suggerere potest.

Lubet hæc exemplo uno aut altero illustrare. Symptomata *icterum* comitantia, ab œconomia animali ita explicantur, ut nullus sit dubitandi locus, quin hic morbus ab Hepatis obstructione proveniat; unde Venæ



## P R Æ F A T I O.

sario inquirendum est: a tot enim externis, interneque sumpta insatiabili ciborum varietate corpora nostra afficiuntur, ut singulis naturæ investigationibus etiam Medendi Arti accessio facta esse videatur. Summo certe iudicio, & accuratissime à quibusdam Medicis antiquis morborum historias conscriptas fatemur, & ex quo circuitus Sanguinis inventus est, tantique nuper in Philosophia naturali facti sunt progressus; Ars Medicinæ, accurata circa naturas & Morborum sedes disquisitione, iustiori magisque concisa curandi ratione, multorumque remediorum inventionem, multum exulta & locupletata est.

Quanquam vero multa, eaque magna commoda, à Philosophiæ fontibus patefactis Medicina hauriat, non parum tamen detrimenti ex prava nimiumque recepta Philosophandi methodo accepit; quæ, principia non Naturæ sinu, sed ex ingeniosorum hominum cerebris desumpta adhibet; qualia sunt prima ac secunda *Cartesii* elementa, quorum nulla in Natura extant vestigia, sed ficta & commentitia, fundamentum Philosophiæ incertum, minusque firmum reddunt; cui tamen tota hujus Philosophi Physica exædificata est. Ex his principiis, si quid recte concludatur, non pro vero nedum probabili, sed possibili tantum, quatenus à nobis intelligitur, admittendum est. Nec illi assensus prius adhibendus, quam talia revera in Natura extare principia, firmissimis, gravissimis, ac certissimis constiterit argumentis; quod fieri nullo modo potest. Talibus innituntur principiis pleræque omnes morborum theoriæ; adeoque minime mirum est si quæ ex his, (quibus nihil certi, nihil admodum vel probabilis inest) colligitur medendi ratio, cum Medici, tum Ægrotantis spem misere fallat.



## P R Æ F A T I O.

lat. Si principia quæcunque, modo primo intuitu non falsa appareant, assumendi detur facultas, quid impedit, quo minus vago ac confuso, sed pervulgato ratiocinandi modo mille uniuscujusque morbi excogitentur explicationes, æque probabiles omnes, & totidem dissimiles medendi vias indicantes, quarum una tantum vera esse potest, fortasse nulla? Quanquam bellæ hypotheses leviusculis suffultæ rationibus, artificiose fabricatæ & eleganter concinnatæ, Philosophi animum titillent, & gaudio afficiant, à corpore tamen ægrota- tionem aut dolorem nequaquam amovebunt. Non *pul- chris* rationibus de corio humano fas est ludere, sed *solidis* vitas civium periclitantes in tuto collocare, præ- clarum & laudabile. Qui hypothese valde dubiæ & incer- tæ fidit, simile vitæ periculum subit, ac nummorum ille, qui forti credit, in qua tantum unus casus est, ut nummos depositos sine fœnore iterum accipiat, pene au- tem innumerabiles ut eos omnino amittat.

Hoc vero Philosophiæ genus, facultati medicinæ non modo nihil prodest, sed etiam quam plurimum obest. Medici enim suis inventis nimis oblectati, naturæ vim omnino neglexerunt; morbos ad opiniones suas, quam opiniones ad morbos conformantes. Atque hinc fit, quod recentiores morborum explicationes nihil aliud ple- rumque sint, quam Philosophorum fabulæ, naturæ illa observatione omnino vacuæ, quæ *Hippocratis* sempiter- nam memoriam longe lateque disseminavit; quaque de- stituta Medicina nunquam augeri & ad summum possit pervenire.

Tam angustis à Natura terminis hominum circumscri- buntur ingenia, ut perpauca diversis studiis cum laude incumbant; aut etiam ejus in quo versantur, diversas



## P R Æ F A T I O.

partes dilucide exponant: Multi qui astrorum cursus, & corporum cælestium motus accuratissime notarunt, Geometriam vix primoribus labris degustarunt; qui vero in Geometria præ cæteris emicuerunt, in Astronomia plerumque defecerunt. Homines etiam æquitatis & veritatis illius immemores, quam civibus, quam Patriæ debent; aut dotibus suis nimium confisi, omniaque sibi ipsis ignota, ab arte quam ipsi profitentur, aut omnino aliena, aut ad eam non multum pertinentia judicantes; quæ ipsi melius intelligunt, ea amplectuntur, ea exornant, de his longa semper & immensa fere oratio est, cætera vero, nec laudis, nec utilitatis minus habentia, vel facete irrident, vel omnino intentata prætereunt. Naturalis Philosophia in Medicina promovenda à morborum Historiis multum auxilii accepit; quibus invicem explicandis non minus luminis ipsa præbuit. Nihil est quod hæc conjuncta non efficiant, cum interim disjuncta parum profunt. Et vere quidem hoc videor esse dicturus, neminem Medicorum esse, utcunque Philosophiæ Naturalis fastidiosum, qui in morbis curandis methodum ex OEconomia animali, quatenus ipsi cognoscitur, non deducit, quæ idcirco eo magis incerta & vaga est, quo minus ille in Naturali Philosophia versatur. Hoc vero cum ex plurimorum, tum præcipue *Doctoris Sydenhami* scriptis constat, cujus quidem dissoluta, & jejuna Philosophandi methodus, dignitatem & necessitatem illius Scientiæ declarat, quam ille nimis ubique despiciebat, parum vero intelligebat. Quanquam autem præclarum illum Virum in hac re inviti reprehendamus, in aliis satis laudare, satis efferre non possumus. Morborum historias & accurate composuit, & ingenio ornavit. Unus itaque iste error, in quem lapsus est (quis

au-



## P R Æ F A T I O.

autem omni errore vacat) lubenter prætereundus esset, eique quasi velum quoddam obducendum, ni ignavi homines & imperiti peccandi licentiam hinc sibi concessam putarent, & errores suos tanti Viri Autoritate confirmarent.

In sequentibus tractationibus nonnullæ de præcipuis OEconomix animalis partibus traduntur cogitationes; recolenti autem mihi & cogitanti sæpenumero *Venæ Portæ* usum diversi corporis humores per *Attractionem* Particularum formari non incongrue videbantur; Quod ubi cum *Fratre* meo communicassem, non parum ille oblectabatur sua de vi Attractrice Theoremata tam insigni exemplo illustrata invenire, & tertiam Propositionem demonstratam ad me misit.

Ad Secretionis doctrinam explicandam, Sanguinis statum ad varias à Corde distantias observavit Sagacissimus *D. Cockburn*. Qui licet hanc Attractionis Vim parum tum perspicere videretur, diversas tamen Sanguinis Velocitates, ad diversa fluida secernenda necessarias, sapienter odoratus est.

Ut in Astronomix suæ præfatione, corporum cœlestium ad se invicem affectus, & Gravitationes, veteres Philosophos minime latuisse judicat, Vir Eruditus, *D. Gregory*; ita Vis illa, per quam materiæ omnes particulæ se invicem trahunt simul & trahuntur, *Hippocrati* non minus innotuit, (a) cujus omnis Philosophia

---

(a) Vide Histoire de la Médecine, par M. le Clerc.

Τὸ γὰρ Φάρμακον, ἐκότεν ἐσελθὴν εἰς τὸ σῶμα, πρῶτον μὲν ἄγχι, ὃ ἀν αὐτῷ, καὶ φύσιν μάλιστα ἤ, τὸ ἐν τῷ σώματι ἐνεόντων· ἔπειτα δὲ καὶ πᾶσα ἐλκεῖ τι καὶ κατὰ φύσιν. De Natura Hominis.



## P R Æ F A T I O.

phia propensione quadam, qua nonnulla mutuo afficiuntur, tenentur, & commutantur, quasi totius operis fundamento, innititur. A quo viro nos medicamentorum Catharticorum vim explicando non longe (b) aberamus. *Galenus* (c) hanc propensionem, sive Attractionem Vim quandam universalem esse, omni materia inhaerentem, affirmat, nec facultati illi, seu potentiae Magnetis ferrum ad se trahentis, dissimilem esse (d) credit. Idemque in libro suo de *Purgantium Medicamentorum* Facultate, inscripto; illos omnes gravissime & acerbissime impugnat, qui *Hippocratis* sententiam evertere frustra sperarunt, affirmando omnia Medicamenta purgantia, eandem vim; in omnes humores, obtinere; tandemque cum *Hippocrate* Ille concludit, omne Medicamentum Catharticum, peculiare humores, sibi que proprios attrahere. In altero autem libro de *Naturalibus Facultatibus* inscripto, non minore vi & ratione, *Epicurum*, *Asclepiadem*, *Erasistratum*, aliosque oppugnat, *Vim Attractricem* & posse & esse acriter contendens. Hinc patet hanc minutarum particularum Materiae attractionem non hodiernum esse commentum, sed

---

(b) Καὶ σύμπαν ὅλον ἐστὶ, καὶ σύρρειν τὸ σῶμα· καὶ ἡ φύσις ἅπαντα τεχνικῶς καὶ δικαίως πρῶτῃ, δυνάμει ἔχουσα καθ' ἃς ἕκαστον τῶν μορίων, ἑλκεῖ μὲν ἐφ' ἑαυτὸ τὸ οἰκτεῖον ἑαυτῷ χυμόν. ἔλξαν δὲ περὶ πάντων τῶν μέσων τῶν ἐν αὐτῷ, καὶ τελείως ἐξομοῦ. *Natur. Facult. I. 12.*

(c) Δέδεικται γὰρ ἡμῖν, ἐν τοῖς ἀπὸ φυσικῶν δυνάμεων ὑπομνήμασιν, ἡ μὲν φύσις ἕκαστον τῶν μορίων, τέταρσι δυνάμει χωρὶς, ἑλκεῖ τε τὰ οἰκτεῖα· καὶ καθεκτικῇ τῇ αὐτῇ. *Galen. Commentar. in Hippocrat. Aphorism. Lib. I. 22.*

(d) Ἐξορύσμεν μὲν ἐν κοινῇ, πῶς ἑλκεται· πῶς δὲ ἄλλως ἢ ὡς σίδηρος ὑπὸ τῇ Ἡρακλείας λίθῳ, δύναμιν ἔχουσα ἑλκετικὴν τοιαύτης ποιότητος. *Ibid. II. 7.*



## PRÆFATIO.

sed à veteribus olim receptum , & ab illis ad nos derivatum.

Diversos humores , eodem fere modo per Glandulas secretos esse posui, ac *D. Morland* in tractatu suo inter Philosophicas tractationes edito. Quæ in hoc libro de Sanguinis quantitate dicta sunt , quam vanæ plerumque & futiles sunt vulgatæ opiniones , quam exigua imo nulla ratione suffulta accipiuntur , abunde demonstrant. Operis vero hujusce difficultas , nova etiam & inusitata , qua tractatur , methodus , quæ opus hoc forsan minus perfectum , Lectorem , spero , benevolum magis reddent. Muscularis motus Theoria , ex iis quæ de vi attractrice dicuntur ita ultro oritur , ut eam res ipsa peperisse videatur. Eruditus Vir *Joannes Bernoulli* , rationem qua vis Elastica determinari possit , excogitavit ; hunc vero eam demonstrandi modum à *Fratre* meo accepi. Harum rerum dignitatis quas hic suggessi non adeo ignarus sum , nec mediocritatis meæ ita immemor ut hæc me ad summum perduxisse existimem. Satis mihi gloriæ , satis voluptati ducam , si hæc acutioris ingenii Viros Naturam indagare inducant , aut indagantes aliquantulum adjuvare possint.

Nemo hujusce libri utilitatem , nemo veritatem ejus in Animalis OEconomix explicatione tradenda , sine *Matheos* ope comprehendet ; cuilibet tamen in his vel mediocriter versato , quæ sequuntur , non difficilia erunt , aut obscuræ.

CON-

# CONSPECTUS

Horum Tractatum.

TRACTATUS I. Continet Tentamina Quinque.

I. <i>De Sanguinis Quantitate.</i>	Pag. 1
II. <i>De Velocitate Sanguinis.</i>	30
III. <i>De vi Cordis Sanguinem. per totum corpus impel- lendo.</i>	37
IV. <i>De secretione Animali.</i>	44
V. <i>De Motu Musculari.</i>	97

TRACTAT. II. Continet

I. <i>Tabulas Perspirationem Excretionemque per sin- gulos menses exhibentes.</i>	120
II. <i>Observationes unius anni continui ad Menses sin- gulos.</i>	163
III. <i>Observationes variorum annorum.</i>	169
IV. <i>Aphorismos Staticos.</i>	173
V. <i>Disquisitiones duas.</i>	179
1. <i>De frigoris suscepti Causa.</i>	ibid.
2. <i>De Corporis animati Vi attrahente.</i>	182



# JACOBI KEILII TENTAMINA MEDICO-PHYSICA.

## TENTAMEN PRIMUM.

### *De Sanguinis Quantitate.*



Uærenti mihi, ac sæpius animo revolventi, unde orta sit opinio, medicorum fere omnium firmata consensu, quantitatem sanguinis in corpore humano *libras viginti quinque* vix excedere, mirum sanè videbatur, rem tanti momenti, cùm ad perspicuam œconomix animalis, tum ad morborum curandorum notitiam, inexploratam & fere intactam huc usque jacuisse, virosque eruditos opinioni levibus rationibus primùm conceptæ, nec firmioribus adhuc stabilitæ, sine ullâ dubitatione assentire potuisse. Est profectò valde involuta, multisque difficultatibus obstructa de sanguinis quantitate disquisitio, & illa quæ in medio posita videbatur per hæmorrhagiarum observationes exquirendi methodus, fallax admodum est & incerta. Diversam enim sanguinis quantitatem corpora hæmorrhagiis necata effundunt; quam tamen quisque effusam vidit, eam communem totius massæ sanguinæ mensuram constituit. *Rolfincius* xxx libris totam massam

A æsti-



æstimat, alii xxv, alii xx, alii xv. Cl. *Harvejus* vix decem pondo sanguinis quantitatem esse censet, *Moulinus* ad plurimum octo. Is ove agnoque jugulatis, ex alterâ libras quinque cum quadrante, ex altero sesquilibrium sanguinis effluxisse animadvertit, atqui sanguis ovinus, pars totius ovis vicesima secunda, agnus autem totius agni pars vicesima prima: ex quibus sic colligit, si in homine ac agno (qui ratione ponderis majorem quam ovis sanguinis copiam profudit) quantitates sanguinis sint corporum ponderibus in eâdem ratione proportionales, sanguinem in corpore humano cujus pondus est 160 libræ, haud superaturum esse libras octo. Quoniam autem tam variæ tamque discrepantes, & à vero tam longè remotæ sunt doctissimorum hominum sententiæ, inexploratum, dubium, ac falsum omnino principium adhibuisse mihi videntur. Quid veritatis investigationi magis obesse potest, quam præjudicatas aliorum opiniones sine ullâ dubitatione admittere, aut quid homine Philosophico magis indignum, quam res perobscuras, & non satis explicatas, ratas habere? Liceat itaque nobis hanc rem de novo explorare, non tam ut aliorum opiniones evertamus, quam ut quid verum sit, aut saltem quod ad id propius accedit, dignoscatur.

Qui sanguinem humanum, ex quantitate in hæmorrhagiis evacuatâ, se determinasse judicabant, id principium tacitè posuerunt, totam aut prope totam sanguinis massam, vel saltem certam aliquam ejus portionem, per quam de residuo facile esset judicare, in quolibet profluvio effundi, quo nihil rationi minus consonum est, uti paucis nunc exponam.



Si ex arteriâ aliquâ magnâ , casu aut ex consilio præcisâ , *ex. gr.* ex *Iliaca* dextri lateris externâ sanguis pleno flumine exeat , quid est quod sanguinem in toto pede dextro contentum movere & expellere potest ? Cordis impetum non ille impertire potest , qui per vulnus effluit sanguis ; nec valet is qui per ramulos *Iliacæ* minores non incisos deferitur , cum ipse patente vulnere tardissimè moveatur , cumque sanguis sanguine expellitur , eadem semper manet vasorum plenitudo. Non ullo arteriarum pulsu promovebitur , cum hic à sanguine in quavis cordis systole , in arterias pulsantes adacto excitatur. His causis sanguinem moveri voluit natura , quibus si ulla ejus portio , quæ in pede dextro continetur , non moveatur , necesse est ut illic immota maneat ; morsque hominem prius occupabit , quam inde expelli possit. Micantibus pro puncto temporis arteriarum tunicis , & motionibus quæ morientium membra agitare solent , nonnihil sanguinis è vasis majoribus forte excutietur , at in minoribus contortisque vasis pars longe maxima hærebit , carnem & musculos suâ naturâ albos colore sanguinis tingens.

Quanquam in arterias *Iliacas* dextram & sinistram , æqualem sanguinis quantitatem omni cordis pulsu natura infundat , cum tamen dextrâ vulneratâ perfluat , hâc deducetur ferè omnis aortæ descendents sanguis , unde , qui in pede sinistro continetur , languebit & morabitur : nec ejus pars ulla inde redibit , nisi quæ corporis motu , & eo quo ad æquilibrium feruntur fluida , ejicitur.

Ex quibus satis constat sanguinem per ramos aortæ descendents omnes (si vulneratum excipias) tardè admodum fluxurum , perque venas arteriis continuas tar-



dius ad cor refluxurum. Nec tantum per vasa inferiora, sed per superiora etiam sanguis motu tardiori fertur; nam cum minor sit sanguinis ad cor redeuntis quantitas, quam quæ ad aortam singulis cordis contractionibus replendam sufficiat, cumque sanguinis singulis contractionibus ejecti pars multo major in aortam descendente deducatur, quam cum nullus è corpore effluit sanguis, patet sanguinem, quantitate minori, motuque diminuto arterias ascendentes, *Subclavias* & *Carotidas* percurfurum. Hinc minor erit spirituum animalium secretio, & secretorum per nervos debilior propulsio: cumque vegetiori spirituum animalium motu cordis motus pendeat, illo languescente, hunc etiam languescere oportet. Sed non solum à spiritibus animalibus per nervos ipsi delatis cor movetur, sed à sanguine etiam arterias *Coronarias* perfluente; & cum non satis ad aortam implendam cor singulis contractionibus projiciat; qui projicitur, *Coronariarum* orificia sub valvulis semilunaribus latentia, facile præterlabitur, unde exigui sanguinis defectu, mox cordis etiam motus deficiet. Ob hunc spiritus sanguinisque defectum, quo major est vas sanguinem effundens, non solum eò citius, sed eò etiam cum minori sanguinis dispendio vita effluit; nec tantum sanguinis aorta, quantum arteria quævis minor divisa profunderet. Nam cum qui est in diffusis venarum arteriarumque ramis sanguis, à sanguine è corde ejecto movetur, intercepto vel aliorsum derivato aortæ flumine, qui sanguinei ex eo manabant rivuli omnes protinus suos sistunt cursus, & sanguis imotus in artubus requiescet. Cum igitur cor, quem in aortam infundat sanguinem, è venis non recipit, patet tantum sanguinem in aortâ simul contentum effun-

di



di posse. Ex quâcunque venâ aut arteriâ sanguis profluit, tam diu cursum tenebit, quam diu aorta plena manebit, quâque hæc ratione inanescit, pari ille tardescet, tandemque desistet.

Animalium canalibus inest vis quædam elastica, quæ, si paulatim sensimque dilatentur & extendantur, se rursus paulatim contrahere valent; at ut magnam ac repentinam dilatationem sine rupturæ periculo non possunt pati, ita pristinum statum ac formam subito nequeunt resumere. Hinc fit ut ubi magna aliqua arteria sanguinem copiosè profundat, aorta & arteriæ majores continuo depleantur, & vita sine multo sanguine effluit, corpus exanime, sed non exsangue relinquens. At cum ab arteriâ aliquâ exili, & à corde longe remotâ sanguis placidè lentèque manat, decrescenti quantitati sese continuè accommodat decrescens vasorum capacitas adeò, ut, post multas sanguinis libras effusas, vasa adhuc plena reperiantur. Hinc nullum virium languorem animal sentit, dum vis hæc elastica viget, quâ ubique turgent etiam gracilescencia vasa, quâ vividus sanguinis motus impertitur, quâ spiritus animales valde per nervos impelluntur, quâque suum cor munus viribus integris explet. Hinc etiam est quod apud Observationum Medicarum Scriptores nullum vulneratæ arteriæ majoris exemplum extet, tantum sanguinis profundentis, quantum ex minori *narium* scilicet, aut *hæmorrhoidum* sæpius profusum fuisse accepimus. Hinc denique constat ratio, cur calculus, quem *Moulinus* exhibet sanguinis è vasis *Carotidibus* ac jugularibus effluentis, multo minor sit illo, qui lentam sanguinis è *naribus*, *utero*, aut *hæmorrhoidibus* distillationem observantibus instituitur.



Non æquali vi elasticâ omnia animalium corpora potiuntur, in quibusdam enim sanguinis lentor, in aliis fibrarum aut vasorum capillarum obstructio multum illi detrahit; idcirco minimam sanguinis quantitatem interdum profundunt corpora sanguine maximè abundantia, quæque habitûs sunt tenuioris succulentis quælibet profluvia facilius sustinere possunt. Nec quidquam aliud causæ subest, cum nonnullorum anima sanguinis missione deficiat; exeunte enim sanguine, nisi vi elasticâ protinus contrahatur vasorum diameter, & pulsus & sanguinis motum languescere oportet, spiritus & sanguis in musculos cordis tarde influunt, quique influunt ad debitam fibrarum muscularium contractionem producendam non sufficiunt. Hæc accidunt hominibus carne molli, flaccidâ minùsve firmâ, habituque corporis infirmo præditis. Quibus si sanguinem detrahare expedit, utile est effluxum parvis intervallis sistere, ut vasis contrahendis spatium melius concedatur; & superveniente syncope, faciem aquâ frigidâ inopinato aspergere, ut vivida fibrarum contractio excitetur, corpusque resupinare, ut facilius sanguinis ab inferioribus partibus ad cor, & à corde ad cerebrum ascensus paretur. Hujus etiam energiæ defectui proculdubio debetur, qui nimiam *urinae* vel *alvi* excretionem, aut quamcunque aliam subitam profusionem sequitur virium languor.

Quod veram explicuimus fractarum à subitâ nimîaque profusione virium causam, hinc porro patebit; qui fatiscunt emisso è brachio sanguine, ii satis largam & lentam per cucurbitulas sanguinis detractionem viribus integris facile sustinent. Nec aliam agnoscit causam Hydropicorum lipothymia, si nimia aquarum quantitas acûs puncturâ simul emittatur. Nemo est œconomix ani-



animalis tam ignarus, cui verisimile quidem videri potest, torpentibus aut exhaustis spiritibus animalibus lympham in abdominis cavitate contentam suppetias sufficere. Sed casus ita se habet. Aquarum in abdominis cavitate augescentium mole indies magis magisque comprimitur aortæ descendenti truncus; sanguine hinc excluso, arteriæ ascendentes necessario dilatantur; quò fit, ut, ubi larga aquarum quantitas acûs puncturâ extrahatur, compressæque arteriæ pristina sua restituatur capacitas, qui singulis cordis contractionibus in aortam infunditur, sanguis ramos cùm ascendentes tum descendentes non æque ac ante repleat & distendat; multum igitur de suâ velocitate sanguis, de suo impetu pulsus multum amittet; cumque ab his spiritûs & sanguinis in cordis musculos derivatio pendeat, cordis languescunt vires, donec vi vasorum elasticâ amissam sanguis velocitatem recuperaverit.

Luce clarius est, arteriâ descendente compressâ, quantitatem sanguinis per ramos ascendentes fluentis, auctam iri; quâ notabilem corpori mutationem, cum ex cephalalgia, tum ex faciei rubore, & ardore, quibus a prandio quidam affliguntur, induci, non minus evidenter apparet: distentus enim à cibo potuque stomachus, aortam descendentem comprimit, sanguinisque cursum deorsum impedit, sursumque vertit; quæ igitur arteriæ descendenti relaxationi à longâ compressione superveniunt incommoda, nec minora nec pauciora esse possunt. Quibus aquæ ex abdominis cavitate puncturâ simul educuntur, hi ferè omnes lipothymiâ mori solent; cujus rationem animadvertens ingeniosissimus Medicus *D. Mead* ventrem post puncturam arctè circumligando plurimos hydrope peritonæi laborantes à funesto hoc sym-



symptomate servavit. Hæc vera morbi causa est agnoscenda, quæ certum laborantibus subjicit remedium, atque tales fructus recta philosophandi ratio Medicinæ & generi humano infert.

Has elasticas fibrarum vires diligenter æstimare debet, qui in morbis, aut acutis, aut longis detractionem sanguinis præcipit: quâ enim ratione intra paucas horas insigniter debilitari possunt, monstratu facile est. Nec unquam periculo vacat larga sanguinis detractio, tutiusque nec minus utile est ut per vices fiat, quam simul omni vi emissâ præcipitare. Ex iis etiam, quæ de secretionibus dicentur, innotescet cum modum tum qualitatem humorum secretorum à sanguinis missione immutari posse. Cumque intestina fermentatio sanguinem exagitat, unde in novas ignotasque copulas particulæ sanguinæ coeunt, naturam interpellare est omnino temerarium, nec, nisi morbi ratio necessariò requirat, moliendum. Sed redeamus.

Si ulla Medicorum observationibus fides adhibenda sit, nihil dubii est quin corporis humani sanguis libras xxv multò excedat. *Rulandus* fluxum sanguinis per *nares* tam copiosum curavit, ut intra diem circiter decem sanguinis libræ profluxerint. *Petrus Borellus* meminit cujusdam sartoris vestium, hominis quadrati, & Joviali temperamento præditi, qui *hæmorrhoidum* fluxu decem libras & quasi torrentes sanguineos effundebat: hunc tamen fluxum liquore de *siccis rosis* distillato se cohibuisse. *Schenckius* refert *Montanum* vidisse quendam *hæmorrhoidibus* laborantem, cui quotidie effluerent *duæ libræ* & amplius, idque per xlv dies, & tandem curatum fuisse. *Tho. Bartholinus* ait se semel in splenetico libras xvi per vomitum excretas, nullâ  
il-



illinc acceptâ injuriâ , vidisse ; & mox subjungit , ex naribus *Fr. Ursati* spatium trium dierum xlviii fere libras effluxisse notat *Andr. Argolus*. Apud *Schenkium* plures reperiuntur immensorum fere è naribus profluviorum observationes , *Monialis* quædam naturæ exilis , macilenta & phlegmatica , quæ non ex abundantia humorum , sed per *sputum* , & per *nares* , & per *urinam* ultra xxviii libras sanguinis effundebat , & tamen unâ drachmâ *Philonii Persici* curata est.

*Brasavolus* profluvium sanguinis è naribus suppressit ; sanguinis effusi libras *decem* & *octo* suis manibus rectâ lance ponderavit , neglecto interim & omisso sanguinis pondere , per terram , sudaria , lintea , & vestes passim undique perspersi. *Marcellus Donatus* testatur se vidisse sanguinis libras xx & amplius è *naribus* unâ die & duabus noctibus profusas , vase collectas & lance libratas , ægrotamque tandem convaluisset. Et demum refert quendam *navium* profluvio xl libras sanguinis intra sex dies effudisse , & vixisse. In Actis Eruditorum Lipsiæ pro anno 1698. sequens memoriæ historia proditur. „ Ju-  
„ venis annos circiter 25 natus , gracilis habitu , naturâ  
„ biliosus , post varios animi motus in eam incidit Hæ-  
„ morrhagiam , ut tametsi fluxus per aliquot horas sub-  
„ inde inducias haberet , decem dierum decursu *quinque*  
„ *supra septuaginta* sanguinis pondo è naribus emisisset.  
„ Circa finem decimi diei totum ægroti corpus nigris  
„ conspersum maculis apparuit , eodemque tempore pul-  
„ sus omnino defuisse visus est. Nihilominus adhibitis  
„ convenientibus remediis , tandem sanguinis fluxus quie-  
„ vit , atque ex eo tempore , firmâ valetudine vegetisque  
„ viribus homo fruitur , vivitque ab omni corporis æ-  
„ gritudine immunis , cum antea bis terve quotannis  
B  
„ mor-



„ morbo aliquo affligi consuevisset.

Jam si communem Authorum mensuram sanguis non multum excederet, memoratorum nemo tantas profusiones sustinuisse valeret. Horum omnes *Moulini* calculum, plerique communem, nonnulli etiam duplum ejus superaverunt. Medicorum itaque omni fide dignorum Observationes, tanquam commentitiæ, & ægrorum somnia, prorsus rejiciendæ sunt, aut multo plus sanguinis, quàm communis unquam tribuit sententia, humano corpori inesse concedendum est. Procul dubio non minus sanguinis quantitate, quam corporis mole, homo homini differt; sed è supra allatis nemo corpore pleno fuisse, præter *Borelli* factorem, memoratur; deque Moniali præcipuè traditum est, tenui corporis habitu fuisse, nec profluvium tantum attulisse plethoram.

Sanguinis autem quantitatem vulgares Medicorum calculos longè excedere, attendenti cuivis, & quotidianas evacuationes perpendenti facile patebit. Hæ vero evacuationes, integrâ corporis valetudine, & pari semper pondere, victui nostro æquales reperiuntur. Sit itaque victus, quem ad sustinendas vires, & quotidianos partium interitus compensandos recipimus, librarum quatuor. Hic cibus cum sanguine commixtus, & quasi in unum concoctus, cum eo simul in glandulis feceretur: ita ut novus vetusque uno eodemque tempore amendantur: & primo fecernantur in ratione quantitatis proportionali: Quæritur jam, quantum veteris sanguinis, post datum temporis spatium in corpore relinquatur. Hæc quæstio eadem est ac si vas aliquod zoo congiis vini repletum esse ponamus, & inde quatuor quotidie exhaustos, totidemque aquæ infusos, ut vas  
ple.



plenum semper relinquatur. Quæritur jam, quantum vini post aliquem dierum numerum in vase remanebit.

Sit itaque  $A B C D$  vas vini plenum, &  $A E F D$  quantitas inde exhausta, tum prima vini quantitas erit ad residuum, ut totum vas  $A C$ , est ad partem ejus  $E C$ , seu, ut  $D C$  est ad  $F C$ . Quod si  $G$  primam vini quantitatem esse ponamus, & si ut  $G : H :: C D : C F$ .  $H$  vini residuum dabit. Cum vero tantum aquæ in vas semper infunditur, quantum vini inde hauritur, cum etiam tota aqua & totum vinum pari ratione immiscentur, vini quantitas secunda vice exhausta, erit ut liquoris quantitas quæ inde deprompta est, & relicta vini quantitas, erit ut residua liquoris quantitas, i. e. ut  $C F$ : aut vini residuum post primum haustum, erit ad vini residuum post secundum haustum, ut  $D C$  ad  $C F$ . & si  $H : K :: C D : C F$ .  $K$  indicabit vinum, quod post secundum haustum relinquetur: &  $G, H, K$ , erunt continuæ proportionales. Simili ratione si  $K : L :: D C : C F$ . erit  $L$  mensura vini post tertium haustum relicta: & quantitates, quæ post singulos haustus residuum exhibent, termini erunt seriei in ratione Geometrica procedentis. Jam vero ponamus sanguinis quantitatem in humano corpore contentam viginti libras non excedere: hoc posito datur series numerorum Geometrice proportionalium, cujus ratio est 20 ad 16, seu, 10 ad 8. si itaque primus terminus sit 1; erit secundus 1.25. cujus logarithmus 0.0969 100 in 30 (numerum scilicet dierum in mense) ductus, dabit 2.9073000, qui a numero 1.3010300; logarithmo scilicet 78 20. (quem numerum librarum posuimus) subtractus, relinquet logarithmum termini trigesimali 8.3937300 cui numero in tabulis re-

Vid. TAB.  
1. Fig. 1.



spondet 0,024758 : veteris itaque sanguinis quantitas, post triginta dies in corpore relictæ, erit libræ pars tantum 0,024758<sup>ma</sup>. quæ tres drachmas paululum modo superat. Sanguinis mutationem tam celerem : tam miram fieri quis unquam credidit? mihi itaque supervacaneum erit id refellere, & coarguere quod primo intuitu prodigii simile, & prorsus incredibile videtur. Quod si evacuationes à sanguine solum proveniant, sanguinis quantitatem *viginti* libras longe excedere necesse est. Hæ autem evacuationes non tam fortasse à sanguine, quam à solidarum partium interitu proveniunt; quod itaque *viginti* libris sanguinis repletum est corpus, libras 160 ponderare ponamus. Quantum itaque veteris corporis, exacto tandem anno, relinquatur, jam quærendum est. Si quotidie quatuor libræ pereant & consumantur, terminorum ratio erit 160 ad 156, seu 80 ad 78. Si itaque logarithmorum differentiam in 365, (dies scilicet unius anni) ducamus, eorumque productum à logarithmo 78<sup>~</sup> 160 subtrahamus, prodibit Logarithmus termini 365, qui, quid de vetere corpore superfit, tres scilicet drachmas, indicabit. Quis autem est, qui carnem suam & solidas corporis partes quotannis mutari, & renovari credat? quo tamen concesso, sub anni finem veteris sanguinis ne Unus quidem scrupulus manebit. Aliud adhuc restat, quod argumento nostro obesse, ejusque vim enervare videtur, an scilicet tantæ evacuationes ab ipso victu oriri possint? Quam quidem opinionem omnino convellere nec possum, nec velim; quantum & postulat, & meretur, libenter largiemur, ut quid inde sequitur, melius videamus. Quatuor itaque librarum, quas quotidie ad vitam sustinendam comedimus, tres illico, aut eodem die ejiciantur,



tur, & res eo redibit, ut si & victus & evacuationes æqualiter, & tantum unius libræ ponderarent. Quod si hoc posito & concessio, quæramus quantum de vetere carne & sanguine, revoluto anno, superfit, inveniemus libras 16, aut magis aliquantulum, quarum duæ sunt sanguinis, si in anni initio tantum *viginti* fuisse concedamus, adeoque libræ 126 solidæ carnis in *uno anno* perierunt, quod quidem concipere omnino mirum est, credere autem prorsus impossibile. Quod si hanc conclusionem maximam scilicet partem cibi in fæces abire, ulterius adhuc urgeamus, majorem vim ratiocinationes nostræ acquirunt. Si enim pars tantum  $\frac{1}{x}$  in sanguinem convertatur, quod certè, cum victus noster partim è membris corporum animalium, & partim è vegetabilibus quæ de tubis corpori animali perquam analogis componuntur, nec rogare, nec concedere iniquum est. Nec verò facilè possumus concipere, naturam alimentum nobis suppeditare, qui stomachum, sanguinem, & digestionem tantum oneraret, partiumque octo vix unam in nutritionem, cæteras vero omnes in fæces fordesque converti. Ut tamen id quod volumus & melius innotescat, & fusiùs explicetur, libræ tantum dimidium, *i. e.* partem victus octavam, sanguinem fieri ponamus. Hæc puri novique sanguinis quantitas ab omni fæce purgata, diversis corporis animalis usibus aptè subserviet, & in carnem semel conversa, saltem tamdiu quamdiu cæteræ partes integra durabit. Illæ itaque partes quæ corpus diutiùs composuerunt, citiùs intereunt; quæ autem novissimè adjunctæ, novissimè removentur. Quod si corporis pondus unum semper idemque sit, libræ dimidium quotidie consumitur, ut eidem quantitati quotidie adjunctæ locus



fit, & hâc ratione totum corpus, nondum uno anno completo, mutatur prorsus & renovatur.

Si cui adhuc videor sinceri nutrimenti nimium corpori tribuisse, huic alium calculum nullâ alimenti aut secretionis difficultate perplexum ponere haud gravabor. Casum juvenis, cui *septuaginta quinque* sanguinis libræ spatio decem dierum è naribus effluxerunt, ex *Actis Lipsiensibus* retulimus. Si continuos hos dies victu omnino abstinuisset, res ipsa loqueretur; sed cum à tanto sanguinis profluvio convaluerit, cibum ac potum, eâ, quâ sanguinem effudit, copiâ sumsisse concedamus, atque hinc quantum veteris massæ sanguineæ, profluvio suppresso, in corpore relictum fuit inquiramus.

Si initio hæmorrhagiæ quantitas sanguinis fuerit librarum xx, sique profluvii modus fuerit singulis diebus librarum septem, erunt seriei geometricæ termini in ratione XX ad XIII: Sit igitur terminus primus 1, erit secundus 1. 538, cujus logarithmus 0, 1869563 in 10 (profluvii sc. dies) ductus, dat 1, 18695630, qui à 1.3010300 logarithmo, videl.  $\tau\tilde{8}20$  (cui sanguinis quantitas supponitur æqualis esse) subtractus, relinquit logarithmum termini decimi 9, 4314670, cui in tabulis respondet numerus 0, 2700, quantitatem sanguinis scilicet uncias fere quinque post decem dierum profluvium relictæ exprimens. Quibus tamen validus & vegetus evasit juvenis, quod credat *Judæus Apella*.

At cum timendum erat, ne nimium ingerendo, vasa ultra modum distenderentur, & hæmorrhagia augeretur; multo verisimilius est, ad profluvii dimidias ingesta vix ascendisse. In quo casu cum puri ac veteris sanguinis tres libræ cum semisse quotidie effundebantur, totam massam sanguineam intra sex dies effluxisse oportet.

In



In omni profluvio à plenitudine non proveniente, quo liberius potatur, eo minus sinceri sanguinis effunditur: adeoque dum humorem aliquem, salivam ciendo, è corpore eliminare conemur, quo uberius cum minore potu, è fontibus oris manat lymphæ, eo citius noxio humore sanguis liberatur.

Explicui jam satis & aperui diversos fontes, unde quotidianæ nostræ evacuationes suppeditari possunt: Quod si sanguinis quantitas *viginti* libras non excedit, tantæ illinc occurrunt difficultates, tot objectiones, quæ rationi & experientiæ repugnant, & fidem omnem aut destruant, aut superant. Quis enim adeo proclivis ad credendum est, qui aut sanguinem fere totum cum mensibus, aut integras corporis partes cum anno semper renovari credat. Hæc, utcunque mira sunt, & prorsus incredibilia, ex eorum tamen sententia, qui sanguinis quantitatem tantum *viginti libras* constituunt, tanquam ex causa effectus, necessario sequuntur. Totum corpus *septennio* mutari vulgo credebatur; hoc vero tempus nullis argumentis firmatur, sed pro libitu assumi videtur. Hanc enim mutationem annuam fore apparet; nec vero hoc mirum est, si maxima pars corporis è sanguine, reliqua, sed minima de solidis partibus componatur. Has autem partes raro, si unquam, mutari ut credam, me nec paucæ, nec leves rationes inducunt; quarum aliquas subjungam. Primo quidem vulnerum cicatrices, quæ vel in digitis vel in fronte accipiunt infantes, gerunt senes. Vulnera, quæ brachio ex sanguinis emissionem, vel cæteris partibus ex incisione cucurbitulæ semel inflicta sunt, nunquam penitus evanescunt. Variolæ quæ infantis faciem notant, eidem juveni pulchritudinem adimunt, imo huic senescenti rugas & citius afferunt,



runt , & altius imprimunt. Hæ vero notæ & cicatrices ab ætate non modo non imminuuntur , sed cum cute & longius & latius accrescunt. Quod si solidæ corporis partes quotidie absumerentur , hæ cicatrices quotidie etiam imminuerentur , tandemque omnino evanescerent: sed longe aliter evenit ; quare illæ partes , in quibus hæc accipiuntur vulnera , integræ semper , eædemque semper manent.

Idem autem comprobant notæ & maculæ , quibus admoto pyrio pulvere , pigmento ; aut alia re quavis , cutis inficitur: Si enim partes , quæ horum aliquo notantur paulatim interirent sensimque elaberentur , cum illis etiam fucus & pigmentum detraherentur. Quod si novæ particulæ , quæ consumptarum sedem occupant , similem formam induant ; eandemque magnitudinem ac veteres obtinerent , non fucatum etiam colorem , similesque notas assumerent. Hæ vero maculæ non solum diuturnæ , sed & perpetuæ plerumque sunt ; unde partes , vel pulvere , vel fuco aliquo notatæ , eædem semper & perpetuæ sunt. Ex antedictis sequitur , *primo* corporis mutationes frequentes esse & citas ; *secundo* non solidas corporis partes , sed sanguinem mutari ; *tertio* sanguinis quantitatem vulgares medicorum calculos longe excedere. Argumenta vero nostra , quibus tam subita mutatio nititur , & stabilitur , nec evertit nec debilitat omnino assiduus ille labor & diuturna cura , quæ in caduco corpore sustinendo , & vitiato sanguine purgando , frustra sæpe impenditur. Veteres enim liquores recentibus commixti sua communicant vitia , & ut similem induant naturam , faciunt. Magna fluidorum copia parva fermenti quantitate fermentescit. Unde accidit , ut in diuturnis morbis cum sanguis similes noxios & acerbos



hos humores parit & procreat, post longam fidelem curam, cum ægrotans relevari, cum sanguis purgari, & corporis valetudo restitui jam & confirmari videtur, si tamen vitiati humoris tantum gutta supersit, erumpat iterum morbus, & ægrotans gravius, vehementiusque affligatur. Quanquam vero veteris sanguinis massa (ut supra ostendimus) quotidie imminuatur, nunquam tamen penitus expurgari, & è venis exhauriri potest. Cum novo enim sanguine vetus commixtus, illius aliqua parte relicta, hujus etiam nonnulla relinquetur. Hinc Medico ita arduum est perficere, hinc ægroto ita grave est pati absolutam vitiati corporis mutationem. Latentes enim humores utcunque investigates, diffusos utcunque subigas, nunquam tamen penitus expellere, & in perpetuum fugare licebit. Salivam quidem in initio ciendo, aut redundantem humorem propriis medicamentis expurgando, multum laboris tolli, & multum temporis abscindi potest: cum tamen paulatim decrescit, & reprimatur fere humor, parum residui, si aliquid, remediis catharticis expurgatur, totus autem humor nunquam eliminari potest. Si itaque ægrotum relevare, & morbum in perpetuum comprimere velimus, alterantia remedia diu & frequenter adhibenda sunt, ut naturam humoris si non penitus eradicare, saltem mutare possimus.

Ex dictis abunde constat, quam infirmis rationibus nititur, quæ apud omnes obtinuit de sanguinis quantitate sententia. Certe illo, qui veritatem investigandam sibi proposuit, non minus indignum est, rei non satis cognitæ assentire, quam de perspicue demonstratis ambigere. Temeritas etiam in assentiendo, præsertim Medico, turpe est; præcipue vero cùm dijudicandum est



de re in plerisque morbis magni momenti. Nos itaque, si quid lucis rei tam obscuræ afferre possimus, opus non minus Physico gratum, quam Medico utile præstare videbimur.

Per nomen sanguinis intellectum velim liquores omnes, quotquot sint, aut in quocunque vasorum genere contineantur, qui cordis impetu per sua vasa propelluntur. A sanguine enim omnes derivantur, & à corde ad canalium ultimorum extrema continuus est ubique cursus, utcunque varientur canalium formæ. His etiam omnibus movendis pares cordi vires natura dedit, quaque ratione illorum quantitas augetur aut imminuitur, eadem huic resistitur. Qui igitur cordis vires ad sanguinem impellendum requisitas æstimare desiderat, liquorum etiam omnium à corde motorum rationem subducatur. Ideoque hoc sensu accipiendus est sanguis, cum de ejus quantitate loquar; à sensu communi & usitato alias non discedam.

Ex canaliculis liquoribus repletis animalium corpora unice constare, anatomica nostræ ætatis inventa satis jam satis demonstrarunt. Qui exilissima vasa tenuissimas foetuum membranulas ubique denso agmine discurrentia, qui longe plura quam arte anatomica conspicua redduntur, quique infinitum pene rivulorum, quos microscopium patefecit, numerum animo revolvit, is miram naturæ subtilitatem, & admirabilem corporis animati ex vasculis compagem, intelligentiæ nostræ vim fugere libenter agnoscet. *Leeuwenhoeckius* quartam unius digiti partem plusquam decem vasorum millibus refertam se vidisse testatur. Nullibi summam corporis cutem vel tenuissima acu pungere licet, illæso vase sanguineo. Quæ maximam corporis partem constituunt, exiles Musculo-



lorum fibræ sanguine turgent, nec ipsis ossium fibris suum deesse fluidum in sequentibus ostendemus.

Si canales liquoribus plenos tanquam solidos cylindros, vacuos autem tanquam concavos consideremus, eorum rationes inter se ad hunc modum determinari possunt. Repræsentet  $ABGH$  circularem canalis sectionem, cujus diameter  $AB$  vocetur  $a$ , diameter cavitatis  $cd$  sit illa  $a - b$ : cum circuli eandem inter se rationem habeant quam diametrorum quadrata, est totius sectionis quadratum  $a^2$ , cavitatis quadratum est  $a^2 - 2ab + b^2$ , quo à quadrato totius subducto, residuum est  $2ab - b^2$  spatio annulari  $ABGH$ ,  $cdfe$  proportionale; unde in corporibus, ex hujusmodi canalibus liquoribus repletis, constructis, erunt liquores ad ipsos canales, seu erit liquorum massa ad canalium latera ut  $a^2 - 2ab + b^2$  ad  $2ab - b^2$ .

Vid. TAB.  
I. Fig. 2.

Nunc si ex uniusmodi vasis animata compages constaret, in proclivi esset sanguinis calculum subducere; sed arteriarum, venarum, vasorumque lymphaticorum tunicæ, diversas admodum ad sua cava rationes habent: atque alia forte est nervorum, alia fibrarum muscutorum, alia ossium ratio, quarum omnium cognitio ad veram sanguinis quantitatem investigandam requiritur.

Tunicarum vasorum sanguiferorum crassitudinem sequens methodus accuratissime exhibet. Aliquantum vasis fissum, & in formam parallelogrammi redactum in aqua librandum cures, unde reperiatur pondus aquæ illi mole æqualis; repertumque & per decimalis digiti partes notatum, vocetur  $d$ , supponaturque parallelogrammi longitudo æqualis  $e$ ; latitudinem  $c$ , crassitiem  $f$  exprimat. Erit  $d = ecf$  &  $\frac{d}{ec}$  æqualis  $f$ , seu crassitudini tunicæ vasis.



Ad hunc modum parvam aortæ vitulinæ portionem 0, 071897 partibus digiti aquæ æqualem inveni, erat illa longa 1. 1, lata 1. 28, unde crassities ejus erat 0. 051. *Arteriæ* cavitatem habuit 0. 407: hinc  $a^2 - 2ab + b^2$  erit æqualis 0. 165649, &  $2ab - b^2$  æqualis 0. 093432. Ideoque si ex canalibus, quorum tunicarum ratio ad sua cava eadem esset, quæ est arteriarum ad sua, animalium corpora composita fuissent, eandem ad solidam corporis partem sanguis rationem haberet, quam 1. 7 ad 1. Corpusque ponderis 160 librarum, sanguinis 100 pondo contineret.

Eadem methodo *venam* ejusdem vituli *cavam* 0.0097 partes digiti decimales crassam reperi, cavitatis diameter erat, 0. 617, cujus numeri quadratum est 0. 380689 &  $2ab - b^2 = 0. 02431596$ . Si igitur omnes corporis animati canales essent, ut venæ, ad sua cava proportionales, foret sanguis ad corporis reliquum ut 15 6 ad 1, atque animali ponderis 160 librarum, sanguinis 150 ad minimum inessent.

Notandum est quas attulimus crassitudinis tunicarum vasorum ad sua cava, vacuis vasis, confectas fuisse rationes, id est cum maxima esset tunicarum crassitudo, & minima cavi diameter: omnia enim vasa, præcipue vero arteriæ, inanita se contrahunt. Supponamus numero 0. 407 arteriæ diametrum exprimenti, numerum 0. 1 adjectum; cavi arteriæ quadratum tunc foret 0. 257049, atque sanguis ad corpus solidum foret, ut 2. 7 ad 1. Si diameter numero 0. 2 augeretur, ratio sanguinis ad vasa etiam auctaque foret, ut 3. 9 ad 1. Auctoque numero 0. 3 diameter, rationis augmentum ut 5. 3 ad 1 præbuerit. Ex his rationibus certius judicare licet, quantum in febribus ardentibus sanguis efferbuit, cum pul-

sus



sus magnus & validus est , e contra quantillum sanguinis singulis cordis systolis ejicitur , in febribus languidis , cum debilis exilisque arteria digitos vix pulsatur.

Miraretur certe quis , cum cerneret , quam parum arteriarum tunicæ notabili diametri incremento extenuantur. Si enim quadrato 0. 257049 addatur spatium annulare numero 0.093432 expressum; numerus 0.350481 totius arteriæ , id est , cum cavi tum diametri quadratum exprimit ; si ab hujus numeri radice quadrata 0. 592 cavi diameter subtrahatur , residui 0. 085 dimidium 0. 0425 crassitiem tunicarum arteriæ notat. Qui hac ratione calculum ponit , is *aortæ* diametrum prius octies auctam inveniet , quam ejus tunicæ ad *venæ cavæ* tenuitatem reducantur , atque *aortæ* ita dilatatæ portio pari *venæ cavæ* portioni *sexagies & quater* capacior erit. Hinc patet quam maxime ab *Aneurismate* arteriæ dilatari poterunt , quique ramuli minores mutua anastomosi commissi , si truncus scilicet brachii aut femoris constrictus fuerit , ad sanguinis motum ultra partes constrictas continuandum dilatari possint.

Sed ad alteram vasorum speciem scil. *Musculorum* fibras transeamus : hæ , quanquam omnia vasa mole superare videntur , ab arteriis tamen numero superantur , cum earum quamque una saltem perreptat arteria , pluribusque irrigari maxime verisimile est. Proculdubio largiores aut saltem frequentiores cavitates habent , cum in membris movendis insigni inflatione curtantur ; tenuissimisque constare lateribus inde liquet , quod vi minima facile dilatentur. Porro cum per earum latera æque ac per arteriam pari magnitudine sanguis transluceat , quid ni utrique vasi æqualem laterum crassitudinem tribuere possimus. Verum quâ fluidorum ad solida rationes in ve-



nis & arteriis methodo investigavimus, hanc in musculis ob fibrarum exilitatem adhibere nequimus.

Intestini *canini Pancreatisque asellii* una cum connectente *Mesenterio* portionem, ligatis prius vasis, ne sanguis efflueret, exemptam, & ab onere intus contento probe purgatam ponderavi; ponderisque sesquiunciae, unius drachmae & octodecim granorum, seu granorum 798 inventam, aqua tepida per arteriam infusa ab omni sanguine elui, inflatamque in umbra siccandam suspendi, siccatam iterum ponderavi, quam drachmas duas, scrupulos duos cum undecim granis, seu grana 171 retinuisse, & 627 amisisse deprehendi. Tanti ponderis diminutio à fluidis aqua tepida dilutis, & inde facilius exhalatis certe processit; ideoque si in singulis corporis partibus eadem esset sanguinis ad vasa ratio quæ in intestinis deprehenditur, foret ut 3.6 ad 1, & in corpore ponderis 160 librarum sanguinis libræ 125 inessent. Hinc patet musculorum fibras minus solidi & plus fluidi, quam arterias, in se habere. At quibus motus intestinorum *peristalticus* perficitur, fibræ sunt musculorum certe fibris minus spongiosæ: nam præterquam quod tactui magis renituntur, muneris etiam ratio minorem inflationem exigit; leni enim contractione ab una intestinorum parte in alteram procedit motus *peristalticus*; quum ad insignem musculorum contractionem & inflationem, fibræ magis spongiosæ & majoris sanguinis quantitatis capaciores requiruntur; idcirco in musculis, qui maximam corporis partem constituunt, est sanguis ad vasa in ratione, ut minimum 3. 6 ad 1.

Parvam *Medullæ spinalis* portionem per medium divi-  
sam



sam & in umbra siccata, de suo pondere tres quatuor partes amisisse reperi; unde ipsis nervis non minorem fluidorum copiam, quam cæteris partibus inesse satis constat. Quodque ad vasa lymphatica attinet, nemo est qui non facile crediderit, eorum ad lympham rationem ulla alia multo minorem esse.

Si ulla corporis pars soliditatem promittat, illa sane est dura ossium substantia: quam tamen suo succo cordis viribus etiam propulso scaterere, ex eo probatur, quod fractorum ossium partes succum crassum, quem *callum* vocant, ad fracturas conglutinandas fundant. Hic succus ossea sua vasa perpetuo perrepat, cum omnibus & cujuscunque ætatis hominibus, ubi opus est, succurrit. Quid enim magis mirum videretur, rigidos ossium quam arborum canales succum permeare? Nec tantum permeat, sed interdum instar ceræ molles reddit, osseos fungos ac nodos extrudit, sordidam cariem facit, uti plures Authorum historiæ testantur. Quid si ingravescente ætate, canaliculorum cava, succo ad latera concrecente, angustentur, & post mortem omnino occludantur, adeo ut fibræ osseæ solidæ videantur esse? qui tamen intus indurescit succus, non magis ulla fibrarum pars censendus, quam lapidea crusta, ab aquis decedens & aquæductuum lateribus adhærens, aut gluten spongiæ poros implens, pro eorum partibus habenda sunt. Ut enim integris aquæductibus & spongiis hæc educi possunt, sic ex ossibus non liquatis succus extrahendus est. Hujus certe generis est cornus cervini gelatina aqua excocta, integris cornuum fibris residuis. Quæque Machina D. Papini ossibus emolliendis destinata, ex siccis ossibus elicetur gelatina, est ipse ossium succus, qui fibras opplebat. Ut quantum  
ossi-



ossibus succi insit dignoscerem, extremum ossis femoris bovini, excocta prius in olla medulla, in machina coquendum curavi, ponderisque plusquam dimidium in gelatinam conversum fuisse, os instar casei emollitum, nullam tamen fibram, qua maxime spongiosum os erat, dissolutam aut liquatam observavi. Quodque notatu dignum est, pars ossis durissima ex parallelis laminis, quartam aut quintam chartæ scriptoriæ partem crassitie haud excedentibus, composita videbatur esse. Nec mihi dubium est, quin ex junioribus ossibus multo major succi quantitas excoqui potuisset. Si tanta fluidorum copia ossa abundant, quid de cartilaginibus, ligamentis, tendinibus & membranis censendum est? quorum substantia multo mollior ac humidior est, quæque sub artificum manibus gluten abundanter effundunt, & fane perquam credibile est, nullam tam minutam esse corporis fibram, quæ suo succo à sanguine derivato, & à corde moto non turgeat, quem tamen in mortuis nulla ars elicere queat.

Singula jam substantiarum genera, ex quibus animalium corpora conflantur, exploravi, & quantum fluidorum cuique ad minimum insit determinavi; ad minimum inquam, nulla enim arte succi adeo tenaces, ex tot, tamque exilibus, tam implicatis & contortis vasorum meandris educi possunt. Ipsas porro venarum ac arteriarum tunicas solidas & siccas, & omni succo carentes supposui, cum tamen ex aliis minoribus vasculis sanguiferis compositas esse oculorum testimonio constat. Quot vasorum millia in oculorum albo conspicua reddit *Ophthalmia*; Quot millia ubique detegit microscopium, non armato oculo invisibilia? Multa etiam esse millia quæ microscopiis vel perfectissimis in conspectum adduci



ci nequeant, conjicere licet. Qui animalium partes pene omnes ab eximio Anatomico Doctore *Ruyfchio* concinne nitideque præparatas viderit, is fere crediderit nullam non corporis partem vasis sanguineis constare.

Portionem aortæ vitulinæ, quæ recens excisa erat ponderis granorum 240, in aperto aëre exsiccata, humoris grana 160 amisisse deprehendi: hinc liquet duplo plus esse fluidi in arteriarum tunicis, quam solidi.

Si igitur majora vasa ex minoribus constare concedatur, eandemque omnibus esse fluidorum ad solida rationem, quantitas sanguinis sic facile determinabitur. Sit spatium annulare *G A B H e c f d* ad circulum (vid. *Tab. 1. fig. 2.*) *A G B H* ut 1 ad *a*, erit igitur in corpore ex hujusmodi vasis fluido repletis composito, fluidi quantitas ad solidum ut  $a - 1$  ad 1, si spatium annulare solidum supponatur; & si hoc etiam ex vasis ejusdem generis confici supponatur; erit tunc fluidorum ad solida ratio ut  $a^2 - 1$  ad 1. Iterum si hæc vascula ex aliis adhuc minoribus componi supponantur, eandem inter se fluida ac solida rationem habebunt, quam habet  $a^3 - 1$  ad 1. Sique quatuor ponantur vasorum ordines, erunt fluida ad solida ut  $a^4 - 1$  ad 1. Si quinque ut  $a^5 - 1$  ad 1, sique sex ut  $a^6 - 1$  ad 1, unde patet fluidorum ad solida rationem in infinitum augeri posse. In arteriis est *a* æqualis 2.7, in venis 16.6 & secundum singulos vasorum ordines, sequentes inter se proportionem habebunt sanguis & corporis solidum.

1 . 7	15 . 6
6 . 2	274 . 5
18 . 6	4573 .
52 . 1	75932 .
142 . 4	1250492 .
286 . 4	20758082 .

D

Si



Si animalium vascula ex aliis continue minoribus componantur, tunc animalcula in femine masculo, seu prima stamina vitæ, ad quamcunque magnitudinem liquoribus extendi possunt, nulla partibus solidis adjecta materia. Cum enim majora vasa sanguine dilatentur, dilatantur etiam sanguine vascula, ex quibus majorum tunicae contexuntur; quo fit, ut dum extenduntur vasa, tunicae crassiores fiant.

Hinc ad quemcunque crassitudinis gradum vasorum latera extendi possint, si vasculorum hæc latera contextentium ordines numero augeantur, nec datam tamen lineam excedet ulla vasculorum diameter.

Animalium canales ex canaliculis conflari ars testatur Anatomica; nec ulla ratio afferri potest, cur hos etiam ex aliis adhuc minoribus formari non opinemur. Nulla est tam tenuis corporis animati membrana, cujus crassitiem non plures constituunt tenuiores membranulae. Pellucida oculorum cornea eo plures exhibet lamellas, quo expertiori manu disseccatur. In tenuissimo cerebri involucri binæ notantur lamellæ. Hydatides, quarum quædam duas aut tres alias minores includunt, ex vasis lymphatici tunica formari haud absimile videtur, quæ tamen vix quidquam tenuius concipi potest, cum nisi ubi lympa turgeat, oculorum aciem plerumque fugit. Si quot membranulis tenuissima conficitur membrana nos latet; quæ fibrarum membranulas contextentium calculum inire possimus, aut quis fibrarum fibrillas numerare valeat? Ex centum fibrillis compositam muscoli fibræ, nona parte unius pili suæ barbæ haud crassiorem observavit *Leeuwen-hoeckius*, atque harum quamque centum aliarum fasciculum continuisse rationi minime dissonum videtur. Nam sicuti ad partes materiæ insecabi-

bi-



biles, seu ultimæ compositionis nunquam pervenire possumus, sic etiam prima corporis organici organa, alte & ab omni sensu longe remota posuit natura, nec microscopii quidem perfectissimi ope vasculorum ordines numerare licet, cum plures in foco ejus consistere nequeunt, sique potuissent, tot diversæ lucis refractiones visum perturbarent.

Si omne quod in corpore solidum est in animalculo feminali existeret, accretio ac nutritio animalium nihil obscuri aut intellectu difficile habent. Cum enim succo ac sanguine turgeant vasa, nova vascula novique vasculorum ordines indies explicantur, quo fit ut in omnes dimensiones protendatur corpus, usque dum vascula nulla explicanda restant, atque tum ad terminum proceritatis à natura destinatum perventum est. Cumque qua ulterius excurrat sanguis indies auctus non habet, toties percurta dilatat vasa, corpusque crassum ac plenum parat. Atque hanc crescendi methodum naturæ revera familiarem esse, ex uteri incremento in gravidis patet, cujus latera multo quidem crassiora simul ac capaciora, intumescuntibus sanguine vasis, deveniunt.

Hinc ratio reddi potest incrementi arboris ab *Helmontio* nutritæ, quæ quinquenni spatio solius aquæ nutrimento à quinque libris ad centum & sexaginta novem crevit. Nec huic doctrinæ adversantur sed illam potius comprobant, quæ à Dom. Doctore *Woodward* circa vegetationem traduntur experimenta. Quo enim pauciores particulas terrestres, quâ planta nutritur, aqua contineat, eo citius per plantæ poros seu vasa excretoria transit, quo nomine minus distenduntur plantæ canales; at si larga materiæ terrestris copia aqua immisceatur non continuo excernitur, sed retenta canaliculos dilatat,



plantæque molem auget. Ex experimentis constat aquam tenuissimam, seu paucis particulis terrestribus tinctam, plantarum poros facile permeare. Nam cum duæ menthæ plantæ æqualis ponderis, eodemque tempore in aquis collocatæ fuissent, una in aqua pluviali, altera vero in aqua è flumine *Thamesi* (quæ materia terrestri summe saturatur) hæc alterius molem cum minori aquæ dispendio brevi duplo superavit. Experimenta vero docent proprium esse tam plantis quam animalibus pabulum, sine quo, vigere aut vivere nequeunt; Vitam enim conservat, vitæque munera explet, diversorum à fluido heterogeneo (quod in animalibus sanguis appellatur) succorum secretio. Si igitur requisitos ad vitam succos non sufficit pabulum; quod eo nutriri debuit corpus, sive sit animatum, sive è terra editum, marcescere, tandemque vitam amittere oportet. Quædam aquarum genera facilius præ aliis in quarundam plantarum succos transformantur. Quædam etiam plantæ solo arido, quædam humido gaudent, quædam nudis lapidibus, quædam aquis innascuntur, cujusmodi erat *Helmontii* falix.

Si omne corporis alimentum in fluidum cedat, subque fluidi forma perseveret, si ejus incrementum fluidis vasa distendentibus debeatur, si à primo ad ultimum vitæ terminum, nulla nova exoriatur fibra, nec quidquam partibus solidis natura adjicere possit; quanto minus potuit mirabilia sensus vitæque organa, pulchramque totius corporis compagem, Divini Artificis operam, fabricare?

Quæque dicta sunt luculenter probant allatæ à Reverendo Viro Doctore *Clark* suppositionis veritatem, qua resurrectionem ejusdem corporis possibilem esse evincere



cere conatur. Si enim à prima corporis formatione ad usque vitæ terminum, nihil partibus solidis adjiciatur, sique fluxum sit quicquid in nutrimentum mutatur, tunc nulla corporis animati pars alterius corporis pars fieri potest, sed per totum vitæ spatium, una eademque est corporis substantia.

Et si vasa sunt solida, si ex aliis minoribus composita, sanguinem esse ad corporis reliquum ut 3. 9. ad 1, nos certiores faciunt experimenta supra allata; ideoque in corpore 160 librarum, necesse est ut insint sanguinis 127 libræ. Sed ut omnis tollatur controversiæ locus, ab investigata sanguinis quantitate, pinguedinis, ossiumque pondera subtraham, quanquam etiam pinguedini circulationem dari nonnullæ suadent rationes, suoque succo ossa non carere hæcenus demonstravi.

Supponamus pinguedinem cuti subjectam in corpore ponderis 160 librarum, quartam uncix partem esse profundam, cumque in tali corpore vix tanta est ubique pinguedini profunditas, quæ insuper in omnibus aliis corporis partibus reperitur hoc calculo includatur. Sit jam corporis humani superficies, media ratione, pedum quindecim quadratorum, unde pinguedinis magnitudo erit 540 digitorum cubicorum. Digitum autem pinguedinis cubicum, semiunciam aut paulo plus ponderare expertus; idcirco totius corporis pinguedo, est unciarum 270, seu librarum fere septem & decem. Inter partes vero ossium fluidas & solidas æqualitatis rationem obtinere observavimus; adeoque si decem libræ pro ossium solido, & pro pinguedine totidem plus septem à proposita sanguinis quantitate auferantur, restabunt in corpore ponderis 160 librarum sanguinis ad minimum libræ centum.



## TENTAMEN SECUNDUM.

*De Velocitate Sanguinis.*

**Q**UI de *Sanguinis Velocitate* post circuitum ejus ab immortalī illo Viro D. *Harvejo* inventum, scripserunt, instituto operi satisfecisse sibi visi sunt, si Quantitatem in dato tempore cor percurrentem possint invenire, dum interea absolutam Velocitatem, quæ sanguis corde emissus per *aortam* & ramos ejus fluit, intactam & omnino intactam præterierint. Non desunt quidem qui de rapido ejus cursu, in cordis vicinia, longe celeriore, quam in remotioribus corporis partibus, scripsere; dum interea de hac celeritatis in diversis partibus differentia, de ratione qua per *aortam*, sive 5, 10, 100, seu 1000 pedes, in minuto primo sanguis percurrat, undique silentium est: quod si unum sanguinis circuitum excipias, hæc fortasse diversarum velocitatum scientia ad oeconomiam animalem melius explicandam plurimum & lucis afferet, & adjumenti. Motu sanguinis invento semel & exposito, quid Medicinæ & naturæ studiosos citius excitaret, quam diversos hujus motus gradus indagare?

Velocitas sanguinis in *aorta* hoc modo determinari potest.

Velocitas, qua fluidum ex orificio quovis motu uniformi fluit, velocitati corporis æqualis est, quod spatium æquale longitudini cylindri describit, cujus basis orificio, & cujus magnitudo fluidi quantitati æqualis est, quæ in eodem tempore emittitur. In minuto primo  
cor



cor octogies contrahatur, unaquaque autem contractione sanguinis uncia in *aortam* ejiciatur; sanguinis uncia magnitudine æqualis est 1. 659 digiti, octoginta igitur unciæ sunt digiti 132. 72. In homine mediocris magnitudinis *aortæ* diametrum o. 73 partes digiti inveni; ejusdem igitur *Aortæ* orificium erat o. 4187, quo numero si dividatur 132. 72 Quotus digiti, 316 seu pedes 26 dabunt cylindri longitudinem, seu spatium quod in minuto primo sanguis percurreret, si una eademque semper velocitate è corde ejiceretur. Quoniam vero cordis *diastole* duas partes tertias temporis in omni pulsatione absumit, velocitas sanguinis est triplo major, seu talis est, ut spatium 78 pedum in minuto primo percurrat. Sanguinis quantitatem omni *Systole* emissam, unam tantam unciam posui; hæc enim quantitas minimam velocitatem producit; quod si duas uncias omnis *systole* emitat, ut nonnulli autumant, velocitas duplo magis augetur, i. e. sanguis per spatium 156 pedum in minuto movetur.

Si summa sectionum transversarum ramorum, qui ex arteriis oriuntur, semper truncorum sectioni transversæ æqualis reperiretur, si etiam sanguini ubique æqualiter resisteretur, sanguinis velocitas in omnibus corporis partibus eadem esset, ac illa quam in *aorta* determinavimus. Summa vero sectionum ramorum, summam sectionum truncorum ubique superat, & propterea velocitas sanguinis ea ratione diminuitur, qua ramorum numerus augetur. Summa sectionum ramorum unam eandemque in omni corporis parte ad truncum rationem habeat, & sit *A* truncus arteriæ, qui ad *B* in duos ramos dividatur, iterum ramus *B* in binos alios ad *C* dividatur, *C* etiam in duos alios, & sic deinceps: *A* sectio arteriæ dicatur; summa

Vid. TAB.  
I. Fig. 3.



summa vero Sectionum ramorum ad  $B$ , sit  $B$ ; summa sectionum ad  $C$ ,  $C$  vocetur; Sectionum summa ad  $D$ ,  $E$ ,  $F$ :  $D$ ,  $E$ ,  $F$ , singulae vocentur. Sit sectio rami  $B$   $C$  ad sectionem duorum ramorum ad  $C$ , ut  $A$  ad  $B$ . Sit etiam sectio rami  $C$   $D$  ad sectionem ramorum ad  $D$ , ut  $A$  ad  $B$ , &c. His positis, velocitas sanguinis apud  $A$  erit ad velocitatem ad  $B$ , ut  $B$  ad  $A$ ; velocitas vero apud  $B$  erit ad velocitatem apud  $C$ , ut  $B$  ad  $A$ . Velocitas etiam apud  $C$  ad velocitatem apud  $D$ , ut  $B$  ad  $A$ , &c.  $A$  repræsentet velocitatem apud  $A$ ; tum  $\frac{A^2}{B}$  indicabit velocitatem apud  $B$ , &  $\frac{A^3}{B^2}$  erit velocitas ad

$C$ . Velocitas apud  $D$  erit  $\frac{A^4}{B^3}$   $E$  vero  $\frac{A^5}{B^4}$   $F$  denique  $\frac{A^6}{B^5}$ .

Quod si arteria in centum hujusmodi ramos dividatur, priusquam in minimos evadat, velocitas ad ultimum erit  $\frac{A^{101}}{B^{100}}$ . Si mille habeat ramos, apud ultimum velocitas

erit  $\frac{A^{1001}}{B^{1000}} = A \times \frac{A^{1000}}{B^{1000}} =$  millesimæ potestati  $\tau\delta \frac{A}{B}$  in in  $A$  ductæ. Velocitas itaque apud  $A$  est ad velocitatem post mille ramos, ut  $A$  ad  $A \times \frac{A^{1000}}{B^{1000}}$  i.e. ut 1 ad  $\frac{A^{1000}}{B^1}$

sive ut 1 ad millesimam potestatem  $\frac{A}{B}$ .

Si itaque ratio  $A$  ad  $B$  nobis innotesceret, in promptu esset velocitatem sanguinis ad singulos arteriarum ramos reperire; hæc autem ratio non nisi ex arteriarum mensura invenienda est; ex arteriis femoris cera à D. *Cowper* injectis, & à me accurate dimensis, sequentes proportionales habui.



# SANGUINIS TENTAMEN.

(33)

<i>Trunci.</i>	<i>Rami.</i>	<i>Rami.</i>	<i>Rami.</i>
50625	44521	35344	
35344	15129	24649	
24649	22500	11236	5041
22500	10404	21316	
21316	18496	8836	
18496	11449	7056	2500
11449	8464	5776	
44521	9025	38809	
32761	3364	2116	31634
31684	5776	29584	
29584		26896	
26896	7396	27889	
7396	7056	3600	
7056	3844	4624	
38809	3600	29929	
29929	7744	7744	29241
29241	2809	1764	27225
21316	13689	12321	<hr/>
5184	4096	4096	95691.
4096	3000	3600	
3600	3969	4225	
4225	3125	3136	
<hr/>	<hr/>	<hr/>	
507067.	209956.	314546.	

Ex his numeris videre licet, si ratio trunci ad ramos non una ubique eademque sit, non multum tamen diversam esse; ejusque differentiam tantillam fore, ut *rationem* truncorum ad ramos, uti summam horum trun-



# 34 JACOBI KEILII DE VELOCITATE

corum ad summam ramorum horum sine magno errore ponamus ; *i.e.* ut 500677 ad 620193 , sive ut 10000 ad 12387 , quare  $\frac{A}{B}$  est 0. 80729 , cujus logarithmus est 9. 9070296. Hic logarithmus in 30 ductus dat logarithmum trigesimæ potestatis 0. 80729 scil. 7. 2108880. Cui in tabulis respondet 0. 00162512. Hinc sanguinis velocitas in arteria ad *A* est ad velocitatem apud trigesimum ramulum , ut 1 ad 0. 00162512 , seu ut 100000000 ad 162512 , seu ut 615 ad 1. logarithmus numeri 0. 80729 in 40 ductus dat 6. 2811840 logarithmum velocitatis ad ramum quadragesimum ; cui in tabulis respondet 0. 000191066. Hinc velocitas sanguinis in aorta est ad velocitatem ejus ad divisionem quadragesimam ut 1 ad 0. 000191066 , seu ut 1000000000 ad 191066 , seu ut 5233 ad 1. Quod si quinquaginta sint divisionum series inter aortam & minimas seu omnino evanescentes nonnullas capillares arterias , logarithmus 9. 9070296 in 50 ductus producit 5. 3514800 , cujus verus in tabulis numerus est 0. 000022463 , unde velocitas sanguinis apud cor erit ad velocitatem in minima evanescente arteria ut 1 ad 0. 000022463 , seu ut 1000000000 ad 22463 , seu ut 44507 ad 1.

Jam ostensum est quomodo sanguinis velocitas ad singulos arteriæ ramos determinari possit ; inquirendum jam restat quot divisiones habeat arteria , priusquam minima capillaris evadet.

Sit ratio sectionis arteriæ cujuscunque ad suorum ramorum sectionem , ut *r* ad *s* , voceturque arteriæ illius truncus *c* , erit  $r : s :: c : \frac{sc}{r}$  , est igitur  $\frac{sc}{r}$  Summa fe-



Etionum duorum ramorum primorum, & unusquisque ramus est  $\frac{sc}{2r}$ : iterum est  $r:s::\frac{sc}{2r}:\frac{s^2c}{2r^2}=$  summæ ramo-

rum secundæ divisionis, cujus dimidium  $\frac{s^2c}{4r^2}$  est ramorum alter. Simili ratione tertiæ divisionis ramus est æqualis  $\frac{s^3c}{8r^2}=$  cubo ipsius  $\frac{s}{2r}$  ducti in  $c$ .

Quod si numerus divisionum vocetur  $x$  &  $\frac{s}{2r}=d$ , ultimus ramus erit  $d^x c$ . Minimæ arteriæ diametrum  $\frac{1}{100}$  parti latitudinis capilli humani æqualem ponamus.

Capilli autem diameter sit digiti pars  $\frac{1}{200}$ , talis arteriæ sectio erit 000 000 0025, qui numerus  $e$  vocetur; unde hæc datur æquatio  $d^x c=e$ , quæ logarithmis expressa est  $x \times \text{Log. } d - 100 \times \times 100 = e \times \times 100 - \text{Log. } c$ . (Logarithmus enim  $x$  potestatis  $d$  est  $x \times \text{Log. } d$ .  
 $- \overline{x - 1} \times \text{Log. unitatis seu } 100$ ) hinc  $x = \frac{\text{Log. } e - \text{Log. } c}{\text{Log. } d - 100}$

Cum *Ratio* inter truncum & ramos eadem est, ac 10000 ad 12387 ::  $r:s$  logarithmus numeri  $s$  per  $2r$  divisi est 9. 79 9361 = logarithmus  $d$ . Logarithmus  $e$  est - 8. 6020600, &  $c$  quadrato diametri aortæ æqualem ponendo, æquali 0. 5329 digiti decimalibus, ejus logarithmus est - 0. 2733543; & logarithmus  $e$  dempto logarithmo  $c$  est - 8. 3287057, hoc per logarithmum  $d - 100$  sc. - 0 2080639 diviso, quotus dabit 40, scilicet numerum divisionum inter maximam arteriam & minimam; unde maxima sanguinis veloci-



tas ad minimam erit ut 5233 ad 1. i. e. Sanguis 5233 tardius movet in nonnullis capillaribus arteriis, quam in aorta. Ita dum sanguis in remotissimis arteriarum divisionibus spatium unius pedis, in *Aorta* pedes 5233 percurrit: cum vero sanguis in *aorta* pedes 73 in minuto primo percurrit, in horæ unius & minutorum septem spatio 5233 percurrent. In iis itaque arteriæ partibus, in quibus sanguis tardissime incedit, spatium unius pedis intra horam & septem minuta percurrent.

Ut inter maximam velocitatem & minimam tot gradus concipiendi sunt, quot sunt ramorum divisiones; ita non omnibus evanescentibus arteriis, sed iis tantum, quæ quadragesimæ sunt divisionis, minima tribuenda est velocitas. Velocitas vero sanguinis, in arteriis evanescentibus, utrobique divisionum arteriæ numero est proportionalis: in iis itaque parvis arteriis, quæ ab aorta proxime oriuntur, & post paucas divisiones in venas fluida sua transmittunt, sanguinis velocitas non multum retardatur.

Ex supra traditis jam satis percipimus, quod in tota sanguinis & quantitate & natura renovanda, Medicamenta & sæpius repetenda & per diuturnum tempus adhibenda sint: sanguine enim eo tardius incedente, quo remotius à magna aliqua arteria progreditur, & in extremis partibus sanguis cum medicamentis non nisi sero commisceri potest. Et quoniam cursus sanguinis per glandulas, quæ arterias à magno canali proxime orientes accipiunt, incitator multo & celerior est, magna fortasse medicamentorum pars in exiguo tempore evacuari possit; non itaque sanguinis naturam larga medicamentorum copia, sed diuturnus eorum usus renovabit. Hinc etiam patet, quod cum sanguinem aquarum



rum mineralium ope mutare expediat, non largi sed frequentes earum haustus sumendi sunt; si enim celeriter per evacuationes expromantur, non efficitur, quod propositum est; sin minus, cum in exiguo spatio bibuntur, non nisi cum parva sanguinis Quantitate immiscentur, & Oeconomia Animalis necessario perturbatur.

---

## TENTAMEN TERTIUM.

*De Vi Cordis Sanguinem per totum corpus impellendo.*

**N**ULLUM in Oeconomia animali Problema est, quod inventu difficilius esse videtur, quam hoc, de vi cordis ad sanguinem per totum corpus impellendum. Nec gravis perplexusque labor, quem *Borellius* cordis impetum *undecim* propositionibus determinare impendit, aliud quicquam demonstrat, quam illum methodo perquam difficili, & implicata nimis via hunc impetum indagasse. Cujus autem computationibus, quæ hanc vim pondus 135000 librarum excedere constituunt, nec tutum, nec facile est assentire. Tantum Geometriæ, à tanto Viro, frustra adhibitum, alios ab eadem re aggredienda, non parum deterruit. Spero tamen ex Geometriæ elementis recte accommodatis majores fructus proferre, & res non sua natura, sed specie difficiles explicare.

Si detur velocitas, qua ex orificio manat fluidum; nulla ab anteriori fluido accepta resistentia, in promptu



Vid. TAB.  
I. Fig. 4.

est vim, quæ hunc motum producit, determinare. Sit enim recta linea  $AB$  altitudo, unde si corpus aliquod cadat, velocitatem acquirat, æqualem velocitati, quæ ex orificio manat fluidum: hoc posito ea vis, quæ hunc motum fluidi producit, æqualis est ponderi cylindri ejusdem fluidi, cujus basis orificio, & cujus altitudo duplæ lineæ  $AB$  est æqualis, ut patet è secundo corollario 36. Propositionis, in secundo libro Principiorum *Newtoniorum*.

Sanguis, qui ex corde profluit, ab anteriore sanguine, in arteriis & venis contento, multum tardatur, quapropter non omni ea velocitate fluit, quam illi cor impertiret, si nulla esset resistentia; imminuitur enim aliquantulum impetus ejus, resistentiam, quæ de reliquo sanguine oritur, exsuperando. Si itaque quantum sanguinis velocitas ab hac resistentia imminuitur, siue qualem proportionem habet velocitas sanguinis tardati, ad sanguinem expulsum & non tardatum, nobis innotuerit, cum velocitatem sanguinis tardati supra invenimus, in proclivi esset velocitatem sanguinis sine omni impedimento & resistentia fluentis hinc colligere, indeque absolutam cordis vim invenire. Ad hanc proportionem melius inveniendam, sequens adhibui experimentum. In explicandis enim naturæ phænomenis, nuda ratione nullis experimentis suffulta penitus inniti, periculosum certe & fallax est. Observationes autem accurate factæ, & rite accommodatæ, multo labore nos levabunt, & ad investigandum quod quærimus certius dirigent.

Iliacam arteriam, venamque in femore canis, corporis trunco quam proximam, detexi; & necessariis circumductis ligamentis venam, per totam diametrum sectam,



Etiam, aperui; sanguinem in spatio decem secundorum minuti primi effusum, in poculo recepi: Postea vero arteriam eodem modo aperui, sanguinemque eodem tempore emissum servavi; utrasque etiam sanguinis quantitates accurate ponderavi. Nullum experimentum est, utcunque facile, quod non multa habeat, quæ ab experiente primo prævideri non possunt, quæque experimenti successum dubium & incertum reddunt. Hoc itaque experimentum iterum ac sæpius renovandum curavi; semperque animadverti quantitatem sanguinis, quæ ab arteria manabat, eandem fere proportionem habere, ad quantitatem quæ ex vena in eodem tempore emittebatur, quam habet  $7 \frac{1}{2}$  ad 3. Velocitas autem sanguinis in Iliaca arteria prope aortam; eadem fere est ac in ipsa aorta, celeritas itaque, qua ab Iliaca arteria incisa sanguis emanat, eadem est ac illa, qua ex corde non impedito proflueret, i. e. sanguis omni ea velocitate, quam à Corde accipit, per vulnus Iliacæ arteriæ inflictum effluit. Totus autem sanguis, qui Iliacam arteriam percurrit, per venam Iliacam redit; quantitates itaque sanguinis, quæ per utrasque in eodem tempore transeunt, sunt æquales. Quantitas itaque sanguinis, quæ ab Iliaca vena effluebat, eadem est quæ Iliacam arteriam incisam in eodem tempore percurrebat. Cum igitur datur quantitas, quæ Iliacam arteriam, & antea & postea quam incisa est, percurrit, dantur etiam velocitates. Velocitas enim fluidi, per eundem canalem in æqualibus temporibus transeuntis, est, ut quantitates. Sed velocitas sanguinis, arteria incisa, æqualis est velocitati, quam ex integra vi cordis accipit; & velocitas, integra arteria, est ea velocitas, quacum sanguis aortam ab anteriori sanguine impeditus percurrit. Hæ igitur binæ ve-

lo.



locitates eandem ad se invicem proportionem habent, quam  
 $7 \frac{1}{2}$  ad 3.

Quod si singulis contractionibus duas uncias, (ut verisimillimum est,) cor ejiciat, tum aortam sanguis percurrit, velocitate corporis 156 pedes in uno minuto primo moventis, ut prius computavimus. Tanta itaque est absoluta Velocitas, quacum sanguis, si nullum esset impedimentum, per aortam impelleretur, ut in uno minuto primo 390 pedes, i. e.  $6 \frac{1}{2}$  pedes in temporis minuto secundo percurreret. Restat jam ut quæramus, a quali altitudine, si corpus cadat, hanc datam velocitatem acquirat; hæc enim inventa altitudo, & duplicata, longitudinem cylindri dabit, cujus basis aortæ orificio, & cujus pondus absolutæ cordis vi, est æquale.

Experientia jam diu constat, vim Gravitatis corpus aliquod triginta pedes in minuto temporis secundo impellere; & hæc est ea velocitas, quam, quindecim pedes cadendo, acquirit. Hæc itaque velocitas est ad velocitatem sanguinis sine omni renitentia in aortam fluentis, ut 30 ad 6. 5. Sed secundum *Galilæum*, altitudines, unde cadentia corpora datas velocitates acquirunt, sunt ut quadrata velocitatum, i. e. ut 900 ad 42. 25. quare ut 900 ad 42. 25. ita 15 ad 74. Hæc altitudo bis sumpta dat 1. 48 sive digitos 17, 76, & hæc est altitudo cylindri sanguine pleni, cujus basis æqualis est aortæ orificio, quod o. 4187 æquale esse posuimus. Solidum itaque contentum est 7. 436112, cujus pondus vi cordis absolutæ est æquale. Hoc pondus est pondus quinque unciarum; cordis itaque vis quinque unciarum ponderi est æqualis.

Ex supra dictis patet, quam longe nostra vis cordis *Borellianæ* Hypothesi differt, quantumque inter ejus com-



computationes & nostras discrimen sit. Methodo simplici, facili, rectaque usi sumus, nec quicquam forsan in contrarium objici possit, nisi aliquis dixerit, nostra experimenta, quibus fundatur hæc demonstratio, iterum licet & sæpius renovata, non satis accurate tamen fuisse facta.

Velocitates itaque sanguinis, & cum renitentia, & sine renitentia, in aorta fluentis, non eam proportionem ad se invicem habere, quam habet 3 ad 7  $\frac{1}{2}$ , sed eam, quam 3 ad 15, veritatis stabiliendæ causa, ponamus. Neque tantus Experimenti error esse potest, ut hæc differentia inde oriatur. Sed si computationes nostræ ab hac proportionem sumantur, vim cordis sedecim tantum uncias paululum modo excedere reperiemus.

Alia adhuc Methodus, qua cordis vim invenire possumus, nobis occurrit, præcedenti & facilior multo, & simplicior. A mechanices scriptoribus sæpe demonstratum est, omne corpus, sive fluidum sit, sive solidum, quod ex data altitudine secundum directionem horizontalem projicitur, motu suo *Parabolam* describere, cujus *Latus Rectum* quadruplæ altitudini æquale est; à qua corpus necessario cadit, ut eam Velocitatem, quacum in initio projicitur, acquirat.

Cum itaque *Iliacam* canis arteriam in directione horizontali *AE*, à terra digitis viginti & octo positam aperui, sanguinem, qui in Parabola *AFC* projiciebatur, terram in puncto *C* pertingere animadverti; quod punctum à perpendiculari *AB* è corde ducta, intervallo trium pedum distabat. Si itaque *Lateris Recti Parabolæ* pars quarta sit *AD*, hæc erit altitudo à qua sanguis cadit, ut velocitatem suam ad punctum *A* acquirat. Et quoniam ex natura *Parabolæ* rectangulum, sub

Vid. TAB.  
I. Fig. 9.

F

La-



*Latere Recto* & altitudine  $AB$  contentum, quadrato ex  $BC$  est æquale, hoc est  $4 AD \times AB = BC^2$ , sive  $AD \times AB = \frac{1}{4} BC^2$ : ut igitur  $AB$  ad  $\frac{1}{2} BC$  ita  $\frac{1}{2} BC$  ad  $AD$ , i. e.  $28 : 18 :: 18 : 11,5$ . Ab altitudine igitur digitorum  $11 \times \frac{1}{2}$  si cadat sanguis, eam velocitatem acquirit, quacum à corde projicitur. Hæc altitudo bis sumpta, cylindri longitudinem dabit, cujus basis *aortæ* orificio, & cujus pondus cordis viribus æquale est. Cylindri itaque longitudo digitis viginti & tribus constat. *Aortæ* orificium hujusce canis. 096 inveni, solidum itaque cylindri contentum est 2. 208, qui numerus uni uncia, & uncia parti tertiæ, nempe *vicordis* hujus canis, est æqualis. Ejusdem canis cor duas uncias ponderabat; si itaque duo corda, quod ad vires spectat, eandem ad se proportionem obtinere ponamus, quam habent eorum pondera, (quod quidem ex similitudine tum structuræ, tum compositionis non iniquum est) si etiam humani cordis pondus duodecim uncias ponderare concedamus; talis cordis vis 8 unciarum ponderi quamproxime æqualis invenietur. Quanquam pondus hoc, supra inventum & à nobis traditum aliquantulum superet, ita exigua tamen est eorum differentia, ut respectu vis cordis ab aliis computatæ, & vulgo receptæ, tanquam nulla, tuto negligi possit.

Iisdem positis vesicæ urinariæ vim ad calculum reducere rite possumus. Si enim vesica trium pedum distantia à terra sursum collocetur, & aquam sex pedes in directionem horizontalem projiciat, è supra dictis patet, tres pedes esse altitudinem à qua cadit, ut velocitatem, qua è vesica projicitur, acquirat; ex qua altitudine bis sumpta, prodit cylindri longitudo, cujus basis transversæ *Urethræ* sectioni, (cujus sectionis diametrum  $\frac{7}{16}$  unius



unius digiti æqualem pono) & pondus viribus vesicæ est æquale. Hujusmodi cylindri pondus rite computatum tribus uncis æquale reperietur, quibus itaque æqualis est vesicæ vis, qua aquam sex pedes directe projicit.

A Borello quidem ponderi 180000 librarum æqualis in corde vis, quæ viginti libras sanguinis moveret, desiderabatur: sed ex supra demonstratis patet, centum libras sanguinis, à vi cordis non unam libram excedente, moveri posse. Hoc nonnullis aut proculintuentibus, aut parum cogitantibus mirum fortasse videri potest; quod si hanc rem propius & penitius inspiciamus, nihil huic vi cordis attributum inveniemus, quod non abunde potest præstare. Non enim opus est ut vis cordis centum libras sanguinis moveret, sed moto & jam corrente sanguine talis necessario est vis cordis, qualis sufficit, ad continuandum motum sanguini prius communicatum. Unde, aut quomodo sanguini motus suus primum accidat, ab hoc instituto alienum est exquirere; quod opus Philosophis potius relinquendum esse censeo. Hoc autem nos satis compertum habemus, si resistantia sanguinis eandem semper proportionem ad vim cordis habuisset, quam nunc obtinet, sanguinem à corde primo moveri non posse. Quod si sanguis cum motu sibi prius impertito semper moveret, nullamque resistantiam à tunicis vasorum acciperet, posterior sanguis ab anteriori non impediretur, & sanguinis motus toti vi moventis æqualis esset, sed tam ob resistantiam à tunicis sanguineorum vasorum acceptam, quam ob vim in vasis distendendis impensam, sanguinis motus semper tardaretur, brevique quiesceret, si diminutus motus à novo impetu ex corde accepto non suppeditaretur:



quare vis Cordis resistantiæ à sanguine in cursu suo acceptæ est æqualis ; si enim major esset , sanguinis velocitas continuo acceleraretur ; si minor , diminueretur semper , tandemque sanguis quiesceret. Et hinc patet , sanguinis cursum semel impeditum , à tota vi cordis non iterum posse renovari.

---

## TENTAMEN QUARTUM.

### *De Secretione Animali.*

**Q**UANQUAM hac nostra ætate Anatomia , præcæteris Physicæ partibus plurimis præclaris inventis aucta sit , multæ tamen quæstiones Oeconomiae Animalis non satis explicatæ adhuc restant , nec difficilior aut obscurior est ulla , quam illa de modo quo tot diversi humores , ab uno sanguine secernuntur. Res profecto magna , qua omnes corporis animati functiones peraguntur , qua sanitas corpori conservatur , quaque corpus morbis affligitur. At ea res ipsas involvit obscuritas , eaque est ingenii humani tarditas , ut non nisi valde lente in causis rerum investigandis progredi possimus ; dum veritas è tenebris tarde educitur , & in lucem paulatim prodit. Hoc ex nulla re magis patet , quam ex recentium Philosophorum de Secretione sententiis. Hi primum glandularum usum ignorabant ; ut postquam ab illis humores à sanguine secerni observassent , cuique Glandulæ proprium insitum esse fermentum , quo sanguis in alterius indolis fluidum immutabatur , supposuerunt : cum  
que



que denuo legibus circulationis sanguinis omnino repugnare demonstratum esset, fluidum parti alicui inhære-  
re posse, per quam sanguis continue transibat, quod-  
que ipsi sanguini miscebatur, aliam hoc vitio vacuum  
explicationem commentati sunt; qua glandularum orifi-  
ciis dissimiles tribuerunt figuras, perque unamquamque  
glandularum tales sanguinis particulas, quarum latera simi-  
lia erant cum orificio figuræ, transire voluerunt, dum  
omnes alias ob figuræ dissimilitudinem excludi suppo-  
suerunt. Sic fictitiis expulsis fermentis, totum Secre-  
tionis negotium à glandularum structura pendere autu-  
mabant; quæ res non sane minima est artificii pars. At  
hæc quam finxerunt orificiorum dissimilitudo, illi flui-  
dorum proprietati, qua circumposita corpora æqualiter  
premunt, adversatur; pressio enim fluidi æqualis, &  
lateribus perpendicularis, tubarum mollium & ceden-  
tium sectionem ad axem perpendicularem reddit circu-  
larem, qualem revera habent omnes corporis animati  
canales. Qui igitur glandularum orificia circulari figu-  
ræ similia, magnitudine dissimilia, posuerunt, liquo-  
resque crassiores aut tenuiores pro orificiorum magni-  
tudine percolari, hi inquam adhuc propius ad veritatem  
accesserunt, nimis curtam tamen adhibuerunt supelle-  
ctilem, cum tali artificio rem omnem expedire conati  
sunt. Si enim glandulæ ductuum seu orificiorum magni-  
tudine solummodo inter se differant, tunc quæ crassio-  
ribus liquoribus separandis destinantur, si crassissimas  
sanguinis particulas recipiant, omnes tenuiores etiam  
recipient, id est, ipse sanguis per glandulam perfluet,  
nullumque fluidum à sanguine diversum percolabitur.  
Si crassissimas sanguinis particulas excludant glandulæ,  
omnes liquores secreti erunt ipso sanguine tenuiores.



quidam tamen sunt, qui sanguinem crassitie superantes reperiuntur. Quamcumque magnitudinem glandularum orificiis tribuimus, omnes sanguinis particulas cujusque generis semper admittent, modo particularum diametri sint orificiorum diametris minores; adeo ut is solus, qui ex particulis minimis constat liquor, sincerus derivetur. Ex quibus omnibus satis constat, ab omnino falsis ad veriora sensim progressum esse; ad veritatem tamen ipsam nondum pervenire licuit. Præter enim memorata singularum opinionum vitia, huic etiam obnoxia sunt omnes: partem, quam in liquoribus fecernendis ipse sanguis habet, (maximam vero habere, infra demonstrabitur,) nequaquam exponunt. Hanc igitur naturæ partem hætenus ab omnibus neglectam, & multis difficultatibus obstructam, felicioribus aliorum ausis aliquando penitus expugnandam, nos pro exigua nostra facultate in primis aggrediemur. Exposito autem naturæ in hac parte artificio, glandularum deinde fabricam, & percolationis modum explicabimus.

Si translucida animantium membra, innumerabilibus rivulis, cursu tam vario quam delectabili discurrentem microscopio lustraveris sanguinem, ex plurimis globulis rubris sero limpido innatantibus constare deprehendes: si e corpore emissum, & concretum inspicias, globulos coalitos, & interstitia sero repleta, videbis. Si post coagulationem observaveris, serum tenue ex omni suæ superficiei parte emittit, quodque concreverit minus occupat spatium, globulosque sibi invicem propiores microscopium ostendit. Si specificam totius massæ gravitatem explorare velis, ea ad aquam relata, teste Nobili *Boylæo* deprehendetur esse, ut 1. 04 ad 1. Idemque feri gravitatem invenit esse, ut 1. 19 ad 1: unde coaguli gra-



gravitas, si serum sit totius massæ sanguineæ pars tertia, erit ut o. 965 ad 1. Si autem serum sanguinisque coagulum paribus portionibus misceantur, erit coaguli gravitas ut o. 89 ad 1, at si serum duas tertias partes totius habeat, erit gravitas partis coagulatae ut o. 74 ad 1. Ex his apparet globulos sanguineos graviori fluido innatantes nunquam ad se invicem vi gravitatis posse accedere: deorsum enim ferri nequeunt; cum sunt pars sanguinis levissima; nec sursum à sero pelluntur, cum prius coeunt globuli, quam à sero derelinquuntur. Hinc etiam patet serum vi majoris suæ gravitatis à concreta massa nunquam decedere posse; nam cum tantillum inter se serum & globuli gravitate differunt, ut nulla ante globulorum coitionem, cum facilius factu fuisset, discendi sero esset potestas; haud certe globulos jam coherentes divellere & perrumpere valebit major feri gravitas. Præterea si serum præ gravitate à reliqua massa discederet, non à superiori superficiei parte erumperet, nec minor esset coaguli moles, aut arctior globulorum coalitio. Ex quibus omnibus satis constat globulis sanguineis inesse vim à gravitate diversam, qua sese mutuo petunt, atque hac seu vi, seu facultate, eos & concurrere, & in coagulum abire, & serum interpositum exprimere. Hanc igitur, qualiscunque est, Vim Attractricem, ipsamque globulorum Actionem, Attractionem appellare lubet. Utque ex notis gravitatis proprietatibus, quamvis ejus causa nos lateat, plurima naturæ phænomena explicantur, ita hac vi attractrice, cujus natura nondum intelligitur, multorum aliorum phænomenon ratio reddi potest: cum experimentis non minus constat Vis Attractrix, quam ipsa Gravitas; Illa non magis ignorantiaæ asylum, quam hæc, habenda est; præ-



præsertim cum utriusque causa æque ignota sit, & difficilis.

Hæc obiter notare velim, quod à majore vel minore feri copia, quam concretus fundit sanguis, non constet sanguinem tenuem aut crassum esse, uti vulgo æstimatur; quo enim fortioribus viribus attractricibus potiuntur globuli, eo majorem feri copiam exprimunt, estque feri secedentis quantitas, cæteris paribus, in ratione virium attractricium.

Serum sanguinis microscopii ope inspectum, ex plurimis corpusculis tam figura, quam magnitudine differentibus, fluidoque limpido innatantibus constareprehenditur. His etiam ad se invicem accedendi conatus inesse videtur, sed, vel quod longius à se invicem distant, vel quod debiliori vi attractrice donentur, earum non tam aperta & manifesta est attractio. Cum tamen propius aliqua humidi evaporatione adducuntur, non fortius coalescunt globuli sanguinei, quam feri corpuscula.

In omnibus liquidis, qualiacunque sint, aliqua partium est cohærentia, ex vi attractrice orta, ut ex bullis eorum superficiebus insistentibus constat: nec aliter inter se discrepant fluida, quam figura, magnitudine, viribusque attractricibus corpusculorum, quibus humor aqueus imprægnatur, qui communis omnium fluidorum basis videtur esse. Unde tot sunt aquarum generavirtutibus dissimilia? estne, quod salium ac mineralium corpusculis saturentur? Quid diversi vinum, quid cerevisia habet, præter particulas uvæ hordeique in aqua innatantes? Nonne omnes etiam spiritus, ex particulis salinis aut sulphureis in aqua dissolutis constant? Ex sanguinis etiam particulis vi attractrice copulatis oriuntur,



tur, quotquot glandulas perfluunt, liquores. Quatuor substantiarum genera lacti insunt, quod tamen ex globulis per fluidum limpidum instar sanguinis diffusis, compositum esse microscopium patefacit. Subeadem forma urina non pauciora corpusculorum genera includit. Lacrymas etiam, salivam, sudoremque, ex partibus heterogeneis formari evidenter apparet. Si quæ sint à sanguine manantia fluida, quæ in partes abire renuunt, non inde homogenea esse concludi potest, cum plusquam triginta liquores à sanguine, glandularum ope eliciuntur, sanguis autem in duas tantum partes sua sponte abit.

Si corpuscula, per fluidum diffusa, à fluido fortius quam à se invicem attrahantur, vincula sua solvere, & fluidi consortium abrumpere nunquam poterunt; atque ita se habent salia in larga aquarum copia soluta. Cum etiam urina nullum demittit sedimentum, sed pellucida manet, corpuscula ejus vel liquidi copia nimium diluuntur, & quasi extra sphaeram suæ attractionis à se invicem semoventur; vel si satis prope se invicem locentur, in illis tamen debilis est, quæ in fluido viget, vis attractrix; atque prior casus obtinet, ubi urina limpida est, posterior, ubi est saturati coloris. Si corpuscula in fluido dissoluta majori nisu se mutuo, quam fluidi particulas petant, necessario coalescent, & coalita vel ad fluidi imum ferentur, si gravitas eorum præponderet; ut videre est in urinæ hypostasi; vel præ levitate summum petent, ut urinæ nubeculæ; vel fluidum medium tenebunt, si unita ejusdem sint cum fluido gravitatis, qualia sunt quæ in urina suspensiones dicuntur. Hic interdum accidit, ut liquor præ corpusculorum coalescentium copia crasseſcat, ut urina turbida, cujus nulla cor-



puscula unita subsident; interdum etiam liquor in coagulum abit, & humor omnis aqueus in coaguli poris comprehenditur, quod in sanguine & lacte observatur.

Ex dictis constat sanguinem esse fluidum variis corpusculis saturatum; corpusculorum quædam se mutuo, quædam fluidi particulas attrahere; & attractis cohærere; hac attractione sanguini coagulum induci, serum exprimi, ferique copiam vi attractionis respondere: Seri quinetiam corpuscula mutuo amplexu teneri, si aliqua humidi pars calore abigatur; varia denique corpusculorum copula, diversos formari liquores, per glandulas secerni aptos.

Hæc, qua sanguinis corpuscula sibi invicem accedunt, virtus, non alia est, quam illa, qua materiæ partes inter se cohærent; eademque omni materiæ inesse videtur, minutissimorum corpusculorum motus ac mutationes omnes regens ac gubernans; adeo ut quæcunque in intimo rerum sinu latens natura peragat, hac exponi possint, quemadmodum corporum cœlestium ordines, circuitus, & phasæ vi gravitatis illustrantur. Nec sibi mutuo officiunt hæ vires eidem subjecto inhærentes, cum gravitas, per spatia, quantumvis magna, diffunditur, vis autem attractrix non nisi in spatiolis admodum exiguis se exerit: Talem vero vim dari nemini dubium erit, qui quæstiones à sagacissimo *Newtono* ad finem *Optices* propositas perpenderit.

Sanguinem igitur ex particulis vi attractrice præditis constare pro principio adhibere non dubitabo; atque hinc modum, quo ex sanguine liquores ad singulas glandulas transeundas requisiti formantur, explicare conabor, præmissis prius quibusdam, de attractionis legibus, propositionibus.

*Prop. I.* Omnibus materiæ particulis à natura insita  
vis



vis quædam est attractrix, qua quæque particula omnem aliam ad se trahit, & ab omni alia pariter attrahitur, atque hæc vis crescit in ratione distantiarum decrescendum plusquam duplicata, scil. in triplicata, aut quadruplicata distantiarum.

Prior pars Propositionis experimentis innumeris constat, altera sic evincitur. Ex particulis virtute attractrice præditis, sit sphærula arenæ granulo æqualis, qua attrahatur corpusculum quodcunque exiguum vi reciproce ut distantiarum quadrata, sphærulam vero tangat corpusculum. Vis, qua ad sphærulam urgetur corpusculum, erit ad vim suæ gravitatis versus terram, ut est sphærulæ diameter ad terræ diametrum, hoc est, fere nulla erit, seu nullius motus effectrix; adeoque vis, qua se mutuo petunt; necessario erit plusquam duplicata. Præterea si vis, qua sibi invicem accedunt corpuscula, esset reciproce ut distantiarum quadrata; tantum ad determinatam aliquam distantiam, quantum sub ipso contactu, valeret, ut ex natura Gravitatis patet: corpora enim, centum pedes à terra remota, tantundem ponderis habent quantum ad terræ superficiem: at vis, de qua hîc agitur, sub ipso corpusculorum contactu, multo fortior est, quam ubi longius à se invicem absint. Salium in multa aqua dissolutorum vires nullæ sunt, donec aqua, ad pelliculam evaporata, corpuscula propius ad se invicem adducat, tum sibi mutuo occurrentia coalescunt, & in cryсталlos abeunt; adeoque vis, qua sese attrahunt particulæ, crescit in ratione distantiarum decrescendum plusquam duplicata.

*Prop. II.* Vis attractrix, cæteris paribus; particularum soliditati est proportionalis.

Vis attractrix ex virium attractricium summa, quæ



## 42 JACOBI KEILII DE SECRETIONE

singulis materiæ particulis infunt, oritur; adeoque, quo solidior est quævis particula, eo validiori vi attractrice pollet.

*Scholium.* Hæc Propositio de minimis materiæ particulis, nequaquam de corpusculis ex his compositis intelligenda est; rarior enim particularum solidissimarum compages leve efficit corpusculum; hujusmodi vero corpusculum, quanquam ex particulis summa vi attractrice præditis componatur, alio tamen corpusculo, minus solidis sed ætius sibi invicem compactis conflato, minus ponderosum erit. Atque talia videntur esse salia fere omnia, quorum particulis ultimæ compositionis summa est densitas; sed quoniam texturæ sunt rarioris, irruentibus aquæ particulis facile dissolvuntur.

*Prop. III.* Si Particularum se invicem attrahentium vires decrescant in ratione triplicata, aut plusquam triplicata distantiarum augescunt, attractio infinite erit fortior in ipso particularum contactu, aut intervallo infinite exiguo; quam ad aliud quodvis datum interval- lum.

Vid. TAB.

2. Fig. 6.

Supponamus Sphæram  $AHB$  componi ex particulis corpusculum  $P$  attrahentibus, viribus distantiarum cubis reciproce proportionalibus. Ducatur Tangens  $PH$ , & ab  $H$  dimittatur Perpendicularis  $HI$ . Linea  $PI$  bifariam in  $L$  secetur, & erigantur perpendiculares  $Ll$ .  $Aa$ .  $Bb$ .  $Ss$ ; & sit  $Ss$  æqualis  $SI$ . Per punctum asymptotis  $LB$ ,  $Ll$ , describatur Hyperbola  $b s a$ , atque area  $aABb$  minus rectangulo  $2As \times SI$  exprimet attractionem corpusculi  $P$  per *Prop. 81. Princip.*

Vid. TAB.

2. Fig. 1.

*Philosop. Mathemat.* At cum corpusculum  $P$  sphæræ accedit, & illam in  $A$  tangit, puncta  $P$ ,  $L$ ,  $A$ ,  $P$  &  $I$  coincident & erit  $Aa$  asymptoton Hyperbolæ, & area



area  $aABba$  infinita evadit, cumque rectangulum  $2AS \times SI$  finitum sit, erit area  $aABba$  minus  $2AS \times SI$  infinita: vis igitur qua ad sphæram urgetur corpusculum  $P$ , erit etiam infinita.

Si sphæra ex particulis constet, quæ vi attractrice pollent, in quadruplicata ratione distantiarum decrescente, erit vis qua corpusculum ad sphæram adducitur,

ut  $\frac{I}{PS^2 \times PI}$  cumque corpusculum tanget sphæram, erit  $PI$  æqualis nihilo: idcirco quicquid per illam dividitur infinitum evadit, cum igitur vis attractrix ad sphæram est

$\frac{I}{PS^2 \times PI}$  proportionalis, erit illa infinita.

*Prop. IV.* Si corpus constituent particulæ viribus attractricibus præditæ, quæ sunt distantiarum cubis aut plusquam cubis reciproce proportionales; atque si attractio in contactu, aut intervallo infinite exiguo, ad vim Gravitatis finitam obtineat rationem, ad datam à contactu distantiam, infinite minoris inæqualitatis rationem obtinebit.

Hæc propositio ex præcedente patet, in illo enim casu, est vis corpusculi longius à contactu locati, infinite minor quam sub contactu; sed ex suppositione in ipso contactu vim Gravitatis non immense excedit, adeoque vis, qua corpusculum attrahens urgetur, est vi Gravitatis infinite minor.

*Prop. V.* Vis, qua particulæ materiæ se invicem trahunt, sub contactu, non est vi Gravitatis infinite major.

Hujus propositionis veritas ex eo colligitur, quod particulæ validissima cohæsione sibi invicem conjunctæ, aliquo corporis pondere divellendæ sint; atqui particu-



las cohærentes in immensum fere superat corporis divellentis gravitas. Ex radiorum lucis inflectione calculum instituens *Newtonus*, invenit vim attractricem sub contactu, esse ad vim Gravitatis ut 10 000 000 000 000 000 ad 1.

*Corol.* Particularum longius à se invicem remotarum vires evanescunt, vel, quod eodem redit, à vi Gravitatis infinite superantur.

*Prop. VI.* Viribus attractricibus nec addit, nec detrahit quicquam aucta aut diminuta corpusculi attrahentis magnitudo.

Vis attractrix non nisi in particulis, quæ propius ad se invicem accedunt, se exerit; remotiores igitur corpusculi majoris particulæ ad attractionem nihil valent, atque ob eandem rationem diversæ sunt conorum, cylindrorum, cuborum, & sphærarum vires, atque cæteris paribus, particula sphærica omnium validissima vi attractrice pollet.

*Prop. VII.* Si corpuscula fluido innatantia se mutuo fortius quam fluidi particulas attrahant, ea vi sibi invicem accedunt, qua eorum vis attractrix vim fluidi attractricem excedit.

Nam cum fluidi pars, corpusculis interposita, reliqua magis comprimatur, ex pressuræ excessu illam loco dimovebit, & corpusculis se attrahentibus appropinquandi facultatem præbebit.

*Prop. VIII.* Si corpuscula fluido innatantia à fluidi particulis magis quam à se invicem attrahantur, ea à se mutuo recedent vi, quæ est differentiæ attractionis in corpusculis mutux, & attractionis in particulis fluidi, æqualis.

Cum enim fortior est in fluidi particulis vis attractrix,



atrix, hujus excessu versus eas attracta corpuscula, à se invicem recedant necesse est.

*Prop. IX.* Vis, qua sibi invicem cohærent materiæ particulæ, contactus quantitati respondet.

Nam cum partes à contactu remotiores cohæsionem neutiquam afficiant, dupla vis requiretur ad duplam similis contactus quantitatem separandam. Duo marmora planis superficiebus polita, firmitus sibi invicem adhærent, quam quævis alia ejusdem dimensionis corpora minus solida, *i. e.* inter quorum partes plures & majores sunt pori, superficie polituram, (qua scil. arcte sibi invicem accedunt singulæ particulæ) non admittentis.

*Prop. X.* Si, quæ se invicem attrahant, Elastica sint corpuscula fluido innatantia, motum intestinum pro elasticitatis & attractionis viribus majorem aut minorem necessario producent.

Corpuscula elastica eadem, (si fluidi resistentiam excipias) à se invicem recedunt velocitate, qua ad se accedebant: cum igitur in aliorum viciniam resiliunt, nova attractione augebitur eorum velocitas, adeoque à secundis concursibus major erit corpusculorum velocitas, quam à primis; unde singulis concursibus & resilitio- nibus eorum augebitur velocitas, motusque producet- ur intestinus plus minusve sensibilis pro elasticitatis, & attractionis gradu.

Quanquam post singulos concursus corpuscula aucto reperiuntur motu, non tamen in infinitum increbrescit conflictus: celeritatis enim accessionem fluidi superat resistentia, quippe hæc in ratione celeritatis duplicata augescit; illius igitur incremento ut brevi æqualis deveniat necesse est; quo accidente, ad motus & con-  
fli-



flictus summum perventum erit. Frequente insuper collisu corpuscula fracta & labefactata vim elasticam deperdent, unde contrariis motibus, omnis destrueretur motus, nisi vi attractrice nova inirent confortia, novasque formas corpuscula induerent.

*Prop. XI.* Corpuscula per fluidum, quod motu uniformi, five celeri, five languido feratur, diffusa; ad eundem modum sese attrahunt, ac si fluidum illud quiesceret: at à dissimili & inæquali partium fluidi motu corpusculorum attractiones perturbantur.

Fluidi motus ex hypothese est uniformis, adeoque ejus motu corpusculorum inter se nec situs nec distantia mutantur: eadem igitur facilitate se invicem attrahent, ac si fluidum quiesceret. At si fluidi pars aliqua, reliquis velocius feratur, aut si intestinus sit fluidi motus, corpusculorum innatantium inter se mutabuntur positiones; quæque se mutuo attraxerant corpuscula à se invicem inæquali fluidi motu delata in aliorum confortia devenient. Hinc petitur ratio, quod nec in crystallos abeant sales, nec particulæ in urina coëant, donec fluidorum, in quibus dissolvuntur, motus omnis intestinus, à calore ortus, cessaverit.

Hæ sunt leges, quibus humores in sanguine prius formantur, quam à glandulis separantur. Sanguinis particulæ per venas redeunt se invicem attrahunt, tandemque cohærentes globulos magnos, secretioni parum aptos, constituunt; unde necessario accidit, ut in pulmonibus, vi respirationis, confringantur & minuantur. Quam vim, quoniam parva & exigua admodum à plerisque habetur, calculo subicere, & rite determinare in sequentibus aggrediemur.

Diu jam experientia compertum & exploratum fuit,  
ve-



vesicam vi spiritus nostri inflatam undique & extensam, datum pondus ad datam altitudinem posse attollere. Oblongam itaque agni vesicam, extremis suis vinctam, in formam prope cylindricam reduxi, uni extremo fistula inserta, alteri pondere accommodato. Fistula vero eo à terra intervallo collocabatur, ut ad eam pertingere vix concederetur. Vesica hoc modo disposita, & mediocri spiritu inflata, septem libras; forti autem spiritu quam plurimum dilatata viginti & octo, à terra erexit. Vis illa, qua spiritus fistulam permeans hæc pondera sustulit, eadem erat, ac illa, quacum è pulmonibus emmittebatur. Si itaque vim spiritus fistulam transeuntis, & pondera fuscitantis rite possimus computare, datur etiam vis, qua spiritus per asperam arteriam emittebatur.

Vis autem spiritus, vesicam inflantis, duplo ponderi elevato est æqualis; superior enim pars vesicæ, quæ fixa manet, viribus spiritus tantum renititur, quantum ipsum pondus inferiori parti affixum; rursus, quoniam spiritus æqualiter utrobique premit, tota vis eandem proportionem obtinet ad partem illam, quæ orificio fistulæ incumbit, quam habet tota vesicæ superficies ad fistulæ orificium, *i. e.* ut cylindri superficies, cujus diameter 4 digitis, axis vero septem æqualis est, ad fistulæ orificium. Fistulæ diameter erat o. 28, orificium igitur erat o. 0616, cylindri vero superficies 88: ut igitur 88 ad o. 0616, ita 14, duplum scilicet ponderis elevati, ad o. 098, qui numerus duas uncias quam proxime adæquat: si pari methodo & ratione ab altero pondere, scil. 28 libris, calculum ineamus, septem fere uncia tandem producentur. Hæ itaque sunt vires, quibuscum spiritus per asperam arteriam tum leniter,



tum fortiter spirando emittuntur. Quod si pulmones tanquam vesicam, laryngem autem tanquam fistulam, concipiamus, pondus, quod orificio asperæ arteriæ, dum aër expulsus est, incumbit, eam habet proportionem ad pondus, quo distenduntur pulmones, quam tota pulmonum superficies ad orificium asperæ arteriæ. Si laryngis diametrum, 5 ponamus (tanta autem esse non potest) orificium ejus erit 0. 19. Si etiam binos lobos pulmonum duas vesicas, seu sphaeras ponamus, quarum singulæ diametri sex digitis, superficies autem 113 constat; vis quæ laryngi incumbit, erit ad vim totæ externæ superficiei incumbentem ut 0. 19 ad 226 i. e. ut 1 ad 1189. Si itaque larynx, in omni mediocri expiratione, pondere duarum unciarum urgeatur, pondus, quod totam superficiem externam premit, 148 libris est æquale, & maxima vis in maxima expiratione 520 libris. Pulmones autem vacuæ vesicæ, cujus superficiei tantum aër incumbit, minime assimilari possunt; vesiculis enim utrobique abundant, quarum singularum superficiei non minus, quam vacuæ vesicæ aër incumbit. Totum itaque aëris pondus cognosci non potest, donec internas pulmonum superficies recte determinaverimus. Hoc melius ut absolvamus, unam partem tertiam pulmonum tracheæ arteriæ ramis adimpleri ponamus, aliam partem tertiam vasis sanguineis, reliquam vesiculis occupari, super quas vasa sanguinea maxime premantur. Uterque pulmonum lobus 226 solidos digitos continet, quorum  $\frac{2}{3}$  sive 75 digiti vesiculis implentur. Singulæ vesiculæ diameter sit digiti pars  $\frac{1}{5}$ , vesiculæ superficies erit 0.01256 soliditas vero 0000043: quo numero si 75, spatium scilicet vesiculis occupatum, dividamus, quotus dabit 17441860 numerum vesicularum in utroque lobo contentarum. Si hunc



hunc numerum per 001256, vesiculæ scil. superficiem, multiplicemus, prodit summa superficierum omnium vesicularum, nempe digiti 21906. 976. Pressura itaque quam sustinet larynx, erit ad pressuram, quæ toti pulmonum superficiei incumbit, ut 0. 19 ad 21906. 976; Cum itaque in omni facili & mediocri respiratione pressura in laryngem duabus unciiis est æqualis, pressura, quæ totis internis superficibus incumbit. erit 14412 lib. maxima vero aeris vis, cum pressura in laryngem 7 uncias adæquat, erit 50443 lib. Quanquam hæc pondera mira & nonnullis prorsus incredibilia videantur, animadvertitamen oportet, pressuram, quæ unicuique superficiei pulmonis parti, laryngi æquali, incumbit; nullibi pressuram in laryngem superare; & horum ponderum magnitudinem ex immensa fere extensione superficierum vesicularum oriri, super quas sanguis parvulis capillaribus vasculis diffunditur, ut unusquisque globulus sanguineus, & melius & citius vim potentiamque aëris totam accipiat, & in minores partes, tam secretioni, quam circulationi aptas frangatur. Atque hinc mechanica pulmonis structuræ ratio facile innotescit; cum enim omnis corporis sanguis, ut aëris vim & virtutem accipiat, necessario pulmones transit, aër autem non nisi parvis capillaribus vasculis communicari potuit, necesse erat ut superficies, super quas hæc vascula collocabantur, eorum numeris essent proportionales; cui optime consultum est ex mira & eleganti pulmonum compagine.

Si aëris gravitas, trachæ arteriæ diameter, siquæ inter singulas respirationes intervalla, una semper eademque essent, pulmones etiam eodem immutatoque pondere semper urgerentur. Sed quoniam ex barometri



variatione constat, differentiam inter maximam minimamque aëris gravitatem tribus digitis mercurii, (decimæ scilicet parti maximæ gravitatis) æqualem esse, differentia ponderum pulmones agitantium diversis temporibus, nunc major, nunc minor erit, aliquando etiam decimæ parti maximæ gravitatis æqualis; omnium enim corporum momenta, eadem velocitate lata, sunt ut eorum gravitates. Hanc differentiam cito sentiunt, qui spiritum celerius quam par est trahunt, asthmate laborantes; Si in eodem tempore, quo alii semel, illi bis spiritum trahunt, & singulis spirationibus, eandem aëris quantitatem hauriant pondus, quod pulmones urget, erit 57648; cujus pars decima est 5764. Qui igitur asthmate laborant, barometro vel ad summum surgente, vel ad imum cadente, aëris differentiam tertiæ parti pressuræ in vulgari respiratione æqualem percipiunt. Rursus, si parva sit arteria trachea, & introitus ejus omnino angustus, aëris pondus eadem proportionem augetur, ac si spatia inter singulas respirationes minuerentur, & propterea vox valde arguta inter signa phthisios prognostica semper numeratur, ex angustis enim laryngis, seu tracheæ arteriæ oritur; pondusque aëris pulmones agitantis ita auget, ut vasa singulis respirationibus tenuiora faciat, itaque atterat, ut demum frangantur, & atram sibi comitem hæmoptoe phthisin plerumque adsciscit.

Tantam aëris vim ad globulos sanguineos comminuos, ad particularum copulas disjungendas, & ad totam massam, quantum potest, fluidam reddendam sufficere, nemo est cui dubium videri potest. Cumque sic dissolvuntur particulæ, non continuo rursus coalescunt, sed pro ratione virium, quibus singulæ donantur,



tur, aut citius aut serius disrupta renovare confortia properant.

Particularum se invicem petentium coalitioni multum obstat inæqualis ac intestinus sanguinis motus, à vasorum figura, & vi cordis sanguini impressa proveniens. Quæ enim vasis cylindrici aut conici axem tenet fluidi pars, celerius cæteris latera præterlabentibus fertur. Sanguis etiam omni cordis vi in aortam impulsus, non solum secundum vasorum directionem progreditur, sed eorum etiam latera perpendiculariter premit, distendit, & extrudit; cumque vasa elastica sint, dum se restituere conentur, sanguinem quaquaversum repellunt, & motum intestinum producunt; unde per *Prop. II.* Nulla particularum attractio esse potest. Cumque plurimæ sanguini insunt particulæ elasticæ, hæ vasorum tunicis repulsæ, & in se invicem impingentes, à se invicem velocius recedent, motuque incitato quaquaversum ferentur per *Prop. X.* Valido insuper hoc particularum in arteriarum tunicas collisu accidit, ut protinus separentur, si quæ sibi invicem forte cohæsisserent. Ex hoc motu intestino pendet sanguinis calor, qui idcirco particularum in se mutuo & in vasorum tunicas impetui ubique respondet, si modo eadem ubique insit particulis elasticitas. At qua ratione vasorum cava simul sumpta incrementum, pari hic particularum impetus decrescit; ubi igitur illa maxima sunt, ibi calor minimus est, ibique vis attractrix sese maxime exerit.

Ex dictis petenda est ratio, cur ex *Chalybe*, intensiorem, quam ex cæteris metallis, sanguis calorem concipit, quod scil. majori elasticitate donatur, qua etiam ad vasa obstructa aperienda gravioribus metallis præstat.



Quæ maxima vi attractrice pollent, hæc primum & cordi propius coeunt particulae, quæ vero vi debili præditæ sunt, segnius, nec nisi in remotissimis corporis partibus ad se invicem accedunt, & quæque particula, pro vi sibi insita, citius aut serius aliarum consortium appetit. In particulis sphaericis ac solidissimis per *Prop. II. & VI.* maxime viget attractio, cum inter has exigua est contactus quantitas per *Prop. IX.* fluidissimum erit liquidum in cordis vicinia secretum, atque tali revera pericardium repletur.

Sales sunt ejus generis corpuscula, quæ aquarum particulas fortiter attrahunt, & ab illis vicissim fortiter attrahuntur, quod ex facilitate, qua in aquis colliquefcunt, patet. Si quis igitur liquor ex aqua & sale præcipue constans à sanguine secernendus est, per glandulas à corde non longe distantes derivabitur. Hinc renibus ad aortæ descendentes latera suæ datæ sunt stationes; si enim situm à corde remotiorem obtinuissent, ibi sanguis in copulas ab urinæ natura alienas coactus, fluidum ad glandulas renum transeundum satis idoneum nunquam suppeditasset.

Ea tardissime ad se invicem feruntur corpuscula, in quibus vis attractrix est debilissima; atque talia sunt minus solida, quæque sub magnis superficiebus continentur, per *Prop. II. & VI.* Adeoque quæ sunt planarum superficierum, corpusculis sphaericis, segnius coeunt, sed coalita firmitus cohærescunt, & liquorem maxime tenacem constituunt. Hinc est, quod ea fluida, quibus maxima est tenacitas, (quale est artuum mucilago) ad maximam à corde distantiam separentur, ubi scilicet Arteriarum sectiones transversæ simul sumptæ sunt maximæ, ubi impetus sanguinis in vasorum latera

mi-



minimus est, ubi fere æqualis ac uniformis est sanguinis velocitas, ubi demum attractio particularum vel languidissima nullatenus interpellatur, per *Prop. XI.*

At quo clarius generalis hæc secretionis doctrina elucescat, bilis ac feminis secretio speciatim exponenda est: hæc enim fluida tenacissima sunt, in cordis tamen vicinia percolantur, in his autem secernendis à methodo sibi usitata natura deflectens, eam sanguini in ipso corporis trunco motus æqualitatem comparat, quam in extremis impertiret. Diverſa hæc methodus dictorum veritatem evidenter confirmat, cum ex nulla alia re luculentius innotescit, quem sibi finem in operationibus suis quærit natura, quam quod sub varia conditione operandi methodum necessario mutet, ut idem effectus producat.

Cum chylo è stomacho in duodenum migranti, miscenda erat bilis, nullibi commodius à sanguine secerari potuit, quam ubi hepatis est sedes. At si ex arteriæ cæliacæ ramis omnem suum sanguinem hepar recta recepiſſet, particulæ, de quibus bilis componitur, se mutuo tarde petentes, præ fervido motu intestino, nunquam coivissent; adeoque frustra hic hepar locasset natura. Ab usitata igitur sanguinis ad omnes corporis partes per arterias mittendi methodo declinans, *venam* portæ effingit; hæc nequaquam ex cava, sicut omnes aliæ, propagatur; sed ex tota intestinorum longitudine, ex omento, ventriculo, liene, & pancreate exoritur, ut sanguinem his partibus per arterias cæliacas & mesentericas allatum, ad hepar deducat. Hoc artificio sanguis longa ambage circumductus, gravi incedit motu, ut particulis, bilem sua coalitione formaturis, coalescendi tempus concedatur. Huic muneri à natu-



ra designata est *vena portæ*, qua inter omnes, quamquam nulla sit insignior, ejus tamen apud Oeconomix Animalis scriptores nulla fere habita est ratio. Sed cum tanti momenti est ad bilem fecernendam, libet totam machinationem fusius exponere, & ad numerorum rationes exigere.

Haftenus ostensum est arteriæ cujusvis ramos similes, ipsa arteria majores esse. Aortæ ratio ad ramos è trunco suo immediate propagatos est, ut 100000 ad 102740; at quasi naturæ proposito in bilis secretionem haud sufficeret hæc ratio, arteriam *mesentericam* multo magis superant sui rami. Hujus arteriæ medium mesenterium transcurrentis, & unum & viginti ramos emittentis talis est forma, interque truncum & ramos sequentes rationes obtinere deprehendi.

Vid. TAB.  
2. Fig. 2.

In iis partibus, in quibus truncus mesentericæ arteriæ est

	—	— 15129
Primus ramus est	—	— 2136
Secundus	—	— 1936
Tertius	—	— 2136
Quartus	—	— 2104
Quintus	—	— 4489
Sextus	—	— 1936
Septimus	—	— 2601
Octavus	—	— 3136
Nonus	—	— 1681
Decimus	—	— 3025
Undecimus	—	— 625
Duodecimus	—	— 1369
Decimus tertius	—	— 1024
Decimus quartus	—	— 1849
		De-



# ANIMALI TENTAMEN. 65

Decimus quintus	— 3 —	1936
Decimus sextus	— 4 —	529
Decimus septimus	— 5 —	729
Decimus octavus	— 6 —	1156
Decimus nonus	— 7 —	1024
Vicesimus	— 8 —	1156
Vicesimus primus	— 9 —	841

Summa omnium est 37418

Ex his rationibus patet ramorum summam arteriæ *mesentericæ* truncum plus duplo excedere, adeoque in his suæ velocitatis dimidium amittit sanguis; ex allata tamen aortæ ad ramos suos ratione, vix sensibilis est velocitatis diminutio. Sed prius quanta fuisset sanguinis velocitas, si eum hepatis more suo usitato per arterias misisset natura, indagandum est. Deinde celeritatem, qua per arteriam (qualis est *mesenterica superior*) ad jecur fluxisset sanguis, exponam. Denique quanto tardius per *Venam portæ* nunc fertur, quam per prædicta itinera delatus fuisset, ostendere conabor. Ex quibus omnibus quid per has ambages sibi vult natura, aut quam rem tanto conamine molitur, clare intellectum erit.

Atque primo supponamus arteriam *mesentericæ* æqualem, cujus diametri quadratum est 1038025 partes digiti decimales, ab aortæ trunco ad hepar porrectam; ea ad ramos suos rationem habeat, quæ posita est inter cæteras omnes arterias, nempe 10000 ad 12387. Quadratum diametri hujus arteriæ logarithmum habet — 1.4189307. Arteriæ minimæ seu evanescentis logarithmus



inventus est - 8. 6020600, a quo si subducatur logarithmus — 1. 4189307 residuum erit — 7. 1831293 quo numero per — 0. 2080639 diviso, uti in secundo tractatu docuimus, quotus erit 34, adeoque inter aortam & minimum hujus arteriæ furculum 34 divisionum series intercederent. Si igitur velocitatis, quam in ultima serie, ad velocitatem, quam in prima sanguis habet, ratio investigetur,prehendetur esse, ut 1 ad 1448. Hæc igitur maxima esset celeritatis diminutio, si methodo communi ad hepar missus fuisset sanguis.

At multo languidiore cursu fluxisset, si per arteriam, qualis est mesenterica, devectus fuisset. Quæ sit inter truncum & omnes primarios hujus arteriæ ramos ratio, jam superius ostensum est. Nunc ea methodo invenienda est ramorum ad suos truncos ratio, qua in cæteris arteriis inventa fuit, atque tales rationes obtinere mensura deprehendi.

Quintus arteriæ mesentericæ Ramus designa- } 4489.  
tus numero

binos exerit ramulos scil.

— 1764.  
2809.  
—  
4573.

Horum ramulorum minimus  
in 4 furculos immediate dividitur

— 1764.  
— 576  
1225  
576  
1024  
—  
3401

Ramu-



# ANIMALI TENTAMEN

57

Ramulorum maximus	----	----2809
furculos habet tres	----	----961
		<u>1764</u>
		<u>1521</u>
		<u>4246</u>
Surculus	----	----1521
in duas partes finditur		----1369
		<u>961</u>
		<u>2330</u>
Octavus Arteriæ mesentericæ Ramus		<u>3136</u>
Ramulos habet binos	----	----1521
		<u>1225</u>
		<u>2746</u>
Ramulus	----	<u>1521</u>
duos propagat furculos		----900
		<u>900</u>
		<u>1800</u>
Ramulus	----	----1225
itidem duos		----729
		<u>900</u>
		<u>1629</u>
Decimus Arteriæ Mesentericæ Ramus		<u>3025</u>
duos projicit Ramulos		----1936
		<u>1600</u>
		<u>3536</u>
Ramulus	----	----1936
furculos emittit	----	----1089
		<u>1296</u>



		1296
		<u>2385</u>
Surculus	----	1296
alios minores exerit	----	<u>676</u>
		676
		<u>1352</u>
Decimus quartus arteriæ mesentericæ Ramus	----	1846
in ternos dividitur Ramulos	----	<u>900</u>
		900
		<u>900</u>
		2700
Ramus Arteriæ Mesentericæ decimus quintus est	----	1936
ejus Ramuli sunt	----	<u>1089</u>
		1369
		<u>2458</u>
Ramulus	----	1369
Surculos habet	----	<u>784</u>
		676
		<u>676</u>
		2136
Surculus	----	<u>676</u>
dirimitur in duos alios	----	<u>400</u>
		529
		<u>929</u>

Jam , uti in Secundo Tentamine factum est , ea ponatur singuli cujusque trunci ad ramos à se immediate provenientes ratio , quæ est inter summam truncorum & ramorum summam , nempe ratio 28549 ad 36221 ,

vel



vel 10000 ad 12687. Ex hac ratione instituto calculo, deprehendetur divisionum series arteriæ mesentericæ, triginta & sex esse, velocitatem etiam in ultima ferie eam habere rationem ad velocitatem in trunco primo, quam habet 1 ad 5261.

Uti arteriæ mesentericæ truncus minorem ad suos ramos proportionem habet quam aorta ad suos, sic ejusdem arteriæ rami minorem etiam proportionem habent ad suas conjugatas venas, quam aorta ad venam cavam.

Aortæ truncus infra emulgentes est ad venæ cavæ truncum in eodem loco, ut 324 ad 441; at quilibet arteriæ mesentericæ ramus ad comitantem venæ portæ ramum rationem habet 9 ad 25; ideoque 14613 segnius in ramis venæ portæ capillaribus incedit sanguis, quam in Arteriæ mesentericæ principio; atque id solo diametrorum vasorum nomine: Tanti erat motum sanguinis intestinum, particularum (ex quibus bilis formatur) coalescentiam interpellentem compescere.

Qua ratione sanguis velocitatem suam amittit, dum ad hepar progreditur, hætenus exposuimus; nunc quantum temporis, ut iter suum conficiat, insumitur, inquirendum est.

Si vas sanguiferum in quotlibet partes longitudine æquales dividatur, & ad singulas divisiones amplitudo vasis in data quavis ratione augeatur, tempus, in quo discurrit sanguis per vas, methodo sequenti habebitur.

Quoniam sanguinis velocitas est reciproce, ut sectionis amplitudo, & dato spatio percurrento, tempus est reciproce, ut velocitas; erit tempus per quamlibet longitudinis partem directe, ut amplitudo vasis, hoc est directe, ut summa sectionum ramorum. Adeoque si se-



ctiones illæ sint in progressionē geometrica, erunt tempora in eadem progressionē geometrica. Si igitur tempus per omnes vasis divisiones continuo augeri supponamus in ratione 1 ad  $r$ , erit temporum progressio geometrica 1.  $r$ .  $r^2$   $r^3$   $r^4$   $r^5$  &c. & si terminus progressionis ultimus dicatur  $u$ , erit summa progressionis, hoc est

Summa temporum  $= \frac{r^u - 1}{r - 1}$ . Jam si ratio vasis ad suos

ramos ponatur esse, ut 10000 ad 12687, numerus divisionum arteriæ mesentericæ, erit 36; adeoque si omnes arteriæ mesentericæ divisiones longitudine æquales supponantur, sanguis motu uniformi delatus, tempore, quo primam divisionem percurrit, trigesies & septies sumpto, totam arteriam percurrit. Et  $r = 1.2687$ , ejus Log. 0. 1033589 in 36 ductus dat Log. numeri 5259, qui est terminus progressionis ultimus  $u$  æqualis; &  $r^u = r^{37} = 6672$ : unde  $r^u - 1 = 6671$ , & si ab ejus Log. subtrahatur Log. numeri  $r - 1$  restabit Log. numeri 24826, summa omnium temporum. Est itaque tempus, quod impendit sanguis, dum motu retardato perreperit vasis longitudinem, ad tempus, quod motu uniformi eandem transcurrento infumeretur, ut 24826 ad 37, vel ut 670 ad 1. Jam qua velocitate sanguis aortam motu uniformi percurrit, eadem pedes 78 spatio minuti primi percurreret. Adeoque si arteria mesenterica decem digitos longa ponatur, eam sanguis motu uniformi 0. 64 minuti secundi transcurreret; motu vero in ratione posita retardato 7 fere min. prim. spatio. Si denique venam portæ tantum decem digitos longam supponamus, cum in hac velocitas sanguinis est ad velocitatem in arteria mesenterica, ut 9 ad 25, tempus eam transcurrento infumptum erit 19 minutorum primorum. Adeoque ut sanguis



guis ab aorta ad jecur serpat, 26 minuta requiruntur. Si vero methodo naturæ solenni, arteria ab aorta ad jecur directe porrecta fuerat, hanc dimidio minuti secundi percurrisset. Tantæ molis erat in hepate, bilem reponere. Hinc satis patet, sanguinem, si recta via ad hepar ab aorta tetendisset, bilem suppeditare non potuisse; sed tempus multo longius, motumque longe tardiolem, quam sineret directum iter, requiri, ut biliosæ particulæ, in hepate secretioni aptæ compararentur. Quamquam arteriæ divisiones longitudine revera differant, quo facilius tamen calculus ineatur, æquales omnes sine ullo notabili errore supponere licet.

Quantis apparatus in arteria mesenterica, ejusque venis bilis formatio perficitur, jam satis explicatum est; quæ insuper cura de sanguine arteriam cæliacam perfluente adhibetur, nunc inquirendum restat. Quamquam immensa fere sunt Intestinorum spatia, à sanguine mesenterico percurfa, ea tamen ad omnem hepatis sanguinem recipiendum haud sufficere videntur. Aliqua enim ejus portio per arteriam cæliacam missa, & in ventriculum ac omentum diffusa, pari ratione ac in arteria mesenterica, de motu suo multum deperdit. Jamque sanguine replentur omnia, multum tamen sanguinis adhuc hepatis mittendum restat; at quomodo? Hic promptam providæ naturæ solertiam admirari, hic visceris à plerisque inutile habitum usum eximium contemplari licet! Sanguinem ex arteriis effundit, laxamque & spongiosam lienis texturam illo replet, & distendit. Quanta est arteriæ splenicæ mensura, nondum mihi notum est; at, cum cæliacæ peripheria dimidiatum digitum seu 0, 5 æquat, cujus quadratum est 25, quadratum splenicæ, à cæliaca propagatæ, non excedere potest, 18. Splen.

vero



vero 6 digitos longus est, tres aut quatuor latus, & duos crassus; ideoque ob faciliorem computationem, cylindricæ formæ esse supponam, basisque diametrum duos digitos longam: Cum igitur peripheriæ quadratum est 36, oportet sanguinem ducenties tardius in liene quam in arteriæ splenicæ trunco, progredi. Quærerem libenter, an non hic sit tam diu quæsitus lienis usus?

His omnibus artificiis id sibi proposuisse natura videtur, ut ea sanguinis retardatio compararetur, quæ ad bilem, particularum coalitione componendam, necessaria esset. Si in sanguine ea forma, qua per glandulas secernuntur, in omnibus sui circuitus partibus liquores actu existerent, cui usui fuisset tanta velocitatis diminutio? Sive enim ocyus sive tardius feratur sanguis, hi omni tempore, & loco, ad glandulas transeundas apti forent, & idonei.

Exiguam certe proportionem ad sanguinis reliquum habent particulæ, ex quibus Bilis componitur; ut patet ex parva quantitate, quam larga sanguinis copia glandulis emittit. In cane majore cujus ductus cholecocus humanum crassitie fere æquabat, nunquam magis quam duas drachmas intra horæ spatium potui colligere; singulis autem horis 4000 unciaë ad minimum è corde in aortam injiciuntur, atque ex arteriarum rationibus constat, utramque mesentericam & cæliacam ad cæteras arterias esse, ut, 1 ad 8; 500 unciaë igitur sanguinis singulis horis in hepar infunduntur; cumque ex tanta quantitate non nisi drachmæ duæ bilis eliciuntur, patet bilem ad sanguinem esse, ut 1 ad 2000: Quo nomine tantum temporis particularum biliosarum coalitioni à natura assignatur.

Hoc insuper commodi ipsa sanguinis retardatione non  
mi-



minoris usus, ex porta bili comparatur. Cum plurimas abdominis partes prius percurrit sanguis, quam ad hep-  
par venit, maxima lymphæ parte in transitu sese exo-  
nerat; unde propius sibi invicem adductæ particulæ bi-  
lem composituræ, in mutuos complexus citius ruunt.  
Cum igitur lymphæ à sanguine ad jecur progredientis  
deductio, non minus opportuna est particularum coali-  
tioni, quam celeritatis sanguinis diminutio; summe cre-  
dibile est huic fini per has omnes machinationes naturam  
consuluisse.

Quæ de bile dicta sunt, tanta vi nostrum assensum  
cogunt, ut quamvis pares difficultates, quibus feminis  
secretio involvitur, explicare nequiremus, theoriæ ta-  
men veritatem in dubium vocare vix liceret. Verum cum  
diverso artificio, dissimili partium locationi accommo-  
dato, eandem hic operam navare naturam contempla-  
mur, nulla veritas firmioribus stabiliri potest argumen-  
tis.

Testiculis sanguinem inferunt arteriæ spermaticæ, quæ,  
secus ac in aliis omnibus totius corporis arteriis observa-  
mus, ab aortæ lateribus exiles orientes; mox truncum  
ampliores acquirunt; unde, sicut in rivis fit, quod ra-  
pido cursu in angusto canali ferebatur fluidum, in latiore  
sinu sese diffundens, motu magis placido provehitur.  
Non eo consilio hujusmodi huic arteriæ data est figura,  
ut exigua tantum sanguinis copia Testibus feratur; hoc  
enim non dissimilem, sed exilem arteriam requirebat;  
quæ angustum principium excipit arteriæ amplificatio,  
non copiam, sed velocitatem sanguinis diminuit. Ea est  
arteriarum spermaticarum, qua oriuntur, tenuitas, ut  
qua alias mensuratus sum arterias methodo, eas mensu-  
rare nequirem, at vix ab aorta discedunt priusquam in



magnitudinem lumbaribus parem augeantur. Hanc lumbarium magnitudinem alias numeris 434, 2 expressimus; adeoque si arteriæ spermaticæ orificium numero 17. 3 respondere supponatur, sanguis 25 tardius in trunco hujus arteriæ, quam in principio incedet.

Iterum omnes corporis partes sanguinem per ramulos à proximo arteriæ trunco propagatos recipiunt; si eodem modo suum recepissent sanguinem testiculi, non ex aorta, sed iliacis ortum suum duxissent arteriæ spermaticæ, nec longe ab ortu furculos suos diffundissent, at ut nunc res comparatur, sexies saltem longius ab aorta proveniunt, ac si ab Iliacis provenissent. Adeoque cum spatium sextuplum vigesima quinta velocitatis parte percurrit sanguis, oportet ut centies quinquagies plus temporis in itinere nunc consumat, quam si ramos ab iliacis emissos percurrisset. In canibus idem efficitur longo ac tortuoso arteriæ spermaticæ ductu. Ex quibus patet recensita de bile commoda etiam feminis secretioni convenire.

Si quis objicit narium & mucum & auricularum cerumen, à glandulis secerni, ubi sanguinis velocitas tenacitati respondere non videtur; sciat hosce humores, cum primum percolantur, non ea tenacitate esse præditos, qua postea in sinibus aëre perflatis inspissantur; cum aëre enim una avolat tenuissima fluidorum pars, residua interea concrefcente.

Præterea in memoriam revocare oportet, particularum cohæSIONem ex earum figuris pendere, vim autem, qua se mutuo petunt, soliditati proportionalem esse; idcirco particularum magnitudine æqualium, figura similium, solidissimæ citius coalescent, coalitis tamen omnibus par erit cohærentiæ gradus. Atque hinc fit quod  
duo-



duorum fluidorum æquali partium cohærentia gaudendum, id à glandulis cordi propioribus fecerni possit, quod est maxime ponderosum: Quodque duo fluida inæqualiter tenacia, in eadem cordis vicinia percolari possint, si modo quod in soliditate deficit, contactus quantitate suppleatur.

Pro varia laticis serosi ratione, plerisque corporis humoribus commixti, diversam fortiuntur humores tenacitatem; quique fluido seroso maxime abundant, etiam ex particulis imbecilla vi attractrice præditis constare possunt. Hujusmodi vero humor per glandulas longius à corde remotas derivari debet, quam quivis alius tenacior sero minus abundans, & ex particulis fortius attrahentibus compositus. Sed quo artificio fluidum serosum cum humoribus secretis in data quavis ratione misceri potest, postea docebitur.

Quanquam hæc, quæ in humoribus reperitur tenacitas, pro fluidi serosi mensura modo fortior, modo imbecillior evadat, eam tamen ex hac sola causa omnino non pendere, ex traditis propositionibus satis constat: Id quidem fieri potuit, si ex unico tantum particularum genere sanguis esset compositus. At plura particularum genera illi inesse, & gustus & autopsia docent. Præterea humores, qui ex eo proveniunt, qualitatibus prorsus dissimiles luculenter probant. Inæquales autem particularum vires attractrices, diversas sanguinis velocitates, diversasque à corde distantias, ad multijuges humores fecernendos requirere, ex iis, quæ de bile & semine dicta sunt, abunde constat. Si tantum fluidi serosi ratione inter se discrepassent humores, tum quovis loco, & quacunque sanguinis velocitate fecerni potuissent; nec tot tantisque machinationibus naturæ



opus esset, ut prædicti humores ad suas glandulas præsto forent.

Ut quorundam humorum secretio certam sanguinis velocitatem, & a corde distantiam requirit, sic aliorum percolatio in omni loco, & velocitate peragitur; atque tales sunt, quorum particulae in apta secretionis conditione ubique reperiuntur, qui tametsi ex variis particulis constare poterunt, earum tamen coalitio ad istiusmodi humorem constituendum est minime necessaria. Hujusce generis est lymphæ, quæ ex seroso fluido præcipue constans, in omnibus corporis partibus ad hunc usum derivatur, ut chylum diluat, & fluidiorem reddat. Si quis opinatur omnem lympham in abdominis cavitate secerni debuisse, cum chylo tantum est usui, hunc in memoriam revocare velim, tota sanguinis lymphæ ad chylum diluendum opus esse, cum quæque corporis pars, aut ad chyli receptaculum, aut ductum thoracicum, venasve subclavias copiam suam immittit. At à nulla glandula quantumvis magna, aut quocunque locata tantum lymphæ percolari potuit, quantum nunc ab omni corpore elicitur: Non tantum viscera, sed etiam artuum extrema rivulis scatent lymphaticis. Siqua est & glandula, huic soli muneri destinata, magna illi sanguinis portio mittenda foret; at ut nunc res se habet, est omnium partium *πᾶσιν* lymphæ secretio, nec ab aliis vitæ functionibus ad lympham suam deponendam sanguis usquam deducitur.

Spiritus animales mihi etiam hujusmodi humores esse videntur, qui proculdubio è minimis, quas sanguis habet, particulis, constant, cum à glandularum omnium minutissimis percolentur. Adeoque ex nulla particulæ coalitione constantes, ubivis derivari potuerunt,



œconomix tamen animali, ex tanta cerebri à corde distantia, non parvum oritur emolumentum. Si enim situm cordi propiorem spirituum animalium glandulæ haberent, quæ scilicet sanguis vi pulmonis in minima corpuscula comminutus fluit, plurima glandularum ductus ingredi potuissent corpusculâ, quæ postea sibi invicem cohærentia, exilissimos nervorum meatus obstruxissent; quæ res, ut œconomia corporis nunc ordinatur, apoplexiæ, paralyfi, & lethargo ortum interdum præbere potest; ne tamen id sæpius & necessario eveniat, prævisum est intervallo, quod transcurrit sanguis: Quæ enim coalescere aptæ sunt particulæ, prius coeunt, quam ad cerebrum perveniant, unde propter molem glandulis excluduntur.

Adeo tenues sunt particulæ spiritus animales confidentes, ut earum moles in sanguine præ reliquâ massa admodum exigua sit; idcirco tanta glandularum multitudo, quanta in cerebro cernitur, ad spirituum animalium secretionem necessaria erat; magnisque arteriis ad largiorem sanguinis copiam deferendum opus erat, idque sine dubio causa est, quod utramque carotidem ad ipsum aortæ truncum eam habere rationem reperiatur, quam habet 1. ad 4, 5.

Cum methodo tam simplicissima, quam facillima, opera sua absolvit natura, ex paucis particulis humores omnes pro re nata componi, multo verisimilius est, quam sanguinem ubique tot humoribus constare quot ex eo eliciuntur. Quot particularum genera sanguinem constituent, difficile admodum est determinare, nec profecto in œconomia animali ullius rei cognitio est, quæ aut magis necessaria, aut magis involuta sit, quam sanguinis. Atque hinc est, quod tam manca manet morborum ab humoribus pen-



dentium Theoria. Quæ à structura, figura, & positione organorum oriuntur in quolibet morbo symptomata, satis perspicue explicantur; quæ vero à varia & mutabili sanguinis indole nascuntur, eorum rationes plerumque omnino nos latent: Idcirco variæ, & interdum contrariæ sunt, uti ab Authoribus traduntur, indicationes Curativæ; cum interim sola certa morbi causa certam medendi methodum subjicit, hujusque probabilitas illius probabilitati respondet.

Varia paucarum particularum copula plurimos virtute multum dissimiles humores procreabit; alii ex duobus, alii ex tribus, aut pluribus particularum generibus componuntur, estque forte communis fere omnium basis fluidum serosum. Si quinque particularum genera sanguini inesse supponantur, hæc literis, *a. b. c. d. e.* designata sequentes copulas æquali ratione commixtas conficiunt.

*ab: ac: ad: ae:*

*bc: bd: be: cd:*

*ce: de: abc: adc:*

*abd: abe: ace: ade:*

*bdc: bde: bec: dec:*

*abcd: abce: acde: abde:*

*bcde: abcde:*

At utrum plura aut pauciora sanguinem constituent, ego nondum conjectura assequi valeo.

Qua ratione medicamenta cathartica, diuretica, salivam prolicientia, & alia quoslibet corporis humores per proprias suas glandulas educunt, effectus suos producant, quæstio est, cui nulla adhuc secretionis theoria satisfacere valuit. Nam si eadem humorum quantitas sanguinem ubique imbuat, aut si, qui sanguinem in



una corporis parte constituent humores, illi in toto sanguine pari ratione commixti reperiantur; *i. e.* si sanguis sit ubique homogeneous, & sui similis, nec Medicamentorum viribus in certas quasdam copulas præ aliis omnibus cogitur, ut certi ejusdem humoris ratio adaugeatur; in hoc inquam casu erit quantitas humoris æqualibus temporibus secreta, semper in ratione celeritatis sanguinis; celeritas autem sanguinis à nullis medicamentis duplicata, aut triplicata reperitur, ut ex pulsuum numero constat: Quantitas tamen humoris à Medicamentis elicitæ interdum naturali vicies major est, ideoque, ex æquali cujusque humoris per sanguinem æqualiter diffusa quantitate, medicamentorum operationes nequaquam exponi posse videntur.

Quanquam argumentum allatum demonstrationis vim habeat, sunt tamen, qui horum medicamentorum operationes, per vim quandam irritativam explicare conantur, hac dicunt glandulas vellicari, ac in motum contractivum proritari; unde succi stagnantes expelluntur, canales obstructi referantur, ac humores gravius profluentes accelerantur. At quanquam medicamentis hujusmodi facultas concederetur, adhuc tamen inexplicatum restaret, quæ fiat, ut alias glandulas alia vellicent pharmaca, quid sit scilicet quod nitrum ad glandulas renum, mercurium ad parotidas manuducat. Nulla certe ratio assignari potest, cur certas quasdam glandulas, omnibus aliis intactis, proritet medicamentum excretorium: sed insito quodam ignotoque, ut loquuntur, instinctu eo feratur, glandulamque sibi propriam infestet: Quid inde commodi? Nihil certe, vis hæc irritativa phænomenis naturæ minime satisfacere potest. Nam imo stagnantibus expulsis à vellicatione humoribus,  
non



non minorem quam antea copiam educit repetitum pharmacum, ut patet ex ptyalismo per plures dies continuato; adeoque alii humores, præter stagnantes, à medicamentis proliciuntur. 2do. Quod vasorum dimidiam partem obstructam recludit pharmacum, id non nisi duplæ humoris quantitati viam parat; at quantitas plusquam decupla interdum emungitur; oportet igitur ut numerus vasorum à medicamento referatorum sit decies major vasis ante exhibitum medicamentum excernentibus. Quod tamen non supponendum est. 3tio. Excussis vasorum obstaculis, aucta excretio continuari debet usque ad novam obstructionem; at copia à medicamentis excreta intra paucas horas plerumque omnino cessat, tot vero reclusos canales eo tempore denuo obstrui, non credendum est. 4to. Hujusmodi pharmaca in omni corpore, i. e. in libero æque ac obstructo, operationes suas peragunt, adeoque humorum excretio non semper vasorum referationi debetur. 5to. Quanquam fluidorum perfluentium motum Vasorum contractio acceleret, quantitas tamen fluidi influentis diminuitur, cum hæc vasorum diametris respondet; adeoque minor erit à medicamentis irritativis excretio. Quascunque partes *Stimulus* afficit, eas procul dubio contrahit; medicamenta vero purgativa viscera stimulare, experienti cuivis facile patet. Si quis nova pulsuum tam celeritate, quam vi inductus, hæc medicamenta cordis vim augere, ipsumque ita stimulare affirmet, ut major sanguinis quantitas ad Intestinorum glandulas mittatur, illi facile assentior; hanc vero catharticorum medicamentorum vel solam, vel primam esse virtutem totus nego; eadem enim vis majorem sanguinis quantitatem ad alias omnes corporis glandulas, quarum fluida non sensim augentur, emit-

tit:



tit: Intestinorum vero glandulæ quantitatem proportionaliter minorem, quam aliæ glandulæ, accipiunt; quoniam non à majori sanguinis vi tantum dilatantur, quantum aliæ, quæ à medicamentis minus stimulantur.

Quæ hic à me de stimulis dicta sunt, non ita intellecta velim, quasi omnem ab his vim in alvo ducenda adimere velim, sed id laboro, ut præcipua medicamentorum evacuantium virtus in humorum attractione posita esse intelligatur, cui aliæ secundariæ facultates etiam operam suam conferre possint. Sic cum glandulæ, præ cæteris aliis corporis vasis, sint obstructioni maxime obnoxie, à stimulis vellicatæ, lentos & stagnantes humores expuunt, dehinc patentior subsequenter humoribus exitus comparatur.

Sunt & alii, qui pro virtute medicamentorum fermentativa acriter contendunt, qua sanguinem fundi & dissolvi, humoresque omnes à vinculis suis liberari volunt, ut, qua data porta, effluant. At si hac virtute omnes qualescunque sanguinis copulæ dissolvantur, tum non solum salivam mercurius, & urinam nitrum moveret, sed quodlibet pharmacum cunctis humoribus exeundi potestatem præberet, quod experientiæ repugnat. Si partialis sit hæc dissolutio, nec nisi certæ quædam particulæ ab aliarum omnium consortio disjungantur, nonne humoris, ab hujusmodi particulis dissolutis compositi, quantitas præ cæteris omnibus augeatur? Estne pharmacum certi cujusdam humoris appetens? Quod scriptorum omnium hypothese repugnat.

Si dicatur, virtute medicamentorum fermentativa humores omnes fundi, irritativa vero ad propria emissaria duci; Respondeo, quanquam humoris per glandu-



las proritatas ratio proxime augeretur, humorum tamen omnium major esset effusio, cum omnes pariter à vinculis suis liberarentur : At rem aliter evenire, experientia constat.

Quam nulla alia infringere potuit, hæc nostra Theoria facillime discutit difficultatem. Cum ex variis particularum copulis diversi formentur humores, erit quantitatis à quavis glandula excretæ ratio, in ratione composita quantitatis sanguinis glandulam transcurrentis, rationisque, quam numerus particularum tali modo coherentium, quali constituitur humor per datam glandulam percolari idoneus, habet ad sanguinis massam. Atque hinc sequitur, ubi determinata alicujus humoris quantitas separanda est, oportere particularum, humorem percolandum constituentium, numerum esse in ratione reciproca sanguinis ad glandulam accedentis; si igitur secretionis quantitas augenda est, particularum numerum, siue humoris copiam etiam augere oportet. Si vero secretionis quantitatem diminuere expedit, pari ratione diminuendus est particularum numerus, siue humoris modus. Illa igitur pharmaca, quæ particularum cohesiones mutare valent, etiam humorum derivandorum quantitates mutabunt.

Supponamus, ex. gr. humorem per glandulas Intestinales emunctum, ex tribus aut quatuor particularum generibus constare; jam ea medicina, quæ hisce particulis sese facile adjungit, & adjungendo adeo mutuas earum attractiones auget, ut multo frequentiores coalitiones proveniant, cum sanguis glandulis excretioni destinatis allabatur, quam, nulla exhibita medicina, provenissent; hæc inquam medicina pro ratione particularum, quas coalescere facit, hujusce recrementi excre-

tio-



tionem naturali copiosiore comparabit, modo eadem sanguis velocitate ad Intestinorum glandulas feratur. Simili operationis modo medicamenta sudorifica, diuretica, & alia quascunque secretiones promoventia, munera sua exequuntur.

Si pharmaca sanguinis recrementa foras educant, attractrices particularum vires, & copularum numerum augendo, quidni fieri potest, ut quædam medicamenta citius, facilius, ac fortius quibusdam humoribus, quam aliis, se adjungant? Quod si res ita se habet, nonne à diversis cathartidis diversi humores amendantur? Nonne igitur recte antiquiores Medici medicamenta purgantia *elective* agere asseruerunt, & inter cholagoga, phlegmagoga, & hydragoga veram esse differentiam, à neotericis temere nimis sublatam, statuerunt. Huic fortasse medicamentorum virtuti debetur, quod quædam corpora quibusdam cathartidis facile cedant, quæ aliis etiam potentioribus pertinaciter resistunt. Si enim ea est corporis cujusdam constitutio, ut unius solummodo humoris, per glandulas intestinales derivari apti, generativa sit; frustra alia adhibentur medicamenta, quantumvis *δραστικώτατα*, nisi quæ humori innato respondent.

Plura alia sunt secretionis phænomena non satis explicata, quale est, unius secretionis suppressio, ex alterius profluvio orta. Si sanguis ubique homogeneous fit, si etiam unicuique humori sua propria destinetur glandula; quæ per aliam glandulam secreta est, humoris copia, ab alia non subducitur: sed potius, quo profusior est unius alicujus humoris effluxus, eo majorem proportionem ad sanguinem reliquorum singuli obtinebunt; adeoque eo major erit omnium secretio. At



quæ priori phænomeno effulgebat lux, in hoc etiam suos protendit radios. Cum enim ex paucis particulis diversimode conjunctis omnes oriuntur humores; quo magis proclives sunt ad unum aliquod combinationis genus subeundum particulæ, eo minus alias combinationes ambiunt. Adeoque humoris cujusvis profluvium omnium humorum, ex similibus particulis constantium, derivationem imminuit. Ea vero secretio, quæ adauctæ secretionis naturam proxime accedit, reliquarum omnium maxime deficit.

Si diversi humores à sanguine elicti non prædicto modo formentur, sanguis non minus quam ex triginta variis, & puris humoribus erit conflatus; tot enim ab eo perpetuo separantur. Sanguinem vero tot simplicibus humoribus componi, quot glandulæ quotidie fecerunt, illi simplicitati non satis convenit, qua natura, in omnibus suis operibus uti solet. Quanta varietas, & quam immensa fere multitudo est corporum naturalium? insatiabilem hanc varietatem ex quinque tantum principiis inter se varie compositis & commutatis exoriri voluerunt plerique Philosophi. Pauci lucis radii, diversæ refrangibilitatis, simul commixti album colorem efficiunt: si autem varie componantur, magnam colorum varietatem exhibent. An vero minus aut artis, aut consilii in miro hoc hominis ædificio adhibuit natura, cujus singulæ partes Architecti sapientiam simul indicant, & spectantium admirationem excitant? Varii certe humores, ex diversa compositione, & varia paucarum particularum mixtura oriuntur; hoc optime usitatis naturæ operibus congruit, quæ nunquam id per plura agit, quæ fieri potest per pauciora. Neque certe hoc inani conjectura innititur; enimvero nihil dubii est,



est, naturam in nonnullis humoribus formandis hac compositionis via uti: nec alia ulla est Theoria, quæ secretionis modum rite potest exponere, & varia ejus phænomena explicare. Si enim diversi humores è varia paucarum particularum compositione orti sint, quid naturam medicamentorum cathartorum melius potest patefacere, quam iis vim quandam nonnullas sanguinis particulas ad se invicem attrahentem tribuere, quo majori copia humor formaretur? Neque vero hæc nostra hypothesis aut affectati aliquid, aut abstrusi habet; nam multa Chymicorum Experimenta hanc vim in omnibus materiæ particulis insitam esse abundè demonstrant. Quod si remedia hac vi potiantur; humoresque ita, ut nos exposuimus, componantur; Medicamenta cathartica secundum methodum supra positam necessario operantur. Et quæcunque Theoriæ eorum naturam aliter explicant, nullis, ni fallor, argumentis stabiliri possunt, sed in fabularum numero jure recensendæ sunt.

Unde ea Dispositio proveniat, ut sanguis in quibusdam hominibus ad certos quosdam humores generandos, quam in aliis aptior sit, mihi non magis perspectum est, quam qua ratione commune è terra nutrimentum attractum menthæ radix in succum sui generis, & sibi proprium convertit. At, ex diversa hac sanguinis seu propensione, seu indole, diversa oriuntur hominum temperamenta. Temperamentum enim constituit non solum uberius alicujus humoris secretio, sed certa etiam omnium humorum, cum quoad quantitatem, tum quoad qualitatem, inter se ratio: quinetiam & fortasse huic rationi respondet quædam partium solidarum habitudo, ac dispositio; unde numero infinita fere exoriri possunt temperamenta. Communis animantium natura tot recipit



temperamenta, quot sunt viventium genera; & singulis fortasse speciei individuis, ut vultus proprii, sic propria dantur temperamenta; quorum quædam adeo parum inter se differre comperiuntur, ut exiguo quovis momento in se invicem mutantur; quædam etiam toto cælo differentia in mutuas commutationes nullis naturæ viribus cogi possunt. Cumque fere infinitæ sunt humorum combinationes, non mirum, si interdum quædam occurrant temperamenta, ab omni alio longe discrepantia, quæ idcirco *Idiosyncrasie* vocantur. Hinc est, quod inter alimenta, id quod uni optime convenit, aliis nocet; hinc spes nostras fallunt, non solum quæ à Scriptoribus fidelissimis accepimus remedia, sed etiam quæ nos ipsi quondam summo cum successu experti sumus. Hinc idem morbus diversas induit formas, diversa occurrit symptomatum caterva, nec unquam fere bis ex omni parte similem cernere est morbum. Ex hoc fonte revera oritur quicquid est in Medicina incerti & obscuri, non nisi accuratissimis, fidelissimis, ac sagacissimis observationibus, ac morborum historiis tollendi. Non enim sufficit morbi nomen, ac remedium paucis indicasse; sed multiplex morbi causa indaganda est, ægrotantis natura quamplurimis indicibus notanda, & singula, eo quo oriuntur, ac evanescent, ordine symptomata, utut levissima videantur, enumeranda. Indicationes curativæ è symptomatum natura petendæ, varii denique remediorum successus, morbi progressus, ac eventus explicandi sunt. Hæc qui bona fide fecerit, non solum ipse post mortem celebrabitur, verum etiam posteros ab immatura morte eripiet.

Non unicum ac immutabile perfectæ sanitatis temperamentum omnibus corporibus tribuit Sapientissimus Animalium Opifex. Sicut enim ad horologium rite



conficiendum, nulla certa est ac invariabilis partium ratio; sed similes partes varia ratione conjungi possunt, eodem prorsus eveniente tandem effectu; ita multa sunt temperamenta ad summam sanitatem efficacia. Singulis animalium speciebus quanquam temperamento diversis, sua competit sanitas, dissimiliumque temperamentorum individuus æque amica esse possit. Diversa oris lineamenta multis modis disponi possunt, ut exacta partium symmetria, & pulcherrima totius forma proveniat, pluribus autem, ut facies dicatur tantum non mala, longeque plurimis, informem vulgi vultum depingentibus. Haud secus multæ sunt humorum combinationes, perfectæ sanitatis generatrices, & longe plures varios salubritatis gradus producant: Infinitis etiam modis humores conjungi possunt, nullum fere sanitatis gradum admittentibus.

Sicut unico temperamento non includitur, sed per plura diffusa gaudet sanitas, ita nec uni alicujus temperamenti puncto inhæret; sed quandam latitudinem ultra citraque habet, quæ in quibusdam hominibus magis protenditur, quam in aliis. Nam cum à tot rebus circumdamur, quæ corpora nostra mutare valent, imo quæ omni prope hora revera mutant, si uni puncto insisteret sanitas, nullo fere momento valeremus, sed huc illuc à sanitatis statu levis quælibet causa nos depelleret, at ut res nunc se habet, à medio sanitatis puncto, sine ulla noxa, deflectit temperamentum, quique maxima temperamenti latitudine gaudet, is minime morbis patet.

Est corpus animatum machina, cujus motus omnes, variaque partium officia à succis, quos in suo circuitu sanguis per propria emissaria exigit, oriuntur, peraguntur,



tur, ac reguntur. Sine his nulla est alimentorum concoctio, nec concoctorum ad sanguinem deductio, nullum à corde sanguis impetum recipit, nec acceptum cordi refert. Nulla auræ vitalis inspiratio, nec inspiratæ redditio, nulla in sensuum organis perceptio, nec in membris motio, aut agilitas. Ipsa denique vita, omnisque animantium virtus & facultas his debetur, & ab his fluit. Cum igitur corpori animali vitam & sanitatem tribuunt, quæ à sanguine recte excernuntur, fluida; quidni etiam morbos & dira eorum symptomata depravata humorum secretio illi inferre possit. Si omnes secretiones cum qualitate, tum quantitate aptæ & idoneæ sint ad usus, ad quos à natura destinantur, quâ fieri potest, ut non recte valeat corpus? At si naturæ modos exsuperat aliqua secretio, quas excitat molestias, & cruciatus, quantum inducit non solum virium, sed etiam animæ languorem, hi misere sentiunt, qui *Epiphora*, *Diarrhæa*, *Diabete*, aut nimio sudore laborant. Nec minus subesse periculi, deficiente secretionem, *Icterus*, *Urinæ*, & *Catameniorum* suppressio docent. Mutatas etiam succorum qualitates non minora sequuntur mala, qualia sunt *Dolor Colicus*, *Ardor Urinæ*, *Ulcera Intestinorum*, *Renum*, & *Vesicæ*, ipsiusque oris à vi salivæ corrosiva. Si tantas movent turbas humores, quos natura extra corpus amandandos voluit, quantum sæviunt illi, quibus munera vitæ deferuntur; Certe diris horum effectibus graviter plectuntur, qui luctuosam vitam *Paralysi*, *Epilepsia*, aut *Asthmate* comitatam ducunt.

Sed quo utilitas nostræ de *Secretione* doctrinæ magis elucescat, liceat ignotæ *Diabetis* naturæ lucem hinc asfundere, ejusque symptomata ex suis causis deducere, quo verior medendi methodus indicetur. Quæ *Diabetem*  
præ-



præcedunt symptomata, sunt leviusculi dolores vagi, tendinumque subsultus; quos brevi insequitur urinæ, instar mellis sapore dulcis, tactu glutinosæ, & colore pallidæ, larga profusio. Hanc comitantur sitis, pulsus celer, spirituum languor, & summa corporis debilitas: quæ omnia à profluvii modo & incrementa & decrementa accipiunt. Evidens hujus morbi causa est interdum nimia & quotidiana liquoris generosi potatio, atque quo propius ad spirituum naturam accedit potus, eo citius, eoque gravius malum infert. Quamquam ex evidente hac causa non omnis oriatur *Diabetes*, ratio tamen ejus formalis penitius ac certius innotescet, si quos in corpore causa evidens effectus edat, perpendamus.

Ex habituali liquoris spirituosæ potatione, temporis processu evenit, ut quod ex fluido aquoso constare debet sanguinis serum, ex spirituofo maxime constet. Jam sanguinis, & urinæ sales in spiritu vinoso non liquescunt, id est, particulæ ex quibus hujusmodi sales componuntur, sese invicem fortius, quam talis fluidi particulas attrahunt, ut experientia docet: Quotidie igitur augebitur salium retentorum copia, qui vasa capillaria ubique confertim perfluentes, & eorum fibras aculeis suis pungentes, & vellicantes, dolores leviusculos, & tremulos partium carnearum, tendinumque subsultus excitabunt. At ubi his salibus sanguinis serum, globulis sanguineis circumfusum, saturatur, sales ad globulorum contactus proxime accedentes, eos undequaque trahunt, in partes divellunt, sanguinisque compagem dissolvunt. Hos genuinos esse salium effectus, nos certiores iterum experientia facit; nihil enim sanguinem in poculo acceptum liquidiores conservat, &



à coagulo magis immunem , quam spiritus , & sal urinosus. Pars sanguinis rubra in fero liquata , & per renum glandulas amandata , non aliter urinæ dulcedinem conciliat , quam *Lithargyrus* , aut *Corallium* aceto , cum salibus nempe coalescendo , eorumque figuras , ac proprietates immutando.

Qua ratione nimia aliqua evacuatio secretiones cæteras imminuit , hætenus exposuimus ; adeoque ex copioso urinæ profluvio , cum salivam , tum fluidum per nervos derivatum deficere oportet ; idcirco *Diabete* laborantes , pro urinæ excretæ ratione , sitiunt , languescunt , & viribus prosternuntur.

Ex hac sanguinis diathesi liquido constat , salium , coagulique sanguinei disjunctionem indicari ; quod nullo modo citius , aut certius fieri posse videtur , quam larga aquæ potatione. Atque ex omnibus aquis , ea cæteris præcellit , quæ lapide calcario tingitur , cujus vis in salibus urinosi attrahendis ex Chymia constat. Hujusmodi aqua illa fontis Bristolienfis videtur esse ; singularem cujus in hoc morbo subigendo virtutem sæpius experto , id mihi in primis curæ est , ut tanta potus quantitas quotidie hauriatur , quanta urina excernitur. Quo fit , ut salibus sat sit aquæ dissolvendis , ut vasa sanguinea , quorum depletio omnibus vitæ functionibus finem brevi imponeret , plena servantur ; ut succi sanguinei alias sinceri effluxuri , larga aquæ copia diluti effluant. Atque hac ratione quendam sex urinæ congios uno die reddentem è mortis faucibus eripui.

Multa alia sunt morborum symptomata , quibus faciem præfert hæc nostra Theoria : sed his immorari non hujus est loci. Verum ut , quam longe lateque lucem suam diffundit , omnibus conspicuum sit , lubet pauca quæ



quædam, eaque obvia adnotare. *Rheumaticorum* sanguis e vena emissus continuo fere, ac in poculo recipitur, & priusquam refrixerit, in duas partes discedere observatur. Suprema est albida, glutinosa, naturali multo tenacior, & levissima: Inferior est rubra, ponderosior, & naturali paulo minus cohærens. Hæc certe ab illa, præ majori gravitate, tam cito facessit, nec vi attractrice, ut in sani hominis sanguine fit, una ab altera exprimitur. Utraque serum, sed parcius quam sanguis non vitiatum, emittit; quippe pars superior nimis viscida feri eruptionem inhibet, inferior vero vi attractrice debilitata, eum satis fortiter extrudere nequit. Est frigus susceptum plerumque evidens hujus in sanguine mutationis causa, quo non constringuntur corporis, pori, uti vulgo docetur, sed pars æris frigorifica poros subeundo non aliter sanguini coagulum inducit, quam gelu coit aqua. Cumque in artubus maxime languescit motus sanguinis intestinus, in his tenacius inter se ipsius particulae coalescent, unde vasa capillaria occludendo tumores, ac dolores atrocissimos parient. Imminutus sanguinis motus articulos, præ cæteris partibus, creta-ceis tophis obnoxios reddit; nam quanquam per pleraque abdominis viscera longe tardissime fluit sanguis, multo tamen major his partibus inest calor, qui, materiae peccantis attractionibus occurrendo, hujusmodi concretiones impedit. At si, vita temulentis & desidiis acta, calor innatus extinguatur, aut diuturniore morbo, aut ingravescente ætate languescat, tum his malis opportuna facta viscera, à *Cardiacis* calefacientibus opem, si modo opitulari possint, desiderant. Hæc etiam particularum in urina attractione generantur arenulae, & *Calculi*; cumque calculi nucleum urina in vesica circum-



fluit, nisi qua vesicæ immediate incumbit, particulas ad omnem suæ superficiei partem æqualiter trahit; atque hinc ex lamellis *parallelis* calculum in *Vesicâ*, secus ac in renibus, ubi urina percolata defluit, conflatum esse observamus. Arenularum igitur, ac calculorum concretiones intercidit libera, ac copiosa potatio, particulas, alias coituras, longius à se invicem removendo. Istiusmodi vero potus ingerendus est, qui particulas ad coalescendum minus aptas habet, quales *Dietetices* peritos non latent.

Ut plurimum morborum symptomatis satisfacit *Attractionis* Principium, sic idem & medicamentorum operationibus facem præstendit. Exempli gratia, ea quæ sanguinem crassum reddunt pharmaca, ex particulis minimis, & summe attractivis constare videntur, quæ mutuas globulorum sanguineorum attractiones sua conjunctione adaugent, & ut firmitus cohærescant, faciunt. At si eas vires medicamen habet, quibus sero sanguinis potius se adjungit, ejusque particulis attractionem, mutuam illam inter globulos superantem, parat, ea globulos à se invicem recedere, & sese per serum diffundere cogit. Ex sale summe attractivo ortum procul dubio ducit *Gonorrhæa*. Hic sal à genitalium humoribus, ut *Sal communis*, & *Vitriolum*, à *Mercurio* in *Sublimati Corrosivi* præparatione, attractus, valde corrosivus evadit, vasa exedit, & ulcera sanie manantia producit; utque vim corrosivam *Sublimato* demit *Mercurius*, ultra certam rationem adjectus: sic *Mercurius* etiam sanguine commixtus, acidos *Luis venereæ* sales trahit, amplexibus tenet, & una secum per glandulas oris, in estinorum, aliasque educit. Hac, qua sales appetit, virtute, etiam doloribus vagis, & *Rheumaticis*  
fixis



fixis opitulatur *Mercurius* ; horum enim sanguis multo sale scatere oportet, cum, quam fundunt *Rheumatismo* laborantes, urinæ vix quidquam salis inesse reperitur.

Quod multiformia naturæ opera recludit, simplex principium, quod in obscurum rerum sinum lucem infundit, resque dissimiles simili operatione productas ostendit, quod universi symmetriam tam luculenter exponit, ut facile sit animo cernere consentientem & continuatam rerum cognationem divino ejus consilio excogitatam esse, cujus manu omnipotente cuncta fabricata sunt; id nemini fictitium, aut ingenii commentum videri potest.

Hinc petitur ratio, cur arteriarum ramuli sectionum transversarum summam transversa aortæ sectione majorem habeant. Nisi enim ita fictæ fuissent arteriæ, nulla in faciliorem articulorum motum mucilago percolata esset. Hinc constat ratio, non solum formæ, quam singula vasa habent, sed etiam structuræ, ac situs *Pulmonis*, *Lienis*, *Hepatis*, ac glandularum omnium. Hinc sanguinis, omniumque quos emittit, humorum natura indaganda est. Hinc, ni fallor, œconomix Animalis, ejusque & perturbationum, & remediorum notitia certior, ac fusior deducenda est. Vis attractrix egregium illud principium est, quo omnes, in hoc nostro planeta, alioquin inertes, materiæ particulæ in motum incitantur; quo planetæ ipsi omnes, quanquam impetu diverso, circa solem suum feruntur. Et sicut singuli planetæ in orbitis suis retinentur, motu eorum impresso cum vi solis attractrice librato; sic singuli humores per glandulas suas ad datas à corde distantias percolantur, cum sanguinis velocitas particularum humores constituentium attractioni accommodatur.



Sed ab instituto paululum deflexus, ad alteram suscepti operis partem redeo; *Quæ modum, quo humores, arte prædicta, compositos, à sanguine secernunt Glandulæ*, docere, & explicare promittit. Cum à glandularum figura, ac structura, humorum percolatio omnino pendeat, has imprimis explicare oportet. Ab ostensa veritate, non minus discutiuntur opinionum errores, quam ab oriente sole tenebræ. Si igitur veram glandularum structuram demonstratam dabimus, fermentorum doctrinam, & hypothesein tuborum, orificiorum figuris discrepantium, jamdudum, ac sæpius refutatas, iterum refellere supervacaneum ducemus.

Quod glandulas convolutarum arteriarum congeries esse novimus, summæ eximiorum Anatomicorum *Malpighii, Nuckii, & Bellinii* industriæ acceptum grate agnoscit præsens ævum, agnoscetque futurum. Et profecto omnia corporis animati vasa, quæ liquoribus perpetuo perfluuntur, vel cylindrica, vel conica esse, ex natura fluidorum perspicue constat; ea enim est fluidorum natura, ut se undequaque æqua vi diffundant; unde ad æquales vasis continentis altitudines, eorum latera æqualiter premuntur; si igitur ea sint flexilia, & cuivis impetui facile cedentia, (qualia sunt omnia Fœtuum vasa) necesse est, ut sectio vasis ad axem perpendicularis sit circularis, adeoque ut vas vel cylindricum, vel conicum sit, vel saltem ejus generis quod sectionem ad axem perpendicularem figuræ circularis habeat. Dixi ea tantum vasa cylindrica, aut conica esse, quæ perennes latices fundunt; quippe qui prius formati, & firmitudinem quandam adepti sint canales, quam rivulis ullis scateant; vel qui tantum pro re nata liquoribus distenduntur, quales sunt vasa Testi-

CU-



tulorum deferentia, illi quamcunque aliam formam induere possunt. Dixi etiam, si vasa nec formæ sint cylindricæ, nec conicæ, erunt saltem ejusmodi figuræ quæ sectionem transversam circularem habeat. Nam talia sunt vasa lymphatica, ut certis quibusdam intervallis, ac valvulis coarctentur.

Figura igitur orificii omnium vasorum erit circularis, nec aliter inter se different glandularum orificia, quam magnitudine. Ex igitur omnes sanguinis particulæ, quæ diametros orificii diametro minores habent, glandulam illam intrabunt. Sique ulla glandula diametri majoris sit, quam maximæ sanguinis particulæ, per eam non liquor à sanguine diversus, sed ipse sanguis effluet. Si nulla talis sit glandula, omnes à sanguine secreti humores erunt ipso sanguine tenuiores. Hisce incommodis, quibus circularium orificiorum glandulæ patent, ad hunc modum obviam itur:

Supponamus *AB* portionem esse arteriæ evanescentis; si à sanguine illam percurrente derivandus sit liquor ex minimis particulis constans, à latere arteriæ oriatur glandula, aut tubus *CK*, cujus orificium *C* adeo angustum sit, ut tantum minimas particulas admittat, una cum latice seroso; in hoc casu nihil obstat, quo minus hujusmodi liquor à reliquo sanguine secernatur, & ad orificium *K*, quod vas excretorium ponitur, transeat.

Vid. TAB.  
2. Fig. 3.

Si laticis serosi cum particulis minimis transeuntis copia minuenda est, ut cum his, data tantum ratione, admixtus reperiatur, emittat tubus *CK* canaliculos alios *D, E, F, G*, adeo exiles, ut tantum latici serosi transitum præbeant. Patet, dum liquor ab uno tubi extremo *C* ad alterum *K* progreditur, laticem serosum intrare canaliculos *D, E, F, G*, liquoremque ad exitum *K*

per-



perventurum fore, cum tanta serosi laticis copia; quanta requiretur; eritque hujus liquoris subductio canaliculorum numero, vel Tubi *CK* longitudini semper proportionalis. Adeoque glandulæ cujusque longitudini respondebit fluidi serosi, cum humore excreto commixti, quantitas; seu, quod eodem fere redit, quo major est glandula excernens, eo crassior est liquor excretus.

Si particulas mole modicas educere requiratur, his patens majores omnes excludat orificium *C*, minores subeuntes absorbeant canaliculi, *D, E, F, G*, & liquor requisitus è vase excretorio *K* sincerus effluet.

Si crassissimæ sanguinis particulæ secernendæ sint, ut liquor ipso sanguine crassior è vase excretorio exeat; nullas sanguineas particulas non admittat orificium *C*, minores vero omnes per canaliculos *D, E, F, G* retineantur, quibus excipiendis numero & magnitudine pares supponantur: patet liquorem sanguine crassiorem ex orificio *K* discessurum fore.

Hinc manifestum est quolibet particulas, vel sincere, vel mixtas, in data qualibet ratione, percolari posse, artificio simplicissimo. Est enim tubus *CK* arteria, aut recta, aut spiralis, aut aliter convoluta, & conglomerata; suntque *D, E, F, G*, ejus ramuli, quorum si qui adeo exiles existant, ut lymphæ tantum pateant, hi Lymphæductus fiunt; unde fit, quod tantus eorum numerus à glandulis, crassiores humores percolantibus, quales sunt, jecur, & testiculi, ortum ducere reperiantur.



## TENTAMEN QUINTUM.

*De Motu Musculari.*

**M**Usculus est carnearum fibrarum fasciculus, tenui membrana involutus: fibræ in plures tenues lamellas disponuntur, quæque sunt ejusdem lamellæ, seu plani, sunt omnes sibi invicem parallelæ, & transversis fibrillis, parvulis inter se intervallis, constrictæ. Unaquæque fibra ex aliis minoribus communi membrana inclusis constat; Fibræ hæ minores ex vesiculis formari videntur, in quarum cava succos suos infundunt, tam nervi, quam arteriæ, per totum musculum undique distributæ. Musculorum est officium corporis partes movere, qui itaque sua contractione artubus movendis destinantur; Fibras utrinque ossibus insertas habent, quorum alterum est mobile, alterum fixum, unde contrahentibus se musculis, os mobile ad fixum, secundum carnosarum fibrarum directionem adducitur. Dum musculus secundum longitudinem contrahitur, seu dum fibræ carneæ breviores fiunt, tota compages fit crassior, seu musculus intumescit; id tactu facile percipietur, si dum dentes constringimus, musculum inferioris maxillæ, masseterem, manu comprimamus. Hac contractionis facultate cum deprivantur muscoli, incisivi, aut ligatis, qui illos fluidis suis irrigant, nervis, & arteriis, rite inferre videmur, liquoribus per hæc vasa injectis fibrarum vesiculas distendi; musculum intumescere, seu crassiorem, & breviorē fieri. Hæc certa sunt.



& indubitata ; modus vero , quo sanguis , & spiritus animales vesicularum inflationem , seu distentionem efficiunt , non est adeo certus : quem tamen si ratiocinio investigare possimus , videamus.

Vesiculas inflari necesse est , vel spirituum animalium , sanguinisque quantitate uberius ad animæ arbitrium influente , vel utriusque fluidi in vesicularum cavis commixti rarefactione. Fibrarum vesiculas non mera sanguinis , spirituumque mole distendi , cuiquam minime attendenti patebit. Si enim vesiculæ ob fluidorum solum , quam recipiunt , quantitatem dilatentur , uno tantum fluido opus esset ; nec natura (cujus opera tam brevissima , quam simplicissima methodo perficiuntur) duabus necessariis causis in eo producendo uteretur , quod per unam posset efficere. Jam quantillum fluidi nervosi in musculos instilletur , id ad fibras contrahendas (si quantitas unice desideraretur) vesicularum diametros imminuendo , sufficeret , ut in sequentibus fusius explicabitur ; adeoque , non præ materiæ inopia , ut spiritibus auxilio sit , immittitur sanguis , quod etiam (si spiritus deficerent) neutiquam præstare potuit. Si enim quantitas sanguinis , quæ in vesiculis continetur , major sit , cum intendantur muscoli , quam ubi remittantur , incrementum hoc aut fit propter sanguinis cursum in vena remoratum , aut quod motu incitato sanguis in fibrarum cavitates defluit. Si sanguinis circuitus in vena intercludatur , hoc velex tunicarum ejus contractione , vel ab externo quodam pondere eas opprimente , accidit. Si fit ex fibrarum contractione venæ tunicas componentium , idem adhuc nodus dissolvendus est , eadem restat difficultas exponenda. Quodcunque enim sit , quod venæ fibras contrahit , idem etiam muscu-



musculi fibras potest contrahere. Si sanguinis cursus à quodam pondere venas extrinsecus premente in vena obstruatur, hoc ex arteriæ, sive ex muscularium fibrarum tumore oritur. Arteria autem intumescente, venamque deprimente, sanguis illico penitus in posterum intercluditur. Perpetuo enim crescat necesse est illa pressura, sanguine in arteria adhuc accumulato, omnemque per venam iter cursumque præcludat. Si sanguis motu subito incitato vesiculas distendat, à vi cordis, unde quasi summo è fonte sanguinis omnes cursus manant, hæc nova oritur velocitas. Si vero cor majorem sanguini impetum impertiat, totius corporis sanguinem æque accelerabit, unusquisque musculus cum adversario suo æqualiter contrahetur, unde neuter contrahetur. Cum itaque & sanguis, & nervorum fluidum ad musculos contrahendos necessario requiruntur, cumque huic contractioni copia minime inserviant, sequitur, ut ebullitione, & rarefactione vesiculas inflent, & distendant.

Ut in fibrarum muscularium vesiculis, sanguinis, spirituumque rarefactio melius pateat, & fusius explicetur, parvulum aëris globulum fluidi cujuslibet particulis inclusum esse ponamus; harumque particularum vim, quâ convenire, & ad se mutuo accedere conantur, magnam esse, & potentem. Aëris itaque globulus, ex omni parte inclusus, & coarctatus, nullo modo potest evadere. Cum vero particularum vis attractrix, multo major sit, quam quæ iis inest vis gravitatis, aëris globulus hac ratione non leviter erit condensatus; cum etiam vis aëris elastica condensationi semper sit proportionalis, vis qua se dilatare, & effugere conatur hic globulus, non parva erit, aut mediocris: Un-



de , si coëundi nifus , aut in particulis pereat , aut casu aliquo ab iis sejungatur , inclusus aër magna vi se illico restituet , & dilatabit. Quod si novo admixto fluido , primi fluidi particulæ cum novis particulis , quam cum suis conjungi malunt , peribit illico nifus ille quo Particulæ mutuo nuper attrahebantur ; globuloque aëris incluso se expandendi dabitur potestas ; totumque fluidum majus spatium occupabit. Unitis vero fluidi utriusque particulis , in pristino carcere conclusus erit interjectus globulus , & mutua particularum vi in veterem condensationis statum reduce-  
tur.

Plurimos aëris globulos sanguine inclusos esse , è quantitate quam præbet sanguis in machina pneumatica , satis constat ; sanguinis autem particulas se invicem magna vi attrahere , in supra de Secretione dictis demonstratur. Hac particularum attractione sanguinis formantur globuli ; sanguinisque cursum microscopio , animi oblectandi causa , lustranti , non semel observare contigit , globulum sanguineum in vasorum angustis compressum , sphæroideam figuram induisse , ex iis autem evasum , & in sinum ampliorem dilatatum , insita elasticitate in priorem sphæræ formam restitutum fuisse. Has formæ mutationes aëreo globulo , tenui sanguinis membrana vestito , deberi mihi perquam verisimile videtur. His sanguinis globulis , cursum suum per fibrarum vesiculas semper perficientibus , (quæ quidem vesiculæ angustiores forsan sunt , quam ut duos globulos eodem tempore recipiant) occurrunt animales spiritus à nervis distillantes. Quos quidem spiritus fluidum esse , ex minutissimis sanguinis particulis conflatum , ab exiguis cerebri glandulis , ex-  
li-



libusque nervorum fibris fatis constat. Spirituum ita animalium vis attractrix, longe aliarum sanguinis particularum vi erit superior; quod etiam calculationes circa lucis radios ab *I. Newtono* initæ, explicant simul, & demonstrant. Spirituum igitur animalium gutta, è nervis cadens, & globulos sanguineos in fibrarum carnearum cavis circumfusa, bullam sanguineam ab aëre incluso distrahit, aërique liberam sese expandendi facultatem largitur; qua expansione singulæ intumescunt fibræ, totusque musculus crassescens abbreviatur. At ex commixto spirituum sanguinisque fluido constans bulla aërem rursus includit & amplexu arctiori premit, unde detumescunt fibrarum vesiculæ, musculusque pristinae longitudini restituitur, non nisi novis fluidorum copiis denuo contrahendus. At cum musculus diu multumque fuerit contractus, plus consumitur spirituum, quam eo tempore à glandulis nervi succum suppeditantibus possit fecerni: Unde subsidit vesicularum tumor, & musculus debilitatur, ac fatiscit. Musculorum vero tonicus motus, à spiritibus naturaliter secretis continuatus, nec cessat unquam, nec debilitatus languescit.

Hac ratione Musculos sine ulla effervescentia intumescere, sine ulla globulorum aëreorum præcipitatione, aut per musculorum poros avolatione detumescere, concipimus. Hac etiam, quæ in materiæ particulis inest, vi attractrice, facile & apte, ni fallor, exponi possunt pleraque Phænomena, in quibus explicandis particulas subtiles, agiles, summeque mobiles, & quaquaversum pro arbitrio cursitantes, adhibere solent Philosophi, qui materiam & motum impressum solummodo pro principiis agnoscunt; in qua re, contra proprias opiniones turpissime peccant.



Etsi multa naturæ phænomena luculenter ostendant, revera dari particulas vi insita activas, eas tamen hi Philosophi, prout assumptis suis principiis parum congruentes rejiciunt: Sic, Horatio absimiles, res sibi, non se rebus subjungere conantur: Quas tamen nullibi esse affirmant, iis ipsis, in phænomenis explicandis, uti non dubitaverunt; sic nolunt, volunt; negant, affirmant; ponunt, tollunt; & quasi arte quadam circulatoria rebus caliginem adeo offundant, ut quid videant, quid non videant, nec sibi, nec aliis constet. Hinc, in motus muscularis expositionibus, globulos sanguineos à minutis acutisque spirituum animalium spiculis, tanquam armis, hinc atque illinc incidi, confodi, & perforari docent, ut inclusa aura elastica in libertatem evadat, quod ne tunc quidem evenire possit, nisi particulas etiam fluidas, ligni ad instar, terebrari, & , sicut olim Rubri Maris undas, coacervari posse credamus. Cumque claustra sua perfregerit aër, per musculos & cutem ad apertum aërem sibi via aperienda est, ut musculis denuo se relaxandi facultas concedatur; unde vero tanta aëri expansio vis accederet, qui nuper condensatus ad tenuem sanguinis testam penetrandam & potestate, & subtilitate carebat, Philosophorum nemo potest ostendere.

De his satis; nunc intima fibrarum structura ad leges mechanicas exigenda est, ut qua arte, ac summa qua calliditate ad musculos contrahendos exiguæ vesicularum cavitates accommodatæ sunt, videamus. Experimentum est satis notum, vesicam, spiritus inflatu, capacitate auctam, longitudine diminutam, pondus à terra aliquantulum elevare posse. Quod si binæ vesicæ brevi fistula interposita commissæ inflentur: pondus duplo altius, quam ab una tantum elevaretur; æqualis enim



enim in utraque supponitur contractio, adeoque utriusque contractio erit unius dupla. Tres in linea recta junctæ vesicæ, & inflatæ pondus triplo altius à terra tollent, & quatuor quadruplo: Quod si ex commissis vesiculis figura similibus, magnitudine paribus, chorda componi intelligatur, erit ponderis elevatio vesicularum numero, seu chordæ longitudini proportionalis.

Fibræ musculorum carneæ vesicularum chordæ sunt simillimæ; adeoque musculi contractio fibrarum suarum longitudini semper proportionalis est. Cum vero maxima fibrarum contractio semper minor sit una tertia parte earum longitudinum (ut in sequentibus demonstrabitur) musculi articulis quam proxime necessario inferendi erant, non modo ut membrorum motus agilior esset & celerior, verum etiam ut arcus circa motus centra descripti majores essent. Atque hinc est, quod membra, maximos arcus describentia, à longissimis musculis moventur; manus circa cubitum à *Bicipiti* ducitur, *Biceps* vero à *Scapula* oritur; pes etiam circa genu inflectitur, à musculis ex *Ischio* longe distante orientibus: Si vero hi artus per breves musculos, ad extrema ossium articulatorum utrinque infixos moti fuissent, arcus admodum sui motus terminos habuissent: At ut res nunc comparatur, arcus, à pede & manu nunc descripti, arcus, quos breviores musculi describerent, tantum excedunt, quantum ipsa musculorum longitudo inter se discrepat. Hinc etiam membra, ad breves arcus describendos, brevibus utuntur musculis, quales sunt digitorum *Interossei*, *Quadragemini*, & *Obturatores*, ossa in quibus inferuntur, femurque oblique paululum divellentes. Plerique etiam vertebrarum musculi ab uno processu in proximum feruntur. Quibus expositis, fatis constare videtur, &  
ori-



originationes, & muscutorum insertiones, ubique & ad motum, & ad membrorum usum apprime aptas, & accommodatas esse.

Necesse est, ut exiguae admodum sint, quæ fibras conficiunt, vesiculæ: Quanquam enim ad eandem altitudinem pondus elevaret una ampla vesica, ac idem pondus plures parvulæ attollerent, in majore tamen & distentio, & fluidi distendentis copia, multo major est, quam in minoribus. Sint enim duæ vesicæ similis figuræ; unius autem diameter alterius tripla sit, viginti septies plus fluidi elastici ad majorem vesicam, quam ad minorem replendam requiritur, & illa spatium septies & viginti majus quam hæc repleta occupabit: At minorum vesicularum tres, ut æquale pondus ad parem altitudinem elevent, novies minus, & fluidi postulant, & spatii occupant. Vesicularum itaque magnitudinem imminuendo, numerum vero augendo, & minori vi extenduntur vesiculæ, & ipsarum distentio in data proportionem ita extenuari potest, ut tandem insensibilis evadat. Si datæ magnitudinis vesica spatium unius pedis pondus tollat, centum vesicæ inflatæ, quarum singulæ diametri sunt istius pars centesima, pondus ad eandem distantiam attollent, at decem millies minore vi inflantur, & decem millies minus intumescunt.

Si ad datam altitudinem, datæ magnitudinis pondus ab una vesica, aut vesicularum chorda, possit attolli; à duabus vesicis, vel vesicularum chordis, duplum pondus; & à tribus, triplum ad eandem altitudinem elevandum est. Pondus itaque, quod musculus potest attollere, minus, aut majus erit, prout fibrarum numerus major aut minor est, hoc est, crassitu-



dini muscoli, si modo æqualiter distendantur vesiculæ, semper erit proportionale. Musculi vero vis absoluta est ad alterius muscoli vim absolutam, sicut utriusque ad se invicem magnitudo.

Hic animadvertat lector quod muscoli, siue vim, siue contractionem definientes, tendinum considerationem prorsus negleximus; eos enim nunquam inflariprehendimus, nec ullis ullibi donantur muscoli, nisi ubi ad fibras carneas inferendas non satis loci erat, aut ubi muscoli contractio à certo aliquo termino erat incipienda.

Quæ & quanta elastici fluidi vis ad vesiculas ita distendendas sufficit, ut datum pondus ad datam altitudinem attollant, restat adhuc à nobis proxime inquirendum. Quod quidem efficere non licet, donec figuram, quam vesicula omnis vi fluidi elastici distenta assumet, invenimus. Omnem igitur vesiculam ex infinito filorum numero componi supponamus, quorum extrema à transversis ligamentis religantur. Adeoque si distenta vesica per axem plano secaretur, sectionis curva similis filo est utrinque fixo, & a fluido elastico compresso. Quoniam vero fluida elastica se quoquo explicare nituntur, & fluida omne impedimentum perpendiculariter solent premere, patet filum, æqualiter ubique, & perpendiculariter depressum, arcus circularis figuram induere. Hinc sequitur, quod tota vesiculæ sectio duobus similibus & æqualibus arcibus constat, quorum subtenfa communis vesiculæ axis est.

Sint  $AEB$  &  $ADB$  duo Arcus circulares,  $C$  centrum Arcus  $AEB$ ;  $AG$  vero &  $BF$  sint Tangentes in punctis,  $A$ , &  $B$ ;  $Z$  vero pondus elevandum. Angulus  $CAG$ , siue  $CAE$ , æqualis est Recto  $= CAR$   
○ †  $ACR$ ;

Vid. TAB.  
2. Fig. 4.



†  $ACR$ ; Angulus igitur  $ACR = GAR$ , five  $EAR = EBR = DBR$ ; Arcus itaque  $EA$ , five  $EB$ , Anguli  $EAR$  five  $EBR$  mensura est; & spatium quod pondus  $Z$  elevatum percurrit, differentię arcus  $AEB$  & chordę ejus  $ARB$ , five differentię bis sumptę Arcus  $AE$  & sinus ejus  $AR$ , æquale est; quod, datis arcus  $AE$ , vel Anguli  $EAR$ , gradibus, & minutis facillime computari potest. Ut vero hoc obtineamus, determinanda est longitudo radii  $AC$ , in iis partibus, quarum 100000 Arcum  $AE$  componunt. Ad quod efficiendum, hac methodo procedendum est. Gradus Arcus Circularis, cujus longitudo Radio Circuli æqualis est, sunt  $57^{\circ} 295$ ; Gradus itaque Arcus  $AE$  sunt ad  $57^{\circ} 295$ , longitudinem Radii Gradibus datam, ut 100000, partes quibus Arcus  $AE$  constat, ad Radium iisdem partibus expressum, qui itaque facile invenietur. Rursus, ut Arcus Tabularis est ad Sinum Tabularem Arcus  $AE$ , ita Radius  $AC$ , quem invenimus, ad Sinum  $AR$ , qui etiam invenietur. Hoc ab  $AE$  subtrahito, & duplicato residuo, prodibit elevatio resistentię  $Z$ .

Liceat hæc exemplo illustrare: Sit Arcus  $AE$ , vel Angulus  $EBR$ , Angulus 30 Minutis constans; ut tum 30 Minuta, seu Gradus dimidium, hoc est,  $\frac{5}{10}$  ad  $57^{\circ} 295$ , ita 100000, longitudo arcus  $AE$  ad longitudinem Radii  $AC$ , quę, perfecta operatione, erit 11459000. Rursus ut numerus 100000 est ad 872, Sinum 30 minutorum, ita est numerus 11459000 ad  $AR$ , five 99906, quo dempto ex  $AE$ , duplicato autem residuo, remanet 186, elevatio ponderis  $Z$ , in iis partibus, quarum 100000 conficiunt  $AE$ .



Fibræ Tensionem , seu vim , qua pondus  $Z$  Fibram extendit , sic determinamus. Fibræ Tensio , seu potentia , quæ pondus in puncto  $B$  sustinet , eadem est , ac si pondus  $Z$  à duobus filis arcum in puncto  $B$  tangentibus suspenderetur : Tensio autem fili  $BF$  est ad pondus  $Z$  ut Sinus Anguli  $FB R$  seu  $EB R$  est ad Sinum Anguli  $FB H$  , seu  $EB D$  & proinde Tensio fili æqualis erit  $Z$  ducto in Sinum  $EB R$

Sin.  $EB D$

Expansionis vim absolutam , quam postulat fluidum elasticum ad levandum datum pondus ad datam altitudinem  $N$  vocabimus. Pressura in filum erit , ut Expansionis vis in Fluido , una cum parte compressa conjunctim : Si enim fili partes æquales sumantur , Pressuræ quas sustinent , erunt ut Expansionis vis , seu Elasticitas. Si vero Expansionis vis eadem sit , Pressura est , sicut partes quas premit. Hinc universaliter , Pressura est , ut Expansionis vis , & pars pressa simul sumptæ , sive productum , & vis , & portio-  
nis.

Sit  $AB$  filum circulare ,  $Bb$  ejusdem pars quam mi-  
nima ; pressura , quam patitur  $Bb$  , erit  $N \dagger Bb$  , quæ  
ponatur æqualis  $BH$ . Pressura  $BH$  in duas vires resol-  
vi potest , quarum una sicut  $DH$  horizontaliter agit ,  
sive in directum ad  $DH$  ; altera ad  $BD$  verticaliter  
agit , sive ad verticalem directionem  $BD$  ; quoniam  
itaque Triangula  $GBb$  , &  $DBH$  , sunt æquiangula ,  
erit ut  $BG$  ad  $DH$  : ita  $Bb$  ad  $BH$  ; & ut  $Bb$  ad  $N$

✠  $Bb$

Vid. Tab.  
2. Fig. 5.



✠  $Bb$  (*i. e.* ut 1 ad  $N$ ) ita  $Gb$  ad  $BD$ .  $DH$  itaque æqualis est  $NBG$  &  $BD$  æqualis est  $NGb$ . Summa itaque virium horizontalium æqualis erit  $N$  ductæ in omnes  $BG$ , hoc est,  $N \times BF$ : Summa vero virium verticalium æqualis est.  $N$  ductæ in omnes  $Gbi. e.$ , æqualis  $NAF$ . Patet vero fibræ tensionem in punctis  $A$  &  $B$  æqualem esse tensioni duorum filorum in punctis  $A$  &  $B$  (ubi illigari supponuntur) tangentium, quæ ad  $I$  punctum concursione, à totis horizontalibus viribus in directum  $IL$ , a viribus autem verticalibus in directum  $IK$ , attrahuntur. Prius itaque, quam fibræ tensionem accurate determinare aggredimur, tensio filorum, quæ ad punctum  $I$ , à potentia  $NFB$ , secundum directionem  $IL$ , & à potentia  $NFA$  secundum directionem  $IK$  trahuntur, determinanda est.

Vid. TAB.  
2. Fig. 6.

Sit  $IL$  æqualis  $NFB$ , ponatur etiam ipsi  $IL$  perpendicularis  $LN$ , sint etiam  $LN$ , &  $NFA$  æquales. Potentiæ igitur  $IL$ , &  $LN$ , tertiæ potentiæ, scilicet  $IN$ , in directum  $IN$  agenti æquipollebunt. Fila itaque pari, ac eadem vi, à potentia  $IN$  extendentur, ac à duabus potentiis  $IL$  &  $LN$ , simul junctis extenderentur. Sed quoniam  $IL$  ( $NBF$ ) est ad  $LN$  ( $NFA$ ) ut  $BF$  ad  $FA$ , anguli vero ad  $L$ , &  $F$ , (per 66 *El.*) sunt æquales, Triangula  $BFA$ , &  $ILN$  erunt æquiangulara, latus vero  $IN$  æquale  $NBA$ , & angulus  $FAB$ . Angulo  $LN$  æqualis erit, qui etiam (per 29. 1. *Ele.*)  $AIO$  est æqualis. Utrique apponatur  $IAO$ , Rectus igitur  $FAI$  æqualis erit Angulus  $AIO$  &  $IAO$ , qui etiam



etiam (per 32. 1. Ele.)  $AOC$  æquales sunt. Et quoniam Latus  $AI$  lateri  $IB$ ; Angulus vero ad  $A$  angulo ad  $B$  æqualis est; Angulus  $AIO$  Angulo  $BIO$ , & Recta  $AO$  rectæ  $OB$  æqualis est. Linea igitur  $NO$  lineam  $AB$  bifariam, & ad rectos Angulos secans, per centrum necessario transit. Per  $N$  ducatur  $NK$  ipsi  $BI$  parallella,  $AI$  productæ, in puncto  $K$  occurrens. Vires itaque quibus fila extenduntur, erunt ut  $IK$  &  $NK$ ; & omnes Anguli  $KIN$ ,  $AIO$ ,  $FAB$ ,  $BIO$ ,  $INK$ , inter se æquales sunt, alter alteri. Isosceles itaque triangulum est  $KIN$ , & triangulo  $ABC$  æquiangulum. Est etiam  $AB$  ad  $AC$ , ut  $NI$  ad  $IK$ , ut  $NAB$  ad  $NAC$ , Recta igitur  $IK$ , sive  $KN$  æqualis erit  $N + NAC$ , hoc est, potentiæ fila extendentes æquales erunt circuli radio, in  $N$  ducto.

Hinc sequitur, quod fibræ tensio in punctis  $A$ , &  $B$ , & in cæteris etiam partibus, & similis, & æqualis est vi elasticæ in circuli radium ductæ: ostensa autem est

fibræ tensio esse  $\frac{Z + \text{Sin. } EBR}{\text{Sin. } EBD}$ . Si itaque radium  $r$  po-

namus,  $N r$  erit  $= \frac{Z + \text{Sin. } EBD}{\text{Sin. } EBD}$  &  $N$  æqualis

$\frac{Z + \text{Sin. } EBR}{r + \text{Sin. } EBD}$ ,  $r$  vero  $+ \text{Sin. } EBD$  eandem obtinebit

proportionem ad sinum  $EBR$ , quam habet  $Z$  ad  $N$ . Hinc constat fibram  $AEBD$  nulla finita vi elastica ut-  
cunque magna, ad totum circulum posse extendi. Si enim potuerit, cum sinus anguli  $EBD$  sit nihil,  $r$  etiam in sinum  $EBD$  ductus nihilo erit æqualis;  $Z$  itaque erit ad  $N$ , ut aliquid ad nihil, sive ut finitum ad Infinitum, quod absurdum est.

Cum fibra quam maxime contrahitur, hæc contractio



minor semper est, quam 72728 earum partium, quarum arcus  $AE$  est 100000. Si enim fila in completos circulos extenderentur, contractio tantum pars esset  $\frac{72728^{ma}}{100000} AE$ , sed in totos circulos non posse extendi, in præcedenti ostensum est. Fibræ itaque contractio semper minor est, quam pars tertia ejus longitudinis, quod quidem ostendere in supra positis promissimus. Patet etiam quod vis elastica, angulo  $EBR$  parvulo existente, parvam tantum proportionem habet, ad resistantiam. Hujus rei exemplum ponemus.

Cum angulus  $EBR$  fit angulus triginta tantum constans minutis, radius, sive  $r$  in sinum anguli  $EBD$ , sinum scilicet unius gradus, ductus, est ad sinum anguli  $EBR$ , sinum sc. 30 minutorum, ut  $Z$  ad  $N$ ; hoc est  $r$  ductus in 1745 est ad numerum 872, ut  $Z$  ad  $N$ : hoc est,  $Z$  est ad  $N$ , ut numerus 11459000 ductus in 1745, ad 872: ut 19995950000 ad 872, ut 22931141, est ad 1. ac proinde vis elasticæ quantitas, utcunque parva sit, immensam potentiam in musculis efficiet.



MEDICINA  
STATICA  
BRITANNICA.



MEDICINA  
STATICA  
BRITANNICA





V I R O

*AMICISSIMO, SPECTATISSIMOQUE*

JOHANNI FREIND, M.D.

JACOBUS KEILL, S. P. D.



E me negligentia, aut oblivionis nomine suspectum habeas, tandem ad Te mitto, quas promisi, chartulas, tenebris aut luci, Tuo arbitratu, committendas: neque animo sollicitus sum, utrum facias; quis enim id mihi culpæ dabit, consilio quod factum est Tuo? Tu igitur Tuæ dignitati consulendo, meæ etiam existimationi consulueris; si tenebris, quibus, me judice, dignæ sunt, obruas, mihi certe non ingratum feceris, injuriam nemini: Sin in lucem edendas judices, quantulumcunque  
P uti-



utilitatis habeant, atque ego profecto per-  
exiguum habere censeo, iis tamen pretium  
& decus accedet, illo editionem suadente,  
quem omnes & scribendi & docendi Magi-  
strum nostræ Gentis, si non aliarum omnium,  
maximum lubenter agnoscunt. Medici laus  
& ornamentum est, ingenium; ingenii ipsius  
lumen, dicendi vis & copia: Tu naturam  
in tenebrarum gremio latitantem ingenii acie  
perspexisti, perspectam vi rationis in lucem  
eduxisti, & eductam eximia sermonis ele-  
gantia ornasti & illustrasti. Quantis ad Medi-  
cinam faciendam adjumentis Juvenis admo-  
dum instructus accesseris, probe mihi per-  
spectum erat: & qua nunc arte facis, & eru-  
diti omnes, & frequens convalescentium,  
& ad pristinam valetudinem per te restituto-  
rum multitudo experti grate testantur. Te  
in *Oeconomiam Animalem* penitus inspexisse,  
ex iis, quæ in *Emmenologia* differuisti, lucu-  
lenter patet. Tibi naturæ vires & Pharmaco-  
rum potentias, sicuti *Æsculapio* olim, con-  
cessas esse, *Lectiones Tuæ Chymicæ* declarant.  
Quantum vero in geniis morborum discer-  
nendis valeas, elegantes in Medicinæ Pa-  
ren-



rentem *Commentarii*, quos summa cum voluptate legi, perlegique, abunde ostendunt. In his Tu male fundatam artis regulam, de *Alvo*, in feбри *Variolarum* secundaria, non subducendâ, penitus sustulisti, & feliciori praxi è faucibus fati periclitantes eripuisti. In hoc morbi stadio quam bene cedat *purgatio*, & nuperrime admodum, in prænobilis familiæ Juvene communibus utriusque nostrum consiliis ex ipsis lethi angustiis erepto, læti vidimus; & ego, *Variolis* in hoc oppido per biennium jam populariter grassatis, sæpius expertus sum. In quo Medicinæ genere non tantum inesse periculi, quantum vulgo credebatur, casu potius, quam consilio primum odorabar. Nam cum mulieri variolis maxime confluentibus laboranti, die ab eruptione *undecimo*, vice *Opiati*, *Catharticum*, maxima Nutricis incuria, exhibitum fuit, quo septies demisit alvus sedes valde fœtentes & plane purulentas, quæ in summo vitæ discrimine prius versabatur, post tri-duum in tuto collocata est. Quæ in artubus confluebant Pustulæ, omni pure exinanitæ, vesicularum flaccidarum speciem præ



se ferebant; tantum certe abest, ut pustularum depressio, eo tempore incommodi quidquam afferat, ut ipse materiæ purulentæ in sanguinem regressus, & per alvum iterum excretio, salutis esset. Nemo fane qui morbi cursum ac rationem, eo quo Tu soles judicio, attendit Medicus, Tibi ex hac parte lites movebit. Per primos enim morbi dies tota æstuat Natura, ut materiam sibi offensam à sanguine amoveat, & per cutaneos meatus expellat. Has partes à Natura febris delegatas esse, ex eo constat, quod in omni Variolarum genere, quo passu procedat humoris exterminatio, pari recedat febris; in pessimo illo genere, ubi vix quidquam egeritur, ab incepta usque ad peractam tragœdiam, ubique fere dominatur febris; in benigno vero, ubi pustulæ còpiosa noxiæ materiæ eruptione turgescunt, ibi febris, quasi munere suo functa, se omnino subducit. At postea, cum concoctus pustularum humor ad evaporandum ob crassitiem minus aptus videatur, à vasis sanguineis denuo resorptus, novas excitat turbas, febrimque *Secundariam* accendit, quæ  
pa-



pari ratione, ac primaria, materiæ scilicet retractæ eliminatione, extinguenda est. In hoc rerum statu recte Tu quidem judicasti, *nullam porro viam esse reliquam, hoc quo maxime opus erat efficiendi, nisi ut per alvum lenis ac continua fieret purgatio, quam quidem sine ullo vitæ discrimine fieri licere, & ratio & experientia confirmant.* Hanc humoris per cutem absorbendi facultatem *Hippocratem* non latuisse, Tu *Vir eruditissime*, probe intelligis, eamque evidenter probant, quas, Tuis obsequens Studiis, ad Te nunc mitto *Observationes*. Qui æque felici consilio humoris inter initia morbi a sanguine separandi modum invenerit, is mihi morbi curationem tandem absolvere & perficere videbitur; nam ubi nacta est natura materiam debite præparatam, & ad expulsionem accommodatam, ipsa suis viribus instructa, vel certe levissimo auxilio adjuta, eam semper extrudere valet; & omni extrusa materia peccante, satis prospere plerumque ad morbi statum proceditur. Ab hac itaque humoris præparatione totus curationis successus præcipue pendet; & in illa indaganda, in-



# J U L I U S.

Dies.	ho. nat.	Barom.	Therm.	Pondus Mastr.		Urin. Noctur.		Perisp. Noctur.	
				lib.	unc.	lib.	unc.	lib.	unc.
2		29 5							
3	9	29 4		154	01 $\frac{1}{4}$	00	10	00	14
4	10	29 3		153	9 $\frac{1}{2}$	00	15	00	15
5	7	29 4	36	153	6	00	15	00	11
6	7	29 6	34	152	6	00	14	00	11
7	8	29 9	34	152	11 $\frac{1}{2}$	00	6 $\frac{1}{2}$	00	9
8									
9	9	29 9	26	153	2 $\frac{1}{3}$	00	12 $\frac{1}{4}$	00	12
10	7	29 8		153	2 $\frac{1}{2}$	00	5 $\frac{1}{2}$	00	12
11	7	29 5	26	153	0 $\frac{1}{2}$	00	9 $\frac{1}{2}$	00	13
12									
13	11	29 4	26	151	12	00	15	00	15
14	9	29 3	30	152	11 $\frac{1}{2}$	00	15 $\frac{1}{2}$	00	12
15	10	29 5	31	153	9	I	4	00	12
16									
17	9			153	15	I	2	00	10
18	9	29 4	39	154	4 $\frac{1}{2}$	I	2 $\frac{1}{2}$	00	12
19	9	29 7	35	155	1 $\frac{1}{2}$	O	15 $\frac{1}{2}$	00	14
20	9	30 I	31	154	10 $\frac{1}{2}$	I	0 $\frac{1}{2}$	00	12
21	8	29 7	30	154	4	I	00	00	12
22	8	29 5	30	154	11	O	11	O	11
23	10	29 5	28	154	7	O	13	O	12
24	10	29 5	24	154	10	O	12	I	02
25	9	29 5	26	155	4	O	10 $\frac{1}{2}$	O	10 $\frac{1}{2}$
26	9	29 3	31	156	8	O	12	I	4
27	10	29 4	33	156	8	I	03	O	11
28	7	29 4	35	155	11	I	06	O	5
29	8	29 4	34	154	9	O	13	O	10
30	10	29 5	33	153	8	O	10	O	6
31	9	29 5	33	154	14	O	10	I	0



# J U L I U S.

Ho. no. & c.	Barom.		Therm.	Pon- dus No- ctur.		Cibus Potus.		Urina diurna.		Excre. Alvin.		Persp. diurna.	
				lib.	unc.								
12	29	5		155	9 $\frac{1}{4}$								
12	29	2		155	7 $\frac{1}{2}$								
12	29	4		155	0								
12	29	5	34	153	15								
12	29	9	32	153	11								
12	30	1	22	154	11								
12	29	9	22	154	4								
12	29	5	23	154	7								
12	29	4	26	153	10								
12	29	3	27	154	7	5	6	1	1	0	4	1	6
12	29	2	33	155	9								
12	29	5	33	155	11								
11	29	3	36	156	3								
11	29	4	35	156	15								
12	30	1	31	156	7								
11	29	7	28	156	0	4	10 $\frac{1}{2}$	1	12 $\frac{1}{2}$	0	5	1	03 $\frac{1}{2}$
11	29	7	27	156	1	4	11	1	12	0	7	1	11
12	29	5	28	156	0								
11	29	5	25	156	8								
11	29	5	24	156	9								
11	29	3	29	158	8								
12	29	3	31	158	6								
11	29	4	33	157	6	4	1	1	12	0	4	1	3
11	29	5	32	157	0								
12	29	5	32	154	8								
12	29	4	3	156	8								
12	29	5	31	158	8								



# AUGUSTUS.

Dies.	Mo. mat.	Barom.	Therm.	Pondus Maur.	Uina. Noctur.	Perfo. Noctur.
1	8	29 5	34	157 6	0 8½	0 9½
2	9	29 5	33	156 6	0 12½	0 11½
3	8	29 4	32	155	0 11	0 13
4	10	29 7	38	151 12	0 10	0 13
5	8	29 5	36	153 1	0 7½	0 8½
6	10	29 5	36	153 14	0 9½	0 12½
7						
8	9	29 3	40	155 10	0 12	0 8
9	9	29 5	39	153 14	1 4	0 6
10	9	29 6	37	153 2	0 10½	0 9½
11						
12						
13	8	29 7	37	152 6	0 9	0 9
14	9	29 7	37	154 6	0 10	0 10
15	7	29 6	33	154 8	0 10	0 14
16						
17	9	29 8	31	154 0	0 14	0 12
18	6	29 7	37	154 14	0 9	0 5
19	8	29 7	39	153 6	0 11½	0 8½
20	6	30	37	152 7	0 10½	0 9½
21	8	29 9	35	152 6	0 9	0 9
22						
23	9			153 2	0 8½	0 11½
24	8	29 9	33	153 12	0 10	0 8
25						
26						
27	10	29 8	27	150 9	0 9	0 12
28	9	29 7	29	152 3	0 11½	0 12½
29						
30	9			154 8	0 11	0 11



# AUGUSTUS.

ho. no. &.	Barom.		Therm.	Pond. No. &.	Pond.	Cibus & Potus.	Urina. Diurna.	Excretio Alvena.		Fecip. Diurn.		Geneca Vent.
12	29	5	31	157	12							Emio-Aqui. Id.
12	29	5	33	156	8							Id.
11	29	6	35	153	3	3 13½	0 14	3	9½	I	3	Id.
11	29	7	35	154	1							Zephy. Id.
11	29	5	34	155	4	6 5	I 4½	I	2	I	II½	Id.
												Id.
11	29	3	37	156	14							Id.
10	29	4	37	155	8							Id.
11	29	6	36	154	6							Bor.
10	29	7	33	153	8							Bor.
11	29	8	36	155	10							Noto-Zeph.
11	29	8	31	156	0							
10	29	8	33	155	10							Zeph.
11	29	6	33	155	12							Id.
12	29	8	37	154	10							
10	30		36	153	11	4 4½	I 12	0	8	I	II½	Id.
12	29	9	35	153	11							Noto-Zeph.
11	30		30	154	6							
11	30		29	154	14							
12	29	8	24	151	14							
11	29	8	24	153	12	5 I	0 13½	8	3	0	13½	Zeph.
11	29	8	28	155	14							



# S E P T E M B E R.

Dies.	Hor.	Barom.	Therm.	Pond. Maut.	Urin. Noctur.	Perfp. Noctur.
1						
2	10	29 3	38	152 6		
3	9	29 5	42	152 11	0 10 $\frac{1}{2}$	2 5 $\frac{3}{4}$
4	9	29 7	42	153 7	0 8 $\frac{1}{2}$	0 8 $\frac{1}{2}$
5	7	29 7	41	154 11	0 8 $\frac{1}{2}$	0 10 $\frac{1}{2}$
6	9	29 7	41	154 11	0 12	0 6
7	9	29 7	36	154 8	1 1 $\frac{1}{2}$	0 10 $\frac{1}{2}$
8	8	29 7	31	153 6	0 14 $\frac{1}{2}$	0 11 $\frac{1}{2}$
9						
10	9	29 2	34	153 7 $\frac{1}{2}$	0 10 $\frac{1}{2}$	0 11
11	8	29 0	37	154 13 $\frac{1}{2}$	0 13	0 11 $\frac{1}{2}$
12	7	29 3	41	155 0	0 12 $\frac{3}{4}$	0 10 $\frac{1}{4}$
13	8	29 5	41	156 7	1 2	0 8 $\frac{1}{2}$
14	11	29 5	39	154 10	1 0 $\frac{3}{4}$	0 11 $\frac{3}{4}$
15	8	29 4	44	153 3	0 9 $\frac{3}{4}$	0 7 $\frac{1}{4}$
16	9	29 2	45	155 00	1 0 $\frac{1}{2}$	0 12
17	9	29 3	47	155 11	0 14 $\frac{3}{4}$	0 11 $\frac{1}{4}$
18	7	29 4	52	155 1	0 9 $\frac{1}{4}$	0 8 $\frac{1}{4}$
19	10	29 6	46	153 12 $\frac{1}{2}$	1 1	0 13 $\frac{1}{2}$
20						
21	9	29 2	49	153 7	0 13	0 13
22	8	29 5	47	154 6 $\frac{1}{2}$	0 13 $\frac{1}{2}$	0 9 $\frac{1}{2}$
23	8	29 7	45	153 12	0 15	0 9
24	9	29 5	47	153 10	0 12 $\frac{1}{4}$	0 9 $\frac{3}{4}$
25	8	29 5	49	154 6	0 13 $\frac{1}{4}$	0 5 $\frac{3}{4}$
26	9	29 6	50	155 7 $\frac{1}{2}$	0 13 $\frac{1}{4}$	0 11 $\frac{1}{4}$
27	8	29 5	52	154 14 $\frac{1}{2}$	0 14	0 6
28	8	29 4	52	154 12	0 9 $\frac{3}{4}$	0 13 $\frac{3}{4}$
29	9	29 5	55	155 7	1 4	0 9
30						



# S E P T E M B E R.

Hor.	Barom.		Therm.	Pond. Marc.		Cibus & Potus.		Urina Diurna.		Excretio Alvina.		Perf. Diurn.	Genera Vent.
II	29	4	38	155	4	5	2	0	14 $\frac{1}{2}$	0	8	0	Bor. Bor.
I2	29	6	41	154	8	8	2	I	0 $\frac{1}{2}$	3	8	I	12 $\frac{4}{2}$
II	29	8	40	155	14								Bor. Ze.
II	29	7	39	155	13								Bor. Eur.
I2	29	7	35	156	4								Not. Ze.
I2	29	8	31	155	0	4	6	I	12	0	3	I	15
II	29	2	32	154	13								Id.
IO	29	I	34	156	6	5	2 $\frac{1}{2}$	0	13 $\frac{3}{4}$	0	I	I	5 $\frac{3}{4}$
II	29	2	38	156	7								Bor.
II	29	5	39	158	I $\frac{1}{2}$								Id.
I2	29	6	41	156	6 $\frac{1}{2}$								Eur. Zep. Id.
II	29	3	41	154	4 $\frac{1}{2}$	2	13 $\frac{1}{2}$	I	4 $\frac{1}{2}$	0	7 $\frac{1}{2}$	I	7 $\frac{1}{2}$
II	29	4	42	156	12 $\frac{1}{2}$								Bor. Ze.
II	29	3	43	157	5 $\frac{1}{2}$								Bor.
IO	29	4	46	156	3 $\frac{1}{2}$								Bor. Eu.
II	29	6	47	155	II								Not. Ze.
I2	29	3	45	155	I								Bor. Ze.
II	29	3	49	155	13 $\frac{1}{2}$								Bor.
II	29	6	45	155	4	3	13	I	8	0	6	I	I $\frac{1}{2}$
I2	29	7	45	155	0	3	14	I	3	0	3	I	4
I2	29	5	48	155	9	4	11	I	7 $\frac{1}{2}$	0	0	I	4
II	29	5	50	157	0 $\frac{1}{2}$								Bor. Ze.
I2	29	6	50	156	2 $\frac{1}{2}$								Id.
I2	29	5	50	156	3 $\frac{1}{2}$								Not. Ze.
II	29	6	50	157	4								Bor. Ze.



# O C T O B E R.

Dies.	Hof. Mat.	Barom.	Therm.	Pond. Maur.	Urin. Noctur.	Perf. Noctur.
1						
2						
3						
4	8	29 5	51	156 1 $\frac{1}{2}$	0 10 $\frac{1}{2}$	0 11 $\frac{1}{2}$
5	8	29 7	49	155 12	1 5	0 8
6	9	29 7	49	154 13	0 15	0 9
7	10	29 7	53	155 5 $\frac{1}{2}$	0 12 $\frac{1}{2}$	0 7 $\frac{1}{2}$
8	9	29 8	53	156 13	1 00	0 10
9	8	29 9	55	155 12	0 13	0 6
10	8	30	58	155 2	0 13	0 10
11	8	30 1	57	154 15 $\frac{1}{2}$	0 9 $\frac{1}{4}$	0 7 $\frac{3}{4}$
12	8	30 1	56	155 9	0 10 $\frac{1}{2}$	0 6
13	9	30	56	154 14	0 10 $\frac{1}{2}$	0 9 $\frac{1}{2}$
14						
15	8	29 7	54	155 8 $\frac{1}{2}$	0 10	0 10
16	9	29 7	54	156 12 $\frac{1}{2}$	1 3 $\frac{1}{4}$	0 8 $\frac{1}{4}$
17	8	29 9	55	156 3	0 14	0 8
18	9	29 9	54	156 1	1 4 $\frac{1}{2}$	0 9
19	9	29 8	55	155 3	0 13	0 9 $\frac{1}{2}$
20	9	29 8	54	154 15	0 11 $\frac{1}{4}$	0 9 $\frac{1}{4}$
21	8	29 7	57	156 5	0 10	0 7
22	9	29 6	59	154 12 $\frac{1}{2}$	1 1	0 11 $\frac{1}{4}$
23	9	29 7	56	156 8 $\frac{1}{2}$	0 11	0 14 $\frac{3}{4}$
24	9	29 6	57	157 3	0 11 $\frac{1}{2}$	0 8 $\frac{1}{2}$
25	9			157 4	1 00	0 9
26	8	29 7	51	156 14 $\frac{1}{2}$	1 5 $\frac{1}{2}$	0 9
27						
28	8	29 7	51	156 9 $\frac{1}{4}$	0 10 $\frac{3}{4}$	0 8 $\frac{1}{2}$
29	9	29 4	51	156 8 $\frac{1}{2}$	0 14	0 8 $\frac{1}{2}$
30	8	29 3	54	157 1 $\frac{1}{2}$	0 12	0 7
31	9	29 4	54	156 14	0 12 $\frac{1}{2}$	0 8 $\frac{1}{4}$







# N O V E M B E R.

Dies.	Ho. mat.	Barom.	Therm.	Puls. in min. r.	Pondus Mauri.	Urin. Mauri.	Perip. Noct.
1	10	29 7	56		156 11 $\frac{1}{2}$	I 8 $\frac{1}{2}$	0 7
2	9	29 8	54		156 5	I 2 $\frac{1}{2}$	0 8 $\frac{1}{2}$
3	8	29 8	54		157 6	0 13	0 9
4							
5							
6	9	30 1	57	80	156 4	0 13	0 9
7	9	30	57	72	156 1	0 12 $\frac{1}{4}$	0 8 $\frac{1}{4}$
8	8	29 8	63	80	155 7	0 8	0 6 $\frac{1}{2}$
9	9	30	65	80	155 14	I 5 $\frac{1}{2}$	0 7 $\frac{1}{2}$
10	10	30 1	65	72	155 14 $\frac{1}{2}$	0 12 $\frac{3}{4}$	0 10 $\frac{1}{4}$
11	9	30 2	63	80	156 4	0 11	0 8
12	9	30 1	61	80	156 2	0 13 $\frac{1}{4}$	0 8 $\frac{3}{4}$
13	8	30 1	60	76	156 12	0 12 $\frac{3}{4}$	0 7 $\frac{1}{4}$
14	9	29 9	61	80	155 12 $\frac{1}{2}$	0 9 $\frac{1}{2}$	0 8 $\frac{1}{2}$
15	9	29 9	56	76	156 14	0 12 $\frac{3}{4}$	0 8 $\frac{1}{4}$
16	8	29 9	63	80	155 11 $\frac{1}{2}$	0 10 $\frac{3}{4}$	0 7 $\frac{1}{4}$
17	7	30	65	88	157 1	0 11	0 5
18							
19	9	29 5	66	80	156 3	I 2 $\frac{3}{4}$	0 12 $\frac{1}{4}$
20	9	29 6	70	80	155 8	0 11 $\frac{1}{4}$	0 6 $\frac{1}{4}$
21	10	29 7	68	80	155 12	0 14 $\frac{1}{2}$	0 11 $\frac{1}{2}$
22	10	29 5	65	84	156 3 $\frac{1}{2}$	I 4 $\frac{3}{4}$	0 11 $\frac{1}{4}$
23	9	29 1	65	84	156 11	0 15 $\frac{1}{4}$	0 9 $\frac{1}{4}$
24	9	29 1	65	80	54 9	0 11	0 7 $\frac{1}{2}$
25	9	29 4	65	80	54 12 $\frac{1}{2}$	0 9 $\frac{1}{4}$	0 6 $\frac{3}{4}$
26	9	29 5	65	80	154 12	0 12 $\frac{1}{2}$	0 7 $\frac{1}{2}$
27	10	29 6	66	80	53 12 $\frac{1}{2}$	0 13 $\frac{1}{4}$	0 8 $\frac{1}{4}$
28	9	29 5	67	76	154 12	0 9	0 8 $\frac{1}{2}$
29	8	29 5	71	76	156 1 $\frac{1}{2}$	0 12	0 7 $\frac{1}{2}$
30	9	29 7	62	76	154 7 $\frac{1}{2}$	I 0 $\frac{1}{4}$	0 9 $\frac{3}{4}$



# N O V E M B E R.

no. noct.	Barom.	Therm.	Puls. in min. i.	Pond. Noctur.	Cibus & Potus.	Urina Diurna.	Excretio Alvina.	Perf. Diurna.	Vent. Genera						
II	29	9	54	158	0										
II	29	8	53	158	12				Bor. Ze. Id.						
II	30	1	56	80	157	10			Bor.						
II	30	1	57	70	157	5 $\frac{1}{2}$			Id.						
I	29	9	57	80	156	5 $\frac{1}{2}$	3	13 $\frac{1}{2}$	I	14 $\frac{1}{2}$	0	0	I	10 $\frac{1}{2}$	Id.
II	29	9	63	85	157	11									Id.
IO	30	1	63	80	157	5 $\frac{1}{2}$	4	11	I	13	0	5	I	1 $\frac{1}{2}$	Zephyr.
I2	30	2	63	76	157	7	4	3	I	7 $\frac{1}{4}$	0	0	I	3 $\frac{1}{4}$	Id.
II	30	2	61	80	157	8	5	8	2	6 $\frac{1}{2}$	0	5	I	8	Id.
II	30	2	59	80	158	0	4	8 $\frac{1}{2}$	I	12 $\frac{1}{4}$	0	0	0	14 $\frac{1}{4}$	Bor. Zephyr.
I2	30		61	84	156	14 $\frac{1}{2}$									Id.
II	29	9	58	80	158	3									Bor. Ze.
I2	29	7	60	80	156	13 $\frac{1}{2}$									Id.
I2	30		63	80	158	1									
I1	29	5	63	80	158	2									Id.
I2	29	5	69	80	156	9 $\frac{1}{2}$									Id.
I2	29	7	68	80	157	6									
II	29	6	64	94	158	3 $\frac{1}{2}$									Notus.
II	29	4	64	94	158	3 $\frac{1}{2}$									Not. Ze.
II	29	1	65	88	155	11 $\frac{1}{2}$	2	11 $\frac{1}{2}$	I	11 $\frac{1}{4}$	0	7 $\frac{1}{2}$	I	7 $\frac{1}{4}$	Bor. Id.
I2	29	3	65	72	155	12 $\frac{1}{2}$									Id.
I2	29	5	64	84	156	0	3	10 $\frac{1}{2}$	I	2	0	0	I	5	Id.
II	29	5	65	96	155	2 $\frac{1}{2}$	3	6	I	5	0	3 $\frac{1}{2}$	I	7	Id.
I2	29	6	66	80	155	13 $\frac{1}{2}$									Id.
II	29	5	68	68	157	5									Id.
II	29	8	65	88	156	1 $\frac{1}{2}$									Notus.
II	29	6	58	80	156	0	4	7 $\frac{1}{2}$	I	3 $\frac{1}{4}$	0	2	I	9 $\frac{1}{4}$	Zephyr.



# D E C E M B E R.

Dies.	Hora Mat.	Barom.	Therm.	Puls. in min. 1.	Pondus Macut.	Urina. Noctur.	Perf. Noctur.
1	9	29 4	58	80	154 9	0 13 $\frac{3}{4}$	0 9 $\frac{1}{4}$
2	10	29 3	63	72	154 5	0 12	0 9 $\frac{1}{2}$
3	9	29 3	58	72	154 10 $\frac{1}{2}$	0 11	0 7 $\frac{1}{2}$
4	10	29 2	62	72	156 1 $\frac{1}{2}$	0 14	0 11 $\frac{1}{2}$
5	8	29 2	63	80	155 15	0 11 $\frac{1}{4}$ 3	0 7 $\frac{3}{4}$ 3
6	10	29 1	58	76	157 3	0 11 $\frac{1}{4}$	0 9 $\frac{1}{4}$
7	9	28 9	63	72	156 0	0 10	0 9
8	9	29 3	61	80	155 15	0 13	0 9
9	9	29 3	61	76	156 6 $\frac{1}{2}$	0 12 $\frac{3}{4}$	0 8 $\frac{3}{4}$
10	8	29 3	60	80	156 8	0 8	0 8
11	9	29 4	60	88	155 10	0 9 $\frac{1}{4}$	0 9 $\frac{3}{4}$
12	10	29 4	63	84	154 0	0 8 $\frac{1}{4}$	0 8 $\frac{3}{4}$ $\frac{1}{2}$
13	9	29 5	62	80	155 6	0 9 $\frac{1}{4}$	0 8 $\frac{1}{2}$
14	10	29 6	66	80	155 4 $\frac{1}{2}$	0 9 $\frac{1}{2}$ $\frac{1}{4}$	0 7
15	10	29 5	62	80	155 9 $\frac{1}{2}$	0 12 $\frac{1}{4}$	0 9 $\frac{1}{4}$
16	9	29 0	66	80	155 4	0 10 $\frac{1}{2}$	0 7 $\frac{1}{2}$
17	8	29 0	67		156 0	0 7	0 5
18	9	29 3	66		154 13	0 10 $\frac{1}{4}$	0 9 $\frac{1}{4}$
19	10	29 3	68	88	154 13	0 12	0 8
20	11	29 2	70	84	154 4	1 0 $\frac{1}{4}$	0 11 $\frac{3}{4}$
21	9	29 2	70	76	153 14	0 10	0 8
22	9	29 3	63	80	154 8	0 12 $\frac{3}{4}$	0 9 $\frac{1}{4}$
23	10	29 2	59	92	153 4	1 10 $\frac{1}{2}$	0 10 $\frac{1}{2}$
24							
25	8	29 3	59	80	153 6 $\frac{1}{2}$	0 9 $\frac{1}{2}$	0 8 $\frac{1}{2}$
26	10	29 3	58	80	152 9 $\frac{1}{2}$	0 9	0 11 $\frac{1}{2}$
27	9	29 2	58	80	152 4	0 10 $\frac{3}{4}$	0 8 $\frac{1}{4}$
28	9	29 1	58	80	153 4 $\frac{1}{2}$	0 8 $\frac{1}{4}$	0 7 $\frac{1}{4}$
29	9				153 12	0 12 $\frac{1}{4}$	0 10 $\frac{3}{4}$
30							
31							



# D E C E M B E R.

no. noct.	Barom.	Therm.	Puls. in min. 1.	Pond. Noctur.	Cibus & Potus.	Urina Diurna.	Excretio Alvina.	Fecip. Diurn.	Genera Vent.
12	29 3	60	76	155 10	3 12½	1 5	0 6	1 00	Bor. Ze.
11	29 5	56	80	155 13					Not Ze.
12	29 2	58	88	157 11					Id.
12	29 2	62	80	157 1					Id.
1	29 3	59	96	158 8					Id.
11	28 8	62	100	157 3					Id.
11	29 1	64	96	157 5					Bor. Ze.
12	29 2	62	80	157 12					Zephyr.
12	29 3	57	80	157 8					Id.
1	29 5	61	80	156 10					id.
12	29 4	60	76	155 1					Noto-Zeph.
12	29 5	61	96	156 8					Not.
1	29 6	63	80	156 5					Bor.
12	29 7	64	80	156 15	4 12½	1 4¼	0 5½	1 8¼	Not.
1	29 1	63		156 6	3 12½	1 8¾	0 0	1 7¼	id.
1	29 0	66	88	156 12					
11	29 2	66	84	156 1	3 0	1 6½	0 7	1 1½	Eur.
11	29 4	66	88	156 1					Id.
12	29 3	68	80	156 0	4 7½	1 8½	0 7	1 5	Id.
12	29 2	70	80	155 0					id.
11	29 3	66	80	155 14					Not. eur.
12	29 2	60	80	154 9					Not.
12	29 3	59	80	154 8½					id.
12	29 4	58	100	153 14					id.
11	29 3	57	72	153 7	3 14	1 7½	0 4	1 5	id.
1	29 2	56	84	154 3½					id.
11	29 0	56	88	155 3					Not. eur.
12	29 8	58	48	155 6					



# J A N U A R I U S.

Dies.	no. mat.	Barom.	Therm.	Puls. in min. r.	Pond. Matut.	Urin. Matut.	Perf. Noctur.
1	9	29 0	59	84	154 0	0 11	0 11
2	9	29 0	61	80	154 1 $\frac{1}{2}$	0 8	0 8 $\frac{1}{2}$
3	9	29 1	59	80	154 7	0 9	0 9
4	9	29 2	62	80	154 15	0 8 $\frac{1}{2}$	0 8 $\frac{1}{2}$
5	9	29 3	59	80	154 7	0 13	0 10
6	9	29 4	52	84	154 2	0 13	0 9
7	9	29 3	55		154 5 $\frac{1}{2}$	0 9 $\frac{3}{4}$	0 10 $\frac{3}{4}$
8	9	29 2	54	80	154 2	0 12	0 10
9	10	28 9	53	80	154 7	0 12	0 11
10							
11	9	28 6	61	84	154 1	0 13	0 8
12	8	28 9	66	80	154 3	0 11	0 8
13	10	29 2	68	76	153 10	0 13	0 9
14	9	29 2	59	84	153 7	0 13	0 8
15	9	29 1	66	84	153 1	0 8	0 7
16	9	29 2	63	80	153 14	0 12	0 8
17	10	29 3	61	80	154 1	0 9	0 8
18	9	29 1	61	80	153 13	0 9 $\frac{3}{4}$	0 8 $\frac{1}{4}$
19	9	28 9	61	80	154 0	0 14	0 9
20	9	29 1	64	80	153 2	0 11 $\frac{1}{2}$	0 8 $\frac{1}{2}$
21	10	29 0	59	84	153 3	0 11	0 8
22	9	28 6	61	92	152 6 $\frac{1}{2}$	0 15 $\frac{3}{4}$	0 6 $\frac{3}{4}$
23	9	28 8	63	84	152 10	0 13	0 8
24	9	29 0	60		153 10	0 8	0 8
25							
26							
27	9	29 3	66	88	153 5	1 0	0 11
28	10	29 6	68	80	152 10	0 11 $\frac{1}{4}$	0 10 $\frac{3}{4}$
29	9	29 8	70		153 15	0 8 $\frac{1}{2}$	0 8 $\frac{1}{2}$
30	10	29 9	68	80	153 4 $\frac{1}{2}$	0 11	0 9 $\frac{1}{2}$
31	9	29 7	72	80	154 5	0 12	0 9



# J A N U A R I U S.

ho. noct.	Barom.	Therm.	Puls. in min. 1.	Pond. Noctur.	Cibus & Potus.	Urina Diurna.	Excretio Alvina.	Perisp. Diurn.	Genera Vent.
I 2	29 0	60	84	155 2					Not. eur.
I 2	29 0	60	80	155 9					Id.
I 2	29 2	58	80	156 0					Id.
I 2	29 4	60	96	155 14	3 14 $\frac{1}{2}$	I 7	0 4	I 4 $\frac{1}{2}$	Not.
I 1			92	155 8					Id.
I 2	29 3	53	80	155 12 $\frac{1}{2}$					Id.
I 1	29 3	53	94	155 8					Id.
I 2	29 1	52	104	155 14					Not Ze-
I	28 5	59	84	155 6					
I 1	28 8	64	100	155 6	3 12	I 3 $\frac{1}{2}$	0 0	I 3 $\frac{1}{2}$	Eur.
I 2	29 2	66	84	155 0					Bor. eur.
I 1	29 2	68	80	154 12					Id.
I	29 1	69	84	154 0					Not.
I 1	29 1	64	96	155 2					Id.
I	29 3	64	80	155 12					id.
I 2	29 2	60	80	154 15					id.
I 1	29 0	60	84	155 7					Eur.
I 1	28 9	66	92	154 6	3 9 $\frac{1}{4}$	I 5 $\frac{1}{4}$	0 4	I 10	Bor.
I 2	29 1	60	80	154 6	3 12	I 8 $\frac{1}{4}$	0 0	0 15 $\frac{3}{4}$	Not.
I	28 6	60	92	153 13	4 11	I 12 $\frac{1}{2}$	0 6	I 14 $\frac{1}{2}$	id.
I 2	28 7	61	100	153 15	4 00	I 5 $\frac{1}{2}$	0 0	I 2	id.
I 2	29 0	60	80	154 10					id.
I 2	29 1	65	88	155 0	Plenilunium				Bor.
I 2	29 4	68	88	154 0					
I	29 8	69		155 0					
I 1	29 9	69	88	154 9					
I	29 8	70	92	155 10					



# F E B R U A R I U S.

Dies.	ho. mat.	Barom.	Therm.	Puls. in min. r.	Pond. Matut.	Urin. Matut.	Perf. Noctur.
I							
2							
3	10	29 4	78	88	153 6	0 12	0 8
4	9	29 4	78	88	152 14	0 11	0 8
5	10	29 3	78	84	152 0	0 8 $\frac{3}{4}$	0 7 $\frac{1}{4}$
6							
7	8	29 5	75	76	154 15 $\frac{1}{4}$	0 12 $\frac{3}{4}$	0 7
8	9	29 3	77	80	155 8	0 14	0 8
9	8	29 3	80	80	155 2 $\frac{1}{4}$	1 00	0 8
10	9	29 5	78	88	154 4	1 00	0 8
11	9	29 8	75	84	154 8	0 11	0 9
12	9	30 0	71	80	153 12	0 10	0 7
13							
14							
15	10	29 5	65		154 6 $\frac{1}{2}$	0 12	0 14
16	8	29 5	66		156 5 $\frac{1}{4}$	0 9 $\frac{1}{4}$	0 7
17	9	29 5	64	80	155 15 $\frac{1}{2}$	0 11 $\frac{1}{2}$	0 7
18	9	29 3	63	76	156 0 $\frac{3}{4}$	0 13 $\frac{1}{4}$	0 7
19	8	29 3	62	80	154 6 $\frac{1}{4}$	0 11 $\frac{3}{4}$	0 4
20	9	29 3	63	80	155 5 $\frac{1}{2}$	1 1 $\frac{1}{2}$	0 7
21	10	29 2	59	80	156 7	0 14	0 8
22	8	29 0	64	80	156 7	0 13	0 8
23	8	29 3	67	76	155 6	0 13	0 7
24	8	29 5	59	80	155 2 $\frac{1}{2}$	0 10 $\frac{1}{2}$	0 7
25	8	29 5	55	80	155 7	0 10	0 6
26	8	29 2	55	84	154 5	0 11	0 9
27	8	29 1	57	80	154 5 $\frac{1}{2}$	0 12	0 8
28	8	29 1	56	84	154 11 $\frac{1}{4}$	0 12 $\frac{3}{4}$	0 8
29	9	29			154 3 $\frac{1}{2}$	0 10 $\frac{1}{2}$	0 9



# F E B R U A R I U S.

ho. noct.	Barom.	Therm.	Puls. in min. r.	Pond. Noctur.	Cibus & Potus.	Urina Diurna.	Excretio Alvina.	Perf. Diurn.	Vent. Genera
I 2	29 5	76		154 10					Bor.
I 2	29 5	77	92	154 0					Id.
I 2	29 3	56	84	153 0	5 14	1 7	2 9	1 12	Id.
I 2	29 5	75	84	156 3					Bor. Ze.
I 2	29 3	74	80	156 14					Id.
II 29	3	76	80	156 10 $\frac{1}{4}$	5 1	1 14 $\frac{1}{2}$	0 4 $\frac{1}{4}$	1 10 $\frac{1}{4}$	Id.
I 29	5	78	96	155 12					Id.
II 29	8	74	88	155 12					
I 2	30 0	71	80	154 13	3 2	1 8 $\frac{1}{4}$	0 0	1 4 $\frac{3}{4}$	Not. Ze.
I 2	29 7	61		156 0 $\frac{1}{2}$					
II 29	5	64	100	157 6					
I 2	29 5	64	92	157 2					
I 2	29 5	61	92	157 5					
I 29	4	61	88	155 6					Zephyr.
I 2	29 3	60	68	156 14					Id.
I 29	3	59	96	157 13					Notus.
II 29	1	59	84	157 12					Not. Ze.
II 29	2	65	92	156 10					Id.
I 2	29 5	61	84	156 4					Id.
I 2	29 5	55	100	156 7					Id.
II 29	4	53	88	155 9					Id.
II 29	2	55	88	155 10	4 12	1 10 $\frac{1}{4}$	0 4 $\frac{1}{2}$	1 8 $\frac{1}{4}$	Notus.
II 29	2	54	94	156 0					Id.
II 29	0	54	100	155 7					Not. Ze.
I 2	29 0	54	100	156 11					Id.



# M A R T I U S.

Dies.	Horæ Mat.	Barom.	Therm.	Puls. in min. 1.	Pondus Maris.	Urina. Noctur.	Perisp. Noctur.
1	9	29 0	56	76	155 7	0 13	0 7
2							
3	8	29 1	56	80	155 10	0 15	0 7
4							
5							
6							
7	9	29 5	58	76	155 12	0 14 $\frac{1}{2}$	0 10 $\frac{1}{2}$
8	8	29 7	65	72	156 4	0 13	0 6
9	8	29 7	67	80	155 14	1 00	0 7
10	9	29 3	68	76	156 3	1 1 $\frac{1}{4}$	0 8 $\frac{3}{4}$
11	9	29 2	67	84	155 8 $\frac{1}{2}$	0 15 $\frac{1}{2}$	0 9
12	10	29 4	67	80	155 4	0 15	0 10
13	8	29 5	70	80	154 10	0 7	0 9
14	10	29 6	68	80	154 14	0 11	0 8
15	8	29 4	67	84	155 11	0 13 $\frac{1}{2}$	0 7 $\frac{3}{4}$
16	8	29 4	67	84	156 3 $\frac{1}{2}$	0 13 $\frac{1}{2}$	0 8
17	7	29 5	66	80	156 6	0 14	0 7
18	9	29 5	62		155 9 $\frac{1}{2}$	0 11 $\frac{1}{2}$	0 8
19	8	29 3	61	84	155 11 $\frac{1}{2}$	0 11 $\frac{1}{2}$	0 7
20	8	29 2	60	84	155 10 $\frac{1}{2}$	0 14 $\frac{1}{2}$	0 9
21	9	29 1	61		154 14 $\frac{1}{4}$	0 13 $\frac{1}{4}$	0 9
22	8	29 1	54	72	155 13	1 5 $\frac{3}{4}$	0 7 $\frac{1}{4}$
23	8	29 0	52	84	154 13	0 11	0 8
24							
25							
26	9	29 2	55	80	155 3 $\frac{1}{2}$	0 12 $\frac{1}{2}$	0 9
27	9	29 2	53	80	158 6 $\frac{1}{2}$	0 14 $\frac{1}{2}$	0 8
28	9	29 2	54	76	157 6	1 1	0 9
29	9	29 3	55	76	157 9	1 4 $\frac{1}{4}$	0 9 $\frac{3}{4}$
30	9	29 1	56	80	156 11 $\frac{1}{2}$	1 1 $\frac{1}{2}$	0 9
31	8	29 0	60	76	156 13	0 13	0 9



# MARTIUS.

ho. noct.	Barom.	Therm.	Pulc. in min. 1.	Pond. Noctur.	Gibus & Potus.	Urina Diurna.	Excretio Alvina.	Perp. Diurn.	Genera Vent.
11	29 3	53	88	157 0					
12	29 5	54	105	157 5					Not.
11	29 5	64	92	157 7	5 0	1 11 <sup>1</sup> / <sub>4</sub>	0 3 <sup>1</sup> / <sub>4</sub>	1 6	bor. eur.
12	30 0	64	84	157 5	5 14	3 5	0 0	1 8	id.
11	29 5	65	92	157 13	5 6 <sup>1</sup> / <sub>2</sub>	2 3 <sup>1</sup> / <sub>4</sub>	0 0	1 4 <sup>1</sup> / <sub>4</sub>	Not.
11	29 3	66	84	157 1					Bor. Eu-
11	29 4	66	80	156 13	4 4	1 12	0 6 0	1 3 <sup>1</sup> / <sub>4</sub>	Id.
12	29 5	68	84	155 10					Id.
I	29 6	68	88	156 1					Id.
11	29 5	66	100	157 0					Bor. Ze.
11	29 5	65	92	157 9					Id.
11	29 5	65	92	157 11					Not.
12	29 5	63	92	156 13					id.
12	29 3	62	92	156 14					Eur.
12	29 2	60	84	157 2					id.
11			96	156 5					id.
12				157 10					Not.
12	29 2	49	80	156 0					Id.
12	29 2	52	94	156 9					Bor.
I	29 2	52	110	159 12					Eur.
12	29 2	53	88	159 0					Not.
11	29 3	53	84	159 7	5 8 <sup>1</sup> / <sub>2</sub>	1 14	0 4 1	5 <sup>1</sup> / <sub>2</sub>	id.
11	29 2	55	100	158 6					id.
11	29 3	53	96	158 3					Bor.
12	29 1	60	104	158 6	5 9	2 6	0 7 1	2 <sup>1</sup> / <sub>2</sub>	id.



# A P R I L I S.

Dies.	no. mat.	Barom.	Therm.	Puls. in min. 1.	Pond. Maurt.	Uin. Maurt.	Perf. Noctur.
1	9	29 1	60	80	157 0	0 14	0 8
2	9	29 0	59	76	156 11	0 14	0 8
3	9	29 0	59	76	155 2	0 15	0 8
4	8	29 3	58	74	155 12	I I	0 7
5	9	29 5	54	80	155 15	0 15	0 9
6	8	29 5	53	76	156 4 $\frac{1}{2}$	0 14 $\frac{1}{2}$	0 7
7	8	29 6	52	76	157 4	I 2 $\frac{1}{2}$	0 10
8	8	29 6	50	76	156 2 $\frac{1}{2}$	I 2 $\frac{1}{2}$	0 7
10	7	29 5	50	80	155 10	0 11	0 10
11	8	29 6	51	84	156 8	I 6	0 9
12	8	29 6	48	76	157 5	I 3	0 10
13	8	29 6	47	76	156 12 $\frac{3}{4}$	0 15 $\frac{3}{4}$	0 8
14	10	29 7	48	80	155 6	I 1 $\frac{1}{2}$	0 10 $\frac{1}{2}$
15	8	29 8	53		154 10	0 12 $\frac{1}{2}$	0 10 $\frac{1}{2}$
16	8	29 7	54	80	154 3	0 12	0 8
17	8	29 7	55	76	154 11	0 13	0 7
18	9	29 8	54	80	154 5	0 14	0 8
19	8	29 8	55	80	154 12 $\frac{1}{4}$	I 1 $\frac{3}{4}$	0 8
20	9	29 9	57	76	154 0	0 11	0 9
21	9	29 8	56	88	153 9	0 10	0 8
22	8	29 9	56	80	154 2	0 10	0 8
23	8	29 9	59	84	154 7 $\frac{1}{2}$	0 1 $\frac{1}{2}$	0 7
24							
25	9	29 6	62	84	153 5	0 11	I 9



# A P R I L I S.

ho. noct.	Barom.	Therm.	Puls. in min. r.	Pond. Noctur.	Cibus & Potus.	Urina Diurna.	Excretio Alvina.	Perf. Diurna.	Genera Vent.	
12	29 0	58	96	158	I	4 14	2 3 <sup>1</sup> / <sub>2</sub>	0 0	I 10 <sup>1</sup> / <sub>2</sub>	Eur.
11	29 0	58	84	156	9	3 2	1 10 <sup>+</sup>	0 6	I 3 <sup>3</sup> / <sub>4</sub>	Bor. eur.
12	29 3	58	92	157	4					Bor.
11	29 5	54	92	157	7					Not. eur.
11	29 5	51	100	157	10					Not. Ze.
11	29 6	50	84	159	I					Id.
12	29 6	49	76	157	12					Not.
11	29 4	50	100	156	15					Bor.
12	29 6	49	96	158	7					Not.
11	29 7	45	92	159	2					Id.
11	29 6	45	88	158	4	5 2	2 3 <sup>1</sup> / <sub>2</sub>	0 9	I 7	Eur. id.
11	29 7	45	84	157	2					id.
11	29 8	50	96	156	I	3 11	I 5 <sup>3</sup> / <sub>4</sub>	0 7 <sup>1</sup> / <sub>2</sub>	I 2 <sup>3</sup> / <sub>4</sub>	Bor.
11	29 9	51	84	155	7					id.
12	29 8	52	100	155	15					Id.
12	29 8	54	80	155	11					Id.
11	29 9	53	96	156	6					Eur.
12	29 8	57	92	155	4					Bor.
12	29 9	56	92	154	11					Bor. eur.
12	29 9	55	104	155	4					id.
12	29 9	58	112	156	4					id.
12	29 7	60	84	154	9					Bor.
11	29 7	60	80	155	0					Id.



# J U N I U S.

Dies.	Hora Mat.	Barom.	Therm.	Pul. in min. r.	Pondus Maur.	Urina. Noctur.	Persp. Noctur.
1	7	29 6	40	76	158 2 $\frac{1}{2}$	0 15 $\frac{1}{2}$	0 12
2	8	29 6	37	84	157 12 $\frac{1}{2}$	0 11 $\frac{1}{2}$	0 14
3	9	29 6	39	80	158 2	0 15	0 10
4	9	29 9	40	80	158 12	I I	0 12
5	7	29 8	39	80	157 15	0 13	0 8
6	9	29 7	37		157 10	0 9	0 10
7	8	29 5	43	80	157 15	0 11	0 10
8	8	29 4	43	80	158 8	0 14	0 10
9	9	29 5	44	72	159 6	0 13	0 8
10	7	29 6	45	80	158 12 $\frac{1}{2}$	0 13 $\frac{1}{2}$	0 8
11	10	29 6	46	84	158 I	I 00	0 10
12	8	29 5	47	84	157 7 $\frac{1}{2}$	0 11 $\frac{1}{2}$	0 8
13	8	29 5	45	84	157 9	0 10	0 8
14	8	29 5	44	72	158 4	I 0	0 10
15	8	29 6	45	80	158 15	0 10	0 7
16	7	29 6	44	76	159 5	0 10	0 8
17	7	29 5	45	76	159 2	0 15	0 9
18	8	29 4	46	88	158 7 $\frac{1}{2}$	0 9 $\frac{1}{2}$	0 9
19	7	29 4	43	84	159 12	0 8	0 7
20	9			76	159 3	I 6 $\frac{1}{2}$	0 9 $\frac{1}{2}$
21	6	29 6	44	68	160 2	0 12 $\frac{1}{2}$	0 8
22	8	29 5	44	84	159 9	0 11	0 9
23	8	29 6	46	80	159 14	0 10	0 10
24	9	29 5	41	92	160 1 $\frac{1}{2}$	I 0 $\frac{1}{2}$	0 10
25	10	29 5	40	72	159 4	I I	0 11
26	7	29 4	43	80	158 8	0 7	0 8
27	8	29 5	43	80	159 2 $\frac{1}{2}$	I 4 $\frac{1}{2}$	0 10
28	8	29 9	40	80	159 12 $\frac{1}{2}$	0 10 $\frac{1}{2}$	0 10
29	9	29 9	40	84	158 9	0 7	0 8



# J U N I U S.

Mo. ve.	Barom.	Therm.	Puls. in min. 1.	Pond. Noctur.	Cibus & Potus. diurnus.	Urina Diurna.	Excretio Alvina.	Perf. Diurn.	Genera Vent.
I 2	29 7	36	108	159 6					
I 2	29 6	37	100	159 11					Not. Ze.
II 29	8	37	88	160 9					Bor.
I 2	30	36	92	159 4					Id.
I 2	29 9	34	88	158 13					Id.
II 29	6	39	100	159 4	5 6	I 3 $\frac{1}{2}$	0 5	2 3 $\frac{1}{2}$	Id.
II 29	4	41	92	160 0					Zephyr.
I 2	29 4	44	72	160 11	5 5 $\frac{1}{2}$	I 12 $\frac{1}{2}$	0 0	I 6	Bor.
I 2	29 5	44	76	160 2					Id.
II 29	6	45	80	159 11					Id.
I 2	29 6	44	100	158 11					Id.
I 2	29 6	43	104	158 11					Id.
II 29	5	44	88	159 14	6 I	I 4	0 2 $\frac{1}{2}$	2 5 $\frac{1}{2}$	Id.
I 2	29 6	43	88	160 0					Id.
I 2	29 7	42	100	160 7	5 4	I 6 $\frac{1}{2}$	0 4	2 1 $\frac{1}{2}$	Id.
II 29	5	43	76	160 10					Id.
II 29	5	45	100	159 10	4 II	2 I $\frac{1}{2}$	0 6	I II $\frac{1}{2}$	Id.
I 2	29 4	42	92	160 11					Eur.
I 2	29 5	44	84	161 3					Bor.
II 29	7	41	84	161 6	5 2	I 4 $\frac{1}{2}$	0 0	I 10 $\frac{1}{2}$	Id.
II 29	5	43	92	160 13					Id.
II 29	7	42	84	161 2					Id.
II 29	6	42	104	161 12					
I 2	29 5	40	88	161 0	4 8	I 9	0 10 $\frac{1}{2}$	I 6	Not. Ze. Zephyr.
I 2	29 5	40	80	159 7					Bor. Ze.
I 2	29 5	41	76	161 1					Bor.
I 2	29 9	37	100	161 1					
2	29 9	37	100	159 8					



# Tabula Prima Observationum

	Dies.	no. mat.	Barom.	Therm.	Puls. in min. 1.	Pond. Mercur.	Urin. Mercur.	Perf. Noctur.
Aug. }	3		29 9	21				
	4							
	5	6	29 6	25	80	160 7	0 8	0 6
	6	7	29 5	21	80	160 4	0 11	0 11
	7	9	29 4	28	72	160 6	1 00	0 11
	8	Perspiratum est per 3 horas à prandio ad 3vi.						
	15							
	16	8				160 10	0 11	0 8
Dec. }	17	8	29 5	31	80	160 9	0 11	0 13
	30							
	31	10	29 3	85	80	160 14 <sup>1</sup> / <sub>2</sub>	0 13	0 6
	1	10	29 4	86	84	160 13 <sup>1</sup> / <sub>2</sub>	0 15	0 5
Jan. }	2	10	29 4	84		160 12 <sup>1</sup> / <sub>2</sub>	0 11	0 6
	3	10	29 1	91	80	160 11	0 13 <sup>1</sup> / <sub>2</sub>	0 6
	4	10	29 4	83	80	160 2	0 13 <sup>1</sup> / <sub>2</sub>	0 5
	13		29 2	83				
	14		29 2	73				
	12							
	13	9	29 5	84	82	159	1 6	0 6
	14	10	29 6	81	84	158 13	0 12	0 7
	16	10	29 3	87	88	159 4		
	17	9	29 1	87	84	158 8	0 8	0 6
Feb. }	19							
	20	9	29 4	74	92	158 12	0 9	0 4
	21	8	29 5	72	72	159 6	0 10	0 5
	22							
	23	7	29 7	80	65	160 11	0 10	0 4



# Variorum Annorum

no. no. ft.	Barom.	Therm.	Puls. in min. 1.	Pond. Noctur.	Cibus & Potus.	Urina Diurna.	Excretio Alvina.	Perf. Diurn.	Genia Vent.
II 29	7 21	96	161	5					
II 29	6 18	92	161	10					
II 29	4 25	92	162	1	6 0 $\frac{1}{2}$	2 12 $\frac{1}{2}$	0 0 1	7	
Erat perspiratio 2 horarum à prandio 3iiss.									
II 29	8 29	92	161	13					
II 29	7 30	76	162	1					
									Eur.
I 2 29	6 8	180	162	1 $\frac{1}{2}$					Bor. Eu.
II 29	1 9	284	162	1 $\frac{1}{2}$	3 15	1 5 $\frac{1}{2}$	0 0 1	6 $\frac{1}{2}$	Bor. Eu.
I 2 29	4 8	680	161	3 $\frac{1}{2}$	3 10	1 1	0 6 1	13	Bor.
I 1 29	3 8	5	161	14 $\frac{1}{2}$	4 2	1 1	0 0 1	15	Eur.
I 2 29	4 8	384	161	5	3 11	1 5 $\frac{1}{2}$	0 3 1	8	Bor.
I 2 29	5 8	282	160	12					
II 29	6 8	190	160		4 9	1 5 $\frac{1}{2}$	0 9 1	10 $\frac{1}{2}$	Bor. Ze.
I 1 29	3 8	496	158	14	2 15	1 5 $\frac{1}{2}$	0 0 1	15 $\frac{1}{2}$	Eur.
I 2 29	4 7	5	159	9					
II 29	5 7	288	160	5	4 10	1 3	0 7 1	7	Eur. Not.
II 29	6 6	9100	161	9	5 7	1 8	0 0 1	12	Id.
I 2 29	7 6	492	161	9					



# T A B U L A II.

	Dies.	h. or. ma.	Barom.	Therm.	Pondus. Matut.	Uin. Matut.	Perfp. Noctur.
Marti.	20						
	21	9	29 1	64	161 15	0 11	0 7
	22	8	29 1	67	160 10 $\frac{1}{2}$	0 14 $\frac{1}{2}$	0 7
	26						
	27	9	29 4	64	161 7 $\frac{1}{2}$	1 3 $\frac{1}{2}$	0 5
	28	8	29 2	62	161 9	1 0	0 5
	29	9	29 4	61	161 15	0 11	0 6
	30	7			161 0	0 10	0 5
Aprilis.	3						
	4	9	29 2	50	158 12	0 13	0 8
	5	9	29 4	52	158 12	0 11	0 10
	6						
	7	8	29 7	49	160 5	0 12	0 9
	9						
	10	8	30 1	43	159 6	0 8	0 10
	18						
	19	7			159 2	0 7	0 8
	26						
	27	8	29 8	50	158 7	0 7	0 8
Majus.	18						
	19	9	29 6	48	158 11 $\frac{1}{2}$	0 13 $\frac{1}{2}$	0 9
	20	8	29 6	47	156 13	0 10	0 8
	21	8	29 5	46	157 6	0 13	0 9
	22						
	29						
	30	9	29 5	44	158 3	1 0	0 9
Junius.	6						
	7	9	29 8	40	156 1 $\frac{1}{2}$	0 8 $\frac{1}{2}$	0 9
	8	9	8	41	158 6 $\frac{1}{2}$	0 10 $\frac{1}{2}$	0 9
	9	7	29 8	42	158 1	0 10	0 6



# T A B U L A II.

no. no. d.	Barom.	Therm.	Pond. Noctur.	Cibus & Potus.	Urina Diurna.	Excretio Alvina.	Perisp. Diurn.	Genera Vent.
10	29 2	60	162 1					
10	29 1	65	162 0					
12	29 7	61	163 2					
10	29 4	62	162 14	5 0	I 12	0 3 $\frac{1}{2}$	I 10	
11	29 4	59	163 0					
11	29 5	60	161 15	3 11	1 8	0 6	I 13	
11	29 1	50	160 1					
11	29 2	49	160 1	4 2	I 0 $\frac{1}{2}$	0 5	I 7 $\frac{1}{2}$	Auster.
11	29 7	46	161 10					
12	30 1	43	160 8					
11	29 4	50	160 1					
12	29 8	54	159 6					
12	29 7	47	160 0					
11	29 6	46	157 15	2 9	I 11	0 4	I 6 $\frac{1}{2}$	
11	29 6	44	158 12	4 14	I 9	0 0	I 6	
								Bor.
12	29 4	44	159 12					
11	29 8	39	157 3					
12	29 7	43	159 10					
11	29 8	40	159 1	3 10	I 6 $\frac{1}{2}$	0 5	I 4	Eur.



# T A B U L A III.

	Dies.	Horæ Mat.	Barom.	Therm.	Pondus Matut.	Urina. Matut.	Perf. Noctur.	Puls. in min. r.
Juli. } 1709.	23							
	24	8 29	9 32	158	9 $\frac{1}{2}$	0 6 $\frac{1}{2}$	0 8	
	25	8 29	7 36	158	2	0 7	0 9	
	26	9 30	0 35	158	0 $\frac{1}{2}$	0 11 $\frac{1}{2}$	0 8	
Sept. } 1711.	21							
	22	8 29	9 45	169	11 $\frac{1}{4}$	0 14 $\frac{1}{4}$	0 11	
	23							
	24	mane Pilulis purgatum est						
	25	8 30	1 46	167	8 $\frac{1}{2}$	0 9 $\frac{1}{2}$	0 11	68
	26	9 30	0 46	171	1	0 9 $\frac{1}{2}$	0 11	72
	27	9 29	9 43	169	3 $\frac{1}{2}$	0 10 $\frac{1}{2}$	0 7	80
	28	8 30	1 44	170	7	0 11	0 10	80
Jun. } 1712.	12							
	13	8 30	0 23	168	13 $\frac{3}{4}$	0 7	0 11 $\frac{1}{4}$	80
Jun. } 1713.	6							
	7	8 30	1 36	170	15 $\frac{1}{4}$	0 10 $\frac{1}{2}$	0 10	72
	8	9 30	2 35	171	11 $\frac{1}{2}$	0 11 $\frac{1}{2}$	0 8	76
	9	8 30	2 36	171	7	0 12 $\frac{1}{2}$	0 8	80
	10	9 30	2 34	169	7 $\frac{1}{2}$	0 8	0 8	68
	11	6 30	0 34	171	7 $\frac{1}{2}$	0 7	0 6 $\frac{1}{2}$	
	12	9 30	0 36	169	3 $\frac{1}{4}$	0 7 $\frac{1}{2}$	0 7	72
	13							
	14	9 30	2 33	170	13	1 0	0 9	76
	15							
	16	8 30	2 30	169	9 $\frac{1}{2}$	0 7 $\frac{1}{2}$	0 8	76
	21							
	22	8 30	0 28	170	13	0 10	0 10	92
Jul.	6							
Mar.	7	8 30	0 39	170	15	0 10	0 9	76
	10							
	11	8 30	2 59	177	14 $\frac{1}{2}$	0 11 $\frac{1}{2}$	0 9	80
	12	9 29	9 58	177	6	10 0	0 9	



# T A B U L A III.

no. noct.	Barom.	Therm.	Pond. Matut.	Cibus & Potus.	Urina Diurna.	Excretio Alvina.	Temp. Diurn.	Ven. flag.	Pul. in m. i. vesper.
12	30 0	29	159 8						
11	29 8	32	159 2	3 7	0 13	0 9	1 8 $\frac{1}{2}$	Not. Ze.	
12	29 9	35	159 4	4 2	0 15	0 5	1 12	Zeph.	80
11	30 0	33	160 4	4 12	1 3	0 0	1 5		84
11	29 9	43	170 5						80
11	29 9	40	168 13						100
12	30 1	45	172 5						92
12	29 9	40	170 5	5 3	0 13 $\frac{1}{4}$	3 0 $\frac{1}{2}$	2 1 $\frac{1}{4}$		80
11	30 0	42	171 12						84
1	30 1	18	170						92
12	30 1	36	172 3 $\frac{1}{2}$					Eurus.	80
12	30 2	34	172 14 $\frac{1}{2}$					idem.	92
12	30 3	35	172 11 $\frac{1}{2}$					idem.	72
12	30 2	33	170 8					S. E.	80
12	30 2	33	172 5					S.	92
12	29 9	34	170 2						76
11	30 2	30	172 6						80
12	30 1	29	170 9						72
12	30 0	25	172 1						94
12	29 9	37	172 2						80
11	30 2	57	179 3					Eurus.	84
12	30 0	56	178 9					Id.	88



# T A B U L A I V.

	Tempus.	Hora Mat.	Barom.		Therm.	Pondus		Urina.		Persp.		Puls. in min. r.
						lib.	un.					
June } 1714.	13											
	14	7	30	1	29	177	11	0	9	0	11	80
	22											
	23	8	30	1	21	178	0	0	9	0	13	80
	24	7	30	2	21	178	2	0	7	0	11	80
	25	8	30	3	18	178	13	0	9	0	13	84
Mar. } 1715.	27											
	28	7	29	7	55	172	5½	0	7½	0	9	76
	29	7	30	0	55	172	7½	0	9½	0	10	80
	30	7	30	0	51	173	3	0	8	0	8	80
Aug. } 1717.	1											
	2	8	30	2	30	174	4	0	7	0	9	80
	4											
	5	8	30	3	29	174	13	0	13	0	12	80
	9											
	10	8	30	3	36	174	8	0	10	0	10	80
Nov.	13											
	14	8	30	1	39	174	4			0	8	
	14											
Dec. } 1717.	15	8	29	7	60	174	13	0	8	0	8	70
	20											
	21	7	30	2	55	142	3	1	15	1	4	
	25											
	26	9	29	4	77	141	13	0	15	1	14	
	27	8	29	4	77	137	14	0	6	0	6	80
	28	9	29	6	80	139	02	0	12	1	0	



# T A B U L A I V.

ho. no. ft.	Barom.		Therm.	Pond. Noctur.		Cibus & Potus.		Urina Diurna.	Excretio Alvina.		Perf. Diurn.	Puls. in min. 1.	
II	30	I	2	178	15							94	
I2	30	I	19	179	6							100	
II	30	2	17	179	4							100	
I2	30	3	13	180	3							100	
II	29	5	54	173	6							92	
II	29	9	51	173	11							96	
II	30	0	48	174	3							92	
I2	30	I	29	175	4							92	
IO	30	2	26	176	6							92	
II	30	2	35	175	12							84	
II	30	I	37	174	12								
I2	29	9	60	175	13							92	
II	30	2		145	4							76	
II	29	5	77	144	10							84	
IO	29	4	75	137	2	00	0	0	I2	00	00	3	I5
2	29	7	80	140	14	8	06	2	8	00	II	2	3



# T A B U L A V.

	Dies.	hor. ma.	Barom.	Therm.	Puls. in min. i.	Pondus. Mart.	Uris. Mart.	Perp. Noctur.
Majus.	14	7						
	15	8	30	29	82	158 6	0 6	20
	16	8	29 7	34	72	157 13	0 8	23
	17	9	29 7	37	84	156 7	0 8	11
	18	9	29 9	39	80	156 5	0 7	12
	19	8	29 7	41	80	157 9	0 8	14
	20	8	29 8	39	84	158 1	0 7	13
	21	7	29 9	37	92	158 8	0 7	11
	22	8	29 9	34	92	157 00	0 6 $\frac{1}{3}$	10 $\frac{2}{3}$
	23	8	30 2	37	96	156 12	0 6 $\frac{2}{3}$	09 $\frac{1}{3}$
	24	8	30 4	37	84	155 15	0 5	11
	25	8	30 4	34	76	157 04	0 7	18
	26	8	30 3	34	92	156 11	0 7	21
	27	7	30 3	31	84	157 13	0 6 $\frac{1}{2}$	16 $\frac{1}{2}$
	28	7	30 1	27	80	157 2	0 6 $\frac{1}{3}$	19 $\frac{1}{3}$
	29	8	29 9	27	116	154 00	0 4 $\frac{2}{3}$	10 $\frac{2}{3}$
	30	8	29 9	29	92	155 07	0 7	12
	31	7	30 1	31	84	156 10	0 5	11
Junius.	1	7	30 1	31	80	157 1	0 7	16
	2	8	29 9	28	100	155 11	0 6 $\frac{1}{2}$	20 $\frac{1}{2}$
	6							
	7	9	29 9	32	88	157 09	0 9	13
	8	8	29 9	35	80	158 05	0 8	16
	9	8	29 8	33	92	157 9	0 8	16
	10	8	29 9	34	84	157 12	0 7 $\frac{1}{2}$	18 $\frac{1}{2}$
	11	9	29 9	34	80	157 10	0 6	17
	12	8	29 9	34	80	158 15	0 8	7
	13	9	30 1	34	88	157 8	0 12	16
	14	8	30 2	34	80	156 13	0 7 $\frac{2}{3}$	3 $\frac{1}{3}$
	15	8	30 1	33	84	158 12	0 8 $\frac{1}{3}$	16 $\frac{2}{3}$
	16	8	30	33	84	159 4	0 7	17
	17	9	29 8	34	84	158 2	0 9 $\frac{1}{3}$	14 $\frac{1}{3}$
	18	8	29 8	36	76	157 3	0 13	16



# T A B U L A V.

h. vel.	Barom.	Therm.	Pul. in min. r.	Pond. Necur.	Cibus & Potus.	Urina Diurna.	Excretio Alvina.	Perf. Diurn.
10	29 9	24	85	160				
10	29 8	29	84	159 12				
2	29 6	31	86	157 10				
12	29 9	34	84	157 8				
11	29 7	39	112	158 15				
11	29 7	41	92	159 12	1. un.	27 un	5 un.	1. un.
12	29 9	37	116	159 10	5 06			1 10
12	29 8	34	132	158 10				
11	30 1	35	104	157 12				
11	30 3	35	100	156 15				
12	30 4	34	120	158 13				
15	30 4	33	120	158 07				
10	30 3	29	100	159 04				
10	30 2	25	96	158 12				
10	29 9	25	104	154 15	00 00	un. 10	un. 2	1. un. 1 07
12	29 8	27	120	156 10				
12	30 1	30	120	157 10				
11	30 1	31	84	158 8				
11	29 9	27	112	157 6				
11	30	31	104	158 15				
11	29 8	34	096	159 13				
10	29 9	32	96	159 01				
12	29 9	32	164	159 6				
11	29 9	34	100	159 1				
12	29 9	34	104	160 8				
11	30	32	116	159 4	1. un.	1.	1.	
11	30 2	32	84	158 2	3 04	1 02	0 05	1. 1 7
12	30 1	33	108	168 5				
11	30	31	96	160 13				
11	30 1	34	80	159 07				
10	29 9	32	92	159	1.			
11	29 9	32	88	156 1	3 06	1 08 $\frac{1}{2}$	0 04	1. un. 2 11 $\frac{1}{2}$



# T A B U L A VI.

Hæc Tabula Perspirationem, & Urinam in una hora, tam interdiu, quam noctu per singulos menses excre- tam, exhibet.

PERSPIRATIO.			U R I N A.		
Nocturna.	Diurna.	Mensis.	Nocturna.	Diurna.	
un.	un.		un.	un.	
0 961	1 477	Januarius.	1 209	1 974	
850	1 677	Februar.	1 362	1 722	
892	1 348	Mart.	1 589	2 382	
951	1 543	Aprilis.	1 666	2 087	
1 114	1 872	Majus.	1 758	1 382	
1 115	2	Junius.	1 534	1 609	
1 329	1 582	Julius.	1 498	545	
1 093	1 526	Augustus.	1 147	1 439	
1 104	1 561	Septem.	1 5	333	
950	1 355	Octob.	1 296	1 822	
875	1 515	Novem.	1 431	1 835	
934	1 348	Decem.	1 202	1 581	
12 168	18 804		17 192	20 711	



## OBSERVATIONES

Unius Anni *Continui*, ad Menses singulos, eo quo jam descripti sunt ordine accommodatæ.

## Mensis JULIUS.

Die 3. **P**lenilunium.

10. **C**œnatum est solito largius.

13. Luna in Perigæo.

14. Hora somni, hausta est hydromelitis libra una.

18. Novilunium.

23. Cœna nulla, liberius solito de vino potum est, idque ad hilaritatem tantummodo semper intellectum velim.

24. Post somnum matutinum, erupit sudor.

26. Vigilanti mane corpus sudore madidum erat. Luna in Apogæo.

29. Cœna nulla, nec à prandio potatum est.

## Mensis AUGUSTUS.

Die. 1. **C**œna nulla.

2. **C**œna nulla. Plenilunium.

3. Purgatum est radicum Jullapii ℥ii.

4. Incœnatum est.

5. Purgatum est cum Elixir salutis ℥iii.

8. Multa equitatione defessus.

9. Luna in Perigæo.

12. Equitando defessus.

14. In cœnam fuit mucilago avenacea.

16. In cœnam fuit mucilago avenacea. Novilunium.

18. Multum equitatum. Universa cutis, hora somni, setaceo perfricata est.



## 164 OBSERVATIONES UNIUS ANNI

20. Multa equitatione lassus.

22. Corpus setaceo ad ruborem, lecto pocumbens, perfricatum est.

23. Luna in Apogæo.

26. Hæc ponderis diminutio multæ equitationi debere videtur.

27. Spatio 24. horarum ex quinque libris cibi ac potus, fere duas retinet corpus, ut ad solitum redeat pondus, & labore consumptum reficiat.

30. Plenilunium.

### Mensis S E P T E M B E R.

Die 1. **M**Ultum equitatum est.

2. **M**Post nocturnam ponderationem, elicatum est balneo aquæ tepidæ pondus unius libræ, & unciarum octo: potatum est Hydromeli ad  $\text{zvi}$ . &  $\text{ziii}$ . unde nocturna perspiratio fuit unciarum  $13\frac{3}{4}$ .

3. Ducta est alvus *sale mirabili Glauberi*.

5. Non bene dormitum est noctu.

6. Solito liberius potum est. Luna in Perigæo.

10. Perspiratum est per sex horas à prandio pondus uncinarum  $10\frac{1}{2}$ .

11. Perspiratum est per tres horas ante prandium pondus uncinarum  $4\frac{1}{2}$ .

12. Nox inquieta.

14. Novilunium. Perspiratum est per quinque horas à prandio equitando absumptas, & , vento fortiter flante, pondus uncinarum  $13\frac{1}{2}$ . Coena nulla.

17. Incoenatum est.

19. Perspiratum est spatio  $2\frac{1}{2}$ . horarum à prandio quatuor uncinarum pondus.

20. Per-



20. Perspiratum est per duas à prandio horas ad  $3\frac{1}{4}$  uncias, & per duas horas subsequentes, in quibus major fuit motus ad  $4\frac{1}{4}$  uncias. Luna in Apogæo.

21. Perspiratum est inter horam nonam matutinam, & meridiem ad  $5\frac{1}{4}$  uncias; spatioque duarum horarum apud ignem ad uncias  $4\frac{1}{4}$ .

22. Inter horam octavam matutinam, & meridiem erat perspiratio unciarum  $3\frac{3}{4}$ .

23. Perspiratum est per quatuor horas & dimidium equitando ante prandium, ad uncias  $9\frac{1}{2}$ .

24. Perspiratio trium horarum ante prandium erat unciarum sex. De ostreis coenatum est.

25. Perspiratum est spatio  $2\frac{1}{2}$  horarum ante prandium ad uncias 5.

29. Perspiratum est per  $3\frac{1}{4}$  horas ante prandium ad uncias  $9\frac{1}{2}$ . In coenam fuere ostreæ.

27. Fuerant in coenam fungi esculenti.

30. Plenilunium.

### Mensis OCTOBER.

Die 3. **L** Una in Perigæo.

6. **L** Pro cæna fuit Triticum coctum, & butyro conditum.

7. In coenam fuerunt ostreæ. Lecto alterum impositum est stragulum.

9. Coena nulla.

10. Perspiratæ sunt per quatuor horas ante prandium undecim uncia. Coenatum de ostreis.

14. Novilunium.

16. In coenam fuere ostreæ.

17. Potum est mane de aquis Bathoniensibus ad li-



bram unam. Perspiratio duarum horarum ante prandium erat unciam quatuor. Luna in Apogæo.

18. Erat Perspiratio  $3\frac{1}{2}$  horarum ante prandium equitanti unciam  $5\frac{1}{2}$ ; a prandio etiam, equo insidenti, per horas 5 perspiratio erat  $9\frac{1}{2}$  unciam.

21. Stragulis fudatum est.

22. Stragulis fudatum est.

24. Perspiratio trium horarum tam ante, quam post prandium, erat unciam trium, & dimidiæ.

29. Plenilunium.

31. Luna in Perigæo.

### Mensis NOVEMBER.

Die 6. **P**erspiratæ sunt per tres horas à prandio uncia tres.

8. Præter consuetudinem potum est.

9. Perspiratio duarum horarum ante prandium erat duarum unciam.

11. Aqua Bathoniensis ad libram unam, & uncias undecim pota est.

12. De iisdem aquis iterum ad uncias 14 potum est.

13. Novilunium. Cœna nulla.

14. De ostreis cœnatum est. Luna in Apogæo.

16. Liberior solito potum est.

18. Stragulis fudatum est.

19. Incoenatum est.

20. Potum est ad libram unam de *Punch*.

21. Eadem quantitas liquoris prædicti pota est.

24. Cœna nulla.

27. Luna in Perigæo.

28. Plenilunium.



Mensis D E C E M B E R.

- Die 3. **P**otatum est vesperi de *Punch*.  
 5. **P** De eodem liquore iterum potatum est.  
 11. Incoenatum est. Luna in Apogæo.  
 13. Novilunium.  
 19. Potatum est vespere de hydromelite forti.  
 25. De hydromelite iterum potatum est. Luna in Perigæo.  
 27. Plenilunium.

Mensis J A N U A R I U S.

- Die 1. **I**ncoenatum est.  
 8. **I** Luna in Apogæo.  
 11. Novilunium.  
 13. Incoenatum est.  
 18. Potatum est hora somni de *Bohea Tea*, ad libram.  
 20. Suscepto, à capite raso, frigore; tussis invasit.  
 21. Potatum est mane de *viridi Tea*, ad libram unam, uncias undecim; & vespere de *Punch*, ad libram unam, uncias decem.  
 22. Luna in Perigæo.  
 26. Plenilunium. Potatum est vespere de *Punch*, cum *viridi Tea* composito, ad libram unam semis.

Mensis F E B R U A R I U S.

- Die 4. **D**ucta est alvus *Sale Cathartico amaro*. Luna in Apogæo.



## 168 OBSERVATIONES UNIUS ANNI

9. Potatum est de Vino , liberius solito.
10. Novilunium.
15. Tantæ perspirationis nocturnæ , nulla causa pro-  
catartica patet.
18. Luna in Perigæo.
19. Nec hujus diminutionis causa innotescit.
24. Plenilunium.

### M E N S I S M A R T I U S.

Die 3. **L** Una in Apogæo.

8. **L** Potatum est de aquis Bathoniensibus ad libram  
unam , uncias septem ; de Tea ad uncias duodecim.

9. Aquæ Bathoniensis uncia quindecim potæ sunt ,  
de Tea uncia duodecim.

10. Eadem aquæ Bathoniensis quantitas hausta est.

11. Eadem aquæ Bathoniensis & Teæ quantitas hau-  
sta est. Novilunium.

12. Nec cœnatum , nec potatum.

17. Luna in perigæo.

21. Potatum est vespere , hinc illa urinæ quantitas  
mane , perspiratio vero parum immutata est.

22. Incoenatum est.

25. Plenilunium.

30. Luna in Apogæo.

### Mensis A P R I L I S.

Die 7. **N** E C cœnatum , nec potatum est.

9. Novilunium.

13. Luna in Perigæo.

20. Non cœnatum est.

23. Plenilunium.



27. Luna in Apogæo.

Mensis M A J U S.

Die 8. **N**Ovilunium.

11. **N** Luna in Perigæo.

23. Plenilunium.

24. Nec cœnatum est; nec potatum.

25. Luna in Apogæo.

Mensis J U N I U S.

Die 7. **L** Luna in Perigæo.

13. **L** Potus fere libras quatuor ponderabat. Cœ-  
lum Pluvium.

16. Nec cœnatum, nec potatum est.

19. Potum est de Tea, hora decubitus.

21. Luna in Apogæo.

22. Plenilunium.

25. Cœna parca.

26. Potatum est vesperi.

# OBSERVATIONUM

## Variorum Annorum

### T A B U L A I.

AUG. **P**Erspirata est per quatuor horas à prandio li-  
Die 3. **P**bra una, quo tempore pulsus in minuto pri-  
mo erant 92.



4. Corpore nudo dormitum est.

5. Perspiratio per tres horas ante prandium erat unc. octo.

6. Die pluvioso, potatum est mane ad libras duas aquarum chalybeatarum.

15 Perspiratum est per tres horas à prandio ad uncias Novem.

DECEMB. die 3. Gelu Nivale.

JANUAR. Totos dies apud focum assidebam, unde perspiratio diurna erat major, nocturna minor quam in Januario anni præcedentis; nocturna perspiratio unius horæ est unc. 54. diurna 1 unc. 97, & summa utriusque est ad summam utriusque in anno præcedente ut 2. 438. ad 2. 51; adeoque ignis calor in tempestate frigidissima perspirationem provocavit.

13. Perspiratum est à prandio ad uncias quinque per tres horas.

14. Perspiratum est per duas horas ante prandium ad uncias quinque, & per duas à prandio ad uncias quatuor. Gelu solutum est.

FEBR. Die 13. Gelu adstrictissimum: susceptum est frigus, unde Tonsillarum dolor.

15. Noctu capite nudo dormitum est, unde dolori tonsillarum gravis accessit tussis.

16. Per quinque à prandio horas perspiratum est ad uncias decem. A cœna apud focum liberius perspiratum est. Gelu iterum solutum est.

22. Ab hora 6. matutina ad primam post meridiem erat perspiratio equitanti ad libram unam.

Hic iterum, quanquam nocturna ac diurna perspiratio, à perspiratione mensis Februarii anni præcedentis differat, utriusque tamen summa est æqualis.

Hic



Hic nocturna unius horæ est unc. o. 58. Diurna i. 94.

T A B U L A II.

**M**A R T. die 28. Mutatis vestibus, tenuioribus additum est indusium; è panno Wallico, cuti proximum, ut æquus maneret vestium calor.

M A I I die 20. Detractum est indusium illud pannum.

J U N I I die 6. Purgatum est.

T A B U L A III.

**S**E P T E M B. die 26. Erat potus trium librarum.

J U N. die 7. Sero & plenius cœnatum est.

9. Incoœnatum est.

11. Cœna nulla.

T A B U L A IV.

**J**U N I I die 24. inter horam decimam & meridiem, cum *Thermometer* gradum 15. tenebat, perspiratio erat unciarum sex.

25. Liquore in thermometro ad gradum 13. evecto, erat duarum horarum perspiratio unciarum septem.

A U G. die 5. Curriculo inveccto erat perspiratio trium horarum cum dimidio, unciarum sex, liquore thermometri ad gradum 30 elevato.

D E C E M B. die 25. Lucubraturum est in cubiculo, in quo aër, igne calefactus, thermometrum ad gradum 35. elevabat.

26. Ambulatum est ad sextum ab urbe lapidem.

27. Hac nocte octodecim humoris uncias ex aëre ad se somnians attraxit.



## T A B U L A V.

Continens Observationes à Juvene æt. 23. factas.

**M** A I I die 14. Nihil aut cibi, aut potus hac nocte assumebatur.

15. His etiam noctibus ab edendo & bibendo abstinebatur.

18. Cœnatum est solito largius.

21. Pulsus ambulando crebrior, sudor etiam toto corpore prorupit.

23. Incoenatum est.

24. Iterum incoenatum est.

25. Corpus multum ambulando defessum est, pulsus item acceleratus.

27. Hæc nox sine somno agebatur.

29. Ab hora sexta ad octavam mane dormiendo, perspiratum est ad tres uncias. Pulsus, hesternis jejuniis acceleratus, solitum numerum longe excedebat.

30. Pulsus ambulando acceleratus est.

JUN. die 1. Pulsus ambulando acceleratus est.

6. Corpus longo itinere defatigatum est, sitis eadem de causa ingravescens, non nisi frequentibus poculis sedabatur.

12. Pulsus equitando acceleratus, sitis, quæ urgebat, solito largius potando extincta; hinc urina noctu copiosius excreta est.

14. Hac nocte nihil alimenti; sequenti vero, utriusque generis non parum assumebatur.



## APHORISMI STATICI.

**C**UM omnia, quibus vescuntur homines, non in succos & sanguinem cedant; ad supervacanea & purgamenta amandanda certos exitus provida natura paravit.

Insigniores Corporis exitus sunt *Alvus*, *Renes*, *Cutisque Pori*; per quos quanta sunt quæ quotidie egeruntur, *Staticis* experimentis innotescit.

Cum ab ingestis & egestis plurimi oriuntur morbi, prima horum semina sæpe ex ponderatione, ex læsis partium officiis postea Incrementa, cognoscuntur.

Quod per alvum excernitur in uno die, est communiter ponderis unciarum quinque.

Urina unius diei, vel viginti quatuor *horarum*, est *duarum librarum*, & unciarum fere sex.

Perspirationis quotidianæ pondus ad uncias triginta plus una assurgit.

Hæc variantur pro ratione temperamenti, ætatis, cibi & potus, somni, & vigiliæ, exercitii & quietis, & pro anni tempestatibus.

Utcunque evacuationum rationes inter se à variis causis mutantur; in saluberrimo tamen corporis statu, omnium egestorum summa omnium ingestorum summæ est æqualis.

Quantitas urinæ diurna, major est quam nocturna.



Æstiva perspiratio, hyemalem longe excedit.

Perspiratio diurna est nocturnæ sesquialtera.

Nocturnæ perspirationis diminutio non auget quantitatem urinæ, nec aucta diurna urinæ quantitas diurnam perspirationem minuit.

Si inter somnum & vigiliam diem æqualiter dividamus, perspiratio unius diei est 30 unciarum, 97 partium decimalium, vel septem drachmarum.

Si octo tantum horas lecto indulgeamus, summa perspirationis diurnæ ad uncias triginta & tres ascendit.

Dies pari ratione divisus reddit urinæ uncias triginta novem. Quantitas perspirationis, cæteris paribus, caloris gradui respondet.

Quantitas urinæ, potus quantitati est proportionalis. *Vide Martium 8, 9, 10, 11, 12. Junium 19.*

In die æstivo maxima perspiratio est trium fere librarum, in hyemali minima est sesquilibra. *Vide Junii diem 13. & Januarii 20.*

Inter maximam & minimam perspirationem uncia triginta & tres, fere mediæ proportionales sunt; quem numerum ex tabulis præcedentibus collectum pro perspiratione quotidiana stabilivimus.

Ea, quam perspiratio naturalis patitur, latitudo, est inter sesquilibram, & tres libras; hos limites nunquam transit salubris & naturalis perspiratio; sed modo hic, modo illuc, pro varia corporis conditione, inclinatur.

Ultra citraque latitudinem suam naturalem perspiratio fertur, vel calore & exercitio, vel frigore & quiete.

Calore, motu, & exercitio uncia duæ vel tres, inter-



terdum quatuor perspiratione spatio unius horæ expelluntur. *Vide Septembrem, Octob. & Observationes Var. Annorum Aug. 3. 5. 15. Jun. 24, 25.*

Quanto major est perspiratio motu aut exercitio elicitā, tanto minor est per subsequentes horas, corpore quiescente. *Sept. 14. 23. Obs. Var. An. Aug. 3. 4. 5.*

Frigore & Quiete, perspiratio unius horæ est vix semiuncia. *Vide Feb. 18. Obs. var. ann, Jan. Feb.*

Abequitatione perspiratio promovetur, *vide Septemb. Obs. var. ann. Tab. 1. Febr.*

A balneo aquæ tepidæ perspiratio unius horæ ad sesquilibrium assurgit, nec subsequentium horarum perspiratio, à præcedente evacuatione inhibetur.

Non minor est perspiratio à foco hyeme elicitā; quam à sole in die æstivo. *Febr. 15. Obs. var. ann. Tab. 1. Jan. Feb. 5.*

Minus perspirat nimio exercitio defatigatus *Aug. 12. 20.*

Perspirationem inhibet frequens in lecto agitatio. *Septemb. 15.*

Motus corporis agentis, & agitatio corporis in lecto contrarios prorsus effectus producant; hæc perspirationem sistit, illa promovet.

Minus perspirant, qui corpore nudo & aëre aperto dormiunt. Cum somnus & urinæ & perspirationis excretionem impedit, nimius certe corpus languidum & justo ponderosius reddit.

Quo major est diurna perspiratio, eo minor est nocturna. *Obs. var. an. Tab. 1.*

Perspiratio nocturna, est interdum solita dimidio minor, nullo insequente malo. *Vide Jul. diem 27. 29. Aug. 8. Sep. 5. 24. 26. Feb. 19.*

Pers-



Perspirationem nec inhibet, nec promovet cutis perfricatio. *Aug.*

Adiapneustia non est causa tussis. *Jan. 20. Obs. Var. Ann. Feb. 15. Tabula 1.*

In æqualibus temporibus corporis pondus à sudore magis diminuitur, quam ab insensibili perspiratione. *Jul. 24. 26.*

Si corporis pondus evacuationibus largioribus diminuat, ad solitum pondus brevi redit, majori pabuli vel copia, vel retentione, vel humidi aëris attractione. *Aug. 3. 5. 27. Sep. 3. Obs. Var. Ann. Sep. 24. Tabula 3. Dec. Tabula 4.*

Medicamenta Purgantia perspirationem non impediunt. *Febr. 3. Aug. 3, 5. Obs. Var. Ann. Sep. 26. Tabula 3.*

Quantitas ciborum & potus est ad perspirationis quantitatem, ut 2. 2 ad 1.

Si Cibus & potus in uno die sit ponderis quatuor librarum cum dimidio, erit perspiratio istius diei duarum librarum, urina totidem librarum & quinque unciarum, & excretio alvina trium unciarum.

Evacuationes naturales non sunt corporis ponderi, sed debitæ victus rationi proportionales.

Cuique corpori sua victus ratio est, cujus defectu corporis pondus diminuitur excessu augetur.

Victus quotidiani modus corpori Observationes præcedentes exhibenti conveniens, est circiter quatuor libras, hic enim modus ad idem fere pondus corpus quotidie reducit; quo vero deficiente deficit, aucto autem, pondus augetur.

Si victus modus sit debito major aut minor, tum ingesta non respondent egestis; sive enim plus, sive minus



nus comedimus , certam sibi normam in evacuationibus servat natura.

Hæc evacuationum norma quandam latitudinem habet , & quo major est cuique evacuationum latitudo , eo minus is morbis est obnoxius.

Quanto quis justam victus rationem excedit , tanto corporis pondus auctum reddit , nisi violenta aliqua evacuatio superveniat. Cum enim certus est naturalis evacuationis modus , non omni ciborum quantitati exonerandæ sufficiens , necesse est , ut quod redundet , in corporis molem abeat ; aut si natura tantum onus recipere non sit idonea , vel morbo opprimitur , vel evacuatione præternaturali liberatur.

Quanto quis minus comedit , quam victus ratio requirit , tanto plus roboris ac ponderis amittit , & exinanitis vasibus , temporis cursu morti succumbit.

Norma victus est cuique appetitus non depravatus. Hoc monitore , unusquisque sine ponderatione convenientem sibi victus rationem cognoscit. Nunquam appetit natura plus aut minus quam sibi convenit. Evacuationibus naturalibus appetitus est proportionalis.

Qui multum aut parum comedit , & idem servat corporis pondus , si quid habet morbi , id non est vitiati appetitus.

Maximum præbent nutrimentum ostreæ , non ideo quod omnium ciborum sunt minime perspirabiles , sed ideo quoque quod aliorum ciborum perspirationem inhibent. Minus enim his noctibus perspiratum est , in quibus de ostreis coenatum est , quam in quibus nulla fuit cœna.

Is potus , quem nostrates *Punch* vocant , est & diureticus & sudorificus. *Jan. Nov. Dec.*



Liquorum tenuiorum potatio urinam provocat, perspirationem tamen parum afficit. *Feb. Mar. Jun. Nov.*

Non tantum à cibo Perspiratio, quantum à potu urina promovetur, nec urina, sicut perspiratio, annimutationibus respondet.

Inter perspirationem ante ac post prandium nulla observatur differentia; nec non-coenatus minus, quam coenatus perspirat.

Pulsus nocturnus matutino multo celerior est, idemque à prandio acceleratur.

Per omnes corporis poros continuus facilisque aëri patet ingressus & egressus.

Quæ in aëre sub vaporis specie circumvolitant aqueæ particulæ, à cute nostra attractæ, cum sanguine commiscuntur, & corpus pondere augent *vide Tabulæ 4. mensem Decemb.*

Corpora morbo aliquo extenuata, aut evacuatione exinanita, plus humoris ab aëre trahunt, quam repleta.

Plus attrahimus tempestate nebulosa, quam sicca; noctu, quam interdiu; dormientes, quam vigilantes; atque hinc fieri potest, quod nocturna perspiratio sit diurna semper minor.

Aeris humidum attrahunt vestes, ex quacunque materia compositæ, estque attractio vestium, superficie æqualium, in ratione ponderum.

Attractio vestium pondere æqualium, earum superficiebus respondet.

Vestium similium attractiones sunt in ratione composita ponderum, & superficierum.

Plus attrahunt vestes è partibus animalium compositæ, quam quæ è vegetabilibus conficiuntur.

Vestibus Bombycinis & laneis, si cœtera sint paria, eadem inest vis attrahens. Plus



Plus attrahit corium , quam aliud quodvis vestium genus.

Ex vestibus minime trahunt lintes.

Quæ colore nigro inficiuntur vestes , cæteris paribus, minus humidi ad se trahunt.

Quid lunæ phases , quid aëris gravitas , quid ventorum plagæ , in corpora efficiant , restat observandum.

## DISQUISITIO PRIMA.

*Impedita Perspiratio non est Frigoris  
suscepti Causa.*

**I**N rebus certe nullis errori magis patet intellectus humanus , quam in iis , quæ prima facie veri speciem præ se ferunt ; obvia quippe veritatis similitudo , ipsi veritati in tenebris latenti densiores offundit tenebras , nostrisque inquisitionibus quasi Obstaculum quoddam intercedit. Hujus nullum magis luculentum est exemplum , quam Medicorum de causa *Tussis* Opinio , quæ ita evidens videbatur , ut à nemine unquam ne in dubium quidem vocata , sed cujusque sæculi doctissimorum consensu comprobata fuerit. Nam cum certo certius esset , minorem esse perspirationem in aëre frigido quam in calido , cumque ab aëre per rimulas in cutem impulsio se frigus suscepisse , tum docti tum indocti percipiant , non inique aut absurde videbantur concludere , humorem per insensibilem transpirationem eliminari solitum , ab aëre frigido , cutis spiracula constringente , & occludente , intus detentum , & in pulmonis , faucium ,



nariumve glandulas depluentem, *Frigoris Suscepti* Symptomata excitare.

At quam aliena à veritate est hæc conclusio, Observationes præcedentes manifeste indicant; etenim eo quo frigus susceptum est die & per plures subsequentes, in quibus tussis graviter affligebat, nullo modo diminutam esse perspirationem invenimus. Stabilis igitur opinioni, & diu jam apud omnes receptæ, ipsa Experientia refragatur; quæ quidem per se satis est, cur homines, opinioni suæ non tenaciter addicti, hanc sententiam non amplius tueantur; at si eam rationis etiam trutina ultra examinemus, levissimis rationibus primum admissam inveniemus.

Nam primum in confesso est, *Tussim* ab aëre per rimam aliquam propulso, & in exiguam corporis partem, qualis est cervix, velocius adacto, sæpius suboriri. Sit ea cutis portio aëri patens, vicesima totius pars; si in hac parte perspirationem omnino suppressam ponamus, erat illa suppressio etiam totius perspirationis pars vicesima, at tantum magisque, à præcedentis diei perspiratione, deficere haud raro observatur perspiratio sequentis, nulla tussi insequente, alteriusve secretionis augmento.

Secundo ponatur à *Frigore Suscepto* decimam perspirationis partem intus detineri, id est, spatium unius diei, quæ à massa sanguinea exhauriri debuerunt, quatuor humoris uncia illi addantur. Jam quantitas humoris à glandula qualibet excreti (eadem manente sanguinis crassi) est ut sanguinis quantitas ad glandulam allati, quapropter quantitas humoris à glandulis *Narium* aut pulmonis post frigus susceptum excreti, erit ad quantitatem ante frigus susceptum à prædictis glandulis excretam, ut tota  
san-



sanguinis massa, quatuor unciiis aucta, ad totam massam sanguineam; id est, (si sanguis libras 25 æquiponderare supponatur) ut 304 ad 300, quæ certe tantilla est, ut sit omnino insensibilis.

Si totius cutis poros à frigore omnino occlusos supponamus, adeo ut massa sanguinea unciiis quadraginta augeatur, erit in hoc casu quantitas humoris à glandula quavis in statu naturali excreti, ad quantitatem præternaturaliter excretam, ut numerus 15 ad 17. At quantitas humoris per prædictas glandulas, frigore suscepto, effluentis, quantitatem naturaliter excretam sexies, imo plusquam decies exsuperat, uti cuique frequenti experientia satis constat, quapropter tantæ quantitati generandæ, repulsa à frigore cutis effluvia, haud omnino sufficiunt. Hic perspirationem totum diem repressam supposui, cum tamen tussi interdum statim afficimur, si exigua corporis pars paulisper modo aëri frigidiore exponatur. Porro sanguinis massa librarum 25 æstimata est, at hoc pondere certe tanto major est, ut si omnis perspiratio per plures dies omnino suppressa esset, aucta tamen sanguinis massa, humorum copiam ab aliis glandulis secretam non sensibilibiter immutare possit.

Ex quibus satis abunde patet, nec perspirationem à frigore suscepto diminutam esse, nec diminutam perspirationem tussim provocare, vel provocatæ humorem suppeditare posse. Cum igitur à quantitate sanguinis aucta non proveniat tussis, à qualitate mutata ut proveniat, necesse est, quæ sane qualitas ab aëre frigido inducitur, non cutis poros constringendo, sed sanguini se admiscendo, frigorificisque suis particulis (iisdem fortasse, aut similibus, quibus aquam congelat) qua-



rundam particularum sanguinearum copulam adaugendo ; adeo ut , qui ab hujusmodi copulis constituitur humor , *Pulmonis* , *Faucium* , *Nariumve* glandulas , copia , naturali longe majore , perfluat.

---

## DISQUISITIO SECUNDA.

### *De Corporis animati Vi Attrahente.*

Quaquam antiquæ , quæ apud Orientales Gentes floruit , literaturæ monumenta , à multis retro sæculis periere , nec quicquam eorum à Græcis non mutilatum ad nos pervenit ; ex confusis tamen fragmentis conjecturam haud inanem facere licet , & *Chaldæos* & *Ægyptios* , aliosque Orientales , rerum naturalium scientiam penitus intellexisse : nec ullam aliam gentem ad nostra usque tempora in hoc eruditionis genere illis palmam eripuisse credimus. Inter prima mundi sæcula , priusquam de imperii limitibus , vel jure regni , armis disceptatum est , vel ulla de religione quæstio movebatur , mens humana , scientiæ avida , rebus naturalibus unice incubuit , & doctrinam à Patribus traditam continua observationum serie nepotes excoluere. Sed cum easdem fortunæ vices non minus Artium Disciplinæ , quam ipsa imperia subeunt , cumque omnia humana stabili fatorum lege continue permutantur , nec virtus nec eruditio loca sua tenere possunt ; prius degenerare coepit orientalium sapientia , quam in *Græciam* transmigravit. Omni literatura floruit *Ægyptus* temporibus *Mosis* , à quo ad *Cyrum* , *Persici* imperii fundato-



datores, fere mille anni intercesserunt; quibus si sæcula *Mose* superiora, ad tantæ scientiæ acquisitionem necessaria, adjiciamus, excurret spatium multo longius, quam aliud quodvis, in quo sapientia apud unam gentem remansisse observatur. A *Cyro* ad *Alexandrum Magnum* per plusquam ducentos annos, continuis vexata bellis fuit, non solum *Ægyptus*, sed etiam tota *Asia*; unde quæ in florentissimo reipublicæ statu multa sæcula viguere artes & disciplinæ, diris nunc bellorum malis hebescere, & languescere cœperunt. Quis enim inter cognatorum funera, civitatum direptiones, civium servitutem & cædes, templorum incendia, legum cultusque divini mutationem, animum tantis claudibus infractum, & ad scientiam naturalem excolendam vacuum afferre potuerit? Deerat Principum cura & favor, deerat qui sumptus faceret. Apud *Chaldaeos* Magi, apud *Ægyptios* Sacerdotes, cum divinarum, tum humanarum scientiarum custodes male tractabantur. *Ægyptiorum* templa, in quibus scientiarum monumenta asservabantur, *Cambyses* dirui jussit, & in *Babylonia* Templum *Beli*, in cujus summa turris erat Observatorium Astronomicum sexcentos pedes altum *Xerxes* solo æquavit. His accedit alia *Priscæ Sapientiæ* deperditæ causa non minima, modus scilicet doctrinarum ἀπόρρητος literis non usitatis & vulgaribus, sed sacris & sacerdotibus propriis, Hieroglyphicis, ac symbolis conscribendi. Nam cum hisce characteribus, & quasi integumentis involutum fuit, quicquid exquisitioris in physiologia cognitionis habuerunt sacerdotes, non mirum, si per tumultuarium reipublicæ statum, intermisso monumentorum studio, quædam animis sacerdotum elaberentur, nunquam postea in memoriam revocanda; quod nullus



certus ac determinatus sensus hieroglyphicis ac symbolis constare potuerit: adeoque doctrinæ subtiliori, sacræ, & arcanæ, ab alio ad alium communicatæ, instar vini è vase in vas transfusi, usu venit, ut aliquid partis subtilioris amitteretur, impurique aliquid à vase contraheretur. Erat certe doctrina ex se ipsa difficilis & obscura, & arcana scriptura à paucis custodita, oblivioni maxime obnoxia. His rationibus inducti, veterum sapientiam, durante *Persico* dominatu languescere, & degenerare coepisse, persuasum habemus. At in hoc temporis intervallo erat, quod ad scientiam naturalem comparandam in *Ægyptum* & Orientem descenderunt eximii quique *Græcorum* Philosophi, ubi in Sacerdotibus Physiologiæ ardorem non tantum deferbuisse observabant, sed eos etiam, instar canis in præsepi, suis scientiarum monumentis incubantes, & à veterum sapientiæ communicatione omnino aliénos inveniebant. Quare cum in leniendis sacerdotibus, eorumque gratia præmiis ac obsequio confectanda, multos annos consumpserunt, alii alia veterum dogmata tandem extorquebant: Nulli vero thesauros suos integros aperuere sacerdotes, ut inde generalis totius suæ philosophiæ notitia haberetur: Sic cum philosophorum neminem prisca sapientia abundare, sed apud singulos fere aliquid antiquitatem redolens invenimus, quid de singulis rebus senserunt veteres ex universis omnibus colligimus. Inter hos celebratur *Thales*, quod *Solstitia* & *Æquinoctia* invenit, solisque defectum primus prædixit, at quis sanæ mentis *Ægyptios* viginti fere sæculorum observationibus potitos, æquinoctia & solstitia non animadvertisse putat? Certe si ullarum observationum, hujus tam obviæ, capaces erant. *Eclipsium* investigandarum methodus Astronomicis observationibus inni-



innititur, quibus *Græcia Thaletem* suppeditare non potuit; *Græcorum* enim Antiquissimæ, referente *Ptolemæo*, *Babyloniorum* novissimis erant tempore posteriores. Sed capta ab *Alexandro Babylone*, continuas fere à *Diluvio* ad illud tempus observationes *Callisthenes* reperiēbat; adeoque tempore *Thaletis*, nullam Astronomiæ operam *Græcia* insumpsit. Certum etiam est sacerdotes sacrorum monumentorum, suorumque annalium copiam nemini unquam largiri solitos; quos *Strabo* faciliora, tantum Theoremata docuisse scribit; quapropter necesse est, ut ab his eclipsium theoriā didicerit *Thales*; nec in nudis observationibus constitit veterum notitia, ut quidam autumant. Fertur *Thales* Diis bovem immolasse, quod trianguli in circulo inscriptionem invenerit. Rem sane exiguam! Nonne methodum defectum solis prædicendi Hecatombæ magis dignam censuisset, si sui ingenii proles, & proprii laboris merces fuisset? Hos peregrinationis fructus ex *Ægypto* in patriam retulit *Thales*; qui apud *Ægyptios* esse literaturæ fontem ipse confessus est, cum *Pythagoræ* author fuit, ut in *Ægyptum* sapientiam quærendæ causa commigraret; cuius quidem consilio obtemperavit *Pythagoras*, & apud *Ægyptios* & *Indos* quadraginta annos commoratus, verum mundi systema, dignum omnium laborum, quos perpeffus esse dicitur; præmium reportavit. Hos egregios viros *Ionica* & *Italica* familia fundatores habuerunt; è quorum discipulis alii cœlum esse fluidum & æthereum, alii astra esse totidem mundos igneæ naturæ; alii lunam terrestrem & habitabilem, alii vero planetas corpora opaca & circa solem in medio positum revolvi docuerunt. Nec profecto causas motuum cœlestium physicas ignorabant. Dixit enim *Anaxagoras* ὁ ἀλφειῶν



ὁ ἔργονος ἐκ λίθων συγκέειτο· τῇ σφοδρᾷ δὲ περὶ δυνάμει συνε-  
 ράνα, καὶ ἀνεθένα κατενεχθήσεσθαι. Quibus verbis patet  
*Anaxagoram* intellexisse Planetas per lineam rectam im-  
 pulsos, vi gravitatis in orbitis circa solem circumduci;  
 remittente vero motu rectilineo in Solem gravitate ca-  
 suros. Nec *Pythagoram* latuit planetarum gravitates in  
 solem esse reciproce, ut distantiarum quadrata à sole,  
 ut Cl. *Gregorius* in *Astronomiæ Physicæ Elementis* ex-  
 posuit. Hæc omnia à Barbaris, ut vocabantur, *Græ-*  
*cos* didicisse, plures testantur authores, in hac re ver-  
 satissimi. Qui igitur Eclipsium supputandarum metho-  
 dum, verum mundi Systema, & genuinas motuum  
 cœlestium causas ex accuratissimis plurium sæculorum  
 observationibus Astronomicis investigatas tenuere; quid  
 his abesse poterat de summa Astronomiæ scientia.

Quamvis sacerdotes arcanae suæ Philosophiæ perquam  
 tenaces invenerunt *Thales* & *Pythagoras*, qui inter pri-  
 mos in *Ægyptum* descenderunt; plura tamen, eaque  
 præstantiora didicerunt dogmata, quam Philosophorum  
 quivis, qui illos postea secutus est. Id enim temporis  
 erat *Babyloniis* & *Ægyptiis* malorum initium; at postea  
 bellis continue grassantibus, quæ pedem promoveri pri-  
 mum destitit Philosophia Naturalis, quotidie postea  
 gressum retro ferens languescebat, ac paulatim tandem  
 extincta est. Nam Physiologia non minus quam Elo-  
 quentia, pacis est comes, otiiq; socia, & jam bene  
 constitutæ reipublicæ quasi Alumna quædam. Hinc ve-  
 terum dogmata à sacerdotibus ipsis non satis intellecta,  
 à *Græcis* male concepta, multis eorum deliramentis con-  
 spurcata nos accepimus. Erant certe *Græcorum* ingenia  
 Scientiæ Morali quam Naturali excolendæ aptiora: nam  
 his, ut *Ægyptiis*, nullum unquam fuit stabile ac diu-  
 tur-



turnum regnum; sed dispersos homines primo congregavit *Orpheus*, *Ægyptiorum* sapientiæ peritus, & à fera agrestique vita ad humanum civilemque cultum deducens, judicia ac leges quodammodo descripsit: cumque postea plures simul floruerunt civitates, sibi invicem æmulæ, in iis, legibus, Institutis & armis adornandis & tuendis eximius quisque operam sedulo navavit. At post *Thaletem*, qui inter reipublicæ curas, studium Naturæ viro amplissimo non indignum putavit, exortuntur Philosophi, qui dum famam ab *Ægyptiis* & *Chaldeis* longa naturæ observatione acquisitam, ingeniosis cerebri commentis sibi præripere voluerunt, priscam Orientalium sapientiam magna ex parte amiserunt. Quæ res *Socrati*, Scientiæ Naturalis fastidioso occasionem dedit Philosophorum studia ad mores, vitam communem & rempublicam revocandi. In horum Philosophorum scriptis, quædam veteris Physiologiæ scintillæ comparebant, quas omnes verbis inanibus obscuravit *Aristoteles*, & Physiologiam, non rerum sed verborum explicatione subtilem, stabilivit.

*Democritus* tota peragrata *Asia* in *Græciam* atomorum doctrinam invexit: Hujus eruditi ac sagacissimi viri, & in Geometria, testante *Cicerone*, perfecti, si opera Physica superessent, multa certe veterum testimonio rata haberemus, quæ nunc omnino latent, vel non sine multa hæsitazione admittuntur. Huic coævus si non discipulus *Hippocrates*, totam suam Philosophiam in hoc posuit, quod res congeniæ se mutuo appetant, dissimiles vero à se invicem recedant.

Summis his viris non minus doctrina, quam tempore, inferior est *Epicurus*, qui *Democriti* principiis, atomis motu gravitatis per inane delatis, *Atomorum* incli-



nationem aut declinationem adjecisse dicitur, qua complexiones & copulationes & adhæsiones atomorum inter se effici vult ex quo efficeretur mundus, omnesque partes mundi, quæque in eo essent. Atomum perpaulum à linea gravitatis declinare dixit, quo nihil possit fieri minus, ejusque declinatio à *Lucretio* optime describitur. Lib. 2. l. 216.

*Illud in his quoque Te rebus cognoscere avemus:  
Corpora cum deorsum rectum per inane feruntur,  
Ponderibus propriis in certo tempore ferme,  
Incertisque locis spatio decedere paulum.  
Tantum quod Motum mutatum dicere possis:  
Quod nisi Declinare solerent, omnia deorsum,  
Imbris uti guttæ, caderent per inane profundum:  
Nec foret Offensus natus, nec Plaga creata:  
Principiis; ita nihil unquam Natura creasset.  
Quare etiam atque etiam paulum clinare necesse est:  
Corpora, nec plus, quam minimum, ne fingere motus  
Obliquos videamur, & id res vera refutet.*

Sed quam in mundi formatione, atomis attribuerat virtutem & potentiam *Epicurus*, eam omnem, mundo formato, materiæ eripuit. Nam cum materiæ particulas se mutuo petere, aut fugere, vi quadam ab illa atomorum inclinatione sane non diversa, *Hippocrates* docuisset; id *Epicuro* nequaquam placuit, adeo parum, quæ ab aliis ipse mutuatus est, eorum vim & rationem perspexit, aut quam late per omnem naturam pertinerent, ut eis consentanea & congruentia homo acutus redarguere voluerit: tam difficile est de rebus non factis



tis perceptis dicenti sibi constare. Quisquis certe fuit, qui atomorum hypothesein excogitavit, is proculdubio eximiam hanc materiæ vim, qua ad se mutuo tendunt particulæ, perspectam habuit; cui in omnibus suis operationibus principatum dedit natura. Hæc enim vis non nisi in minimis materiæ particulis, liberis, & ab omnibus aliis solutis, & à se invicem quam minime distantibus, se exerit. Qua re percepta totam mundi materiam in corpora exigua & solida divisit atomorum author, ut eis libera esset id omne efficiendi, quod natura effici possit. Sine hac atomorum inclinatione, est earum doctrina plane ridicula, & à multis eruditis graviter & merito diu jam explosa: Hac autem concessa & adhibita, totam naturam consentientem & conspirantem invenimus. Ita enim in omni natura fusa est hæc exiguorum corpusculorum virtus, ut nihil intimo rerum sinu perficiatur, quod huic non attribuendum esse videtur. Cum igitur universalem hanc materiæ facultatem ac potentiam, sedula ac diligenti naturæ observatione, investigaverunt, & plene intellectam habuerunt veteres, eos ad idem in phænomenis terrestribus cognitionis vestigium pervenisse ad quod in cælorum motibus pervenerunt, valde est probabile.

Atque hinc perspicuum est, id in *Epicuro* omnes omnium sæculorum philosophos reprehendisse, quod naturæ phænomenis optime congruit, ab iisque confirmatur; at ob id certe jure reprehendi debuit, quod in phænomenis naturæ explicandis eam materiæ vim ac potentiam neglexerit, qua, cum summa arrogantia ac impio ausu, in mundo fabricando usus est. At nihil vano philosopho arduum aut difficile, qui ut res sese nunc habent, non contentus est explicare, nisi etiam qua ra-



tione sic fieri ab initio potuerunt, exponat. Medici vero satis sibi esse putant, si quasdam naturæ operationes, quas ex officio attente observare debent, dilucidare possint. Multo igitur *Hippocrates* & modestius & rectius, qui ab *Epicuro* reprehenditur, cum generationem, & nutritionem, & animalium, & stirpium, & pharmacorum vires, hac materiæ inclinatione, seu, ut ipse vult, *attractione*, explicandas censuit. Quam enim in omni materia inesse observavit, ea ubique in sua philosophia uti non dubitavit. Nec tantum universalem hanc materiæ virtutem agnovit, sed etiam quasdam particulas à quibusdam fortius, quam ab aliis, attrahi posuit. In quarto de Morbis libro, ad hunc modum de humorum origine se explicat. Εἴ τι δὲ Φάγη ἢ πίνη ὁ ἄνθρωπος, ἔλκε τὸ σῶμα εἰς ἑαυτὸ ἐκ τῆ κοιλίης τῆ ἐκμάδου τῆ εἰρημότητος. Καὶ αἱ πηγαὶ ἔλκουσι διὰ τῆ φλεβῶν ἀπὸ τῆ κοιλίης ἢ ὁμοίῃ ἐκμάδῃ πᾶσι ὁμοίῃ, καὶ διὰ τῆ φλεβῶν ἀπὸ τῆ κοιλίης ἢ ὁμοίῃ ἐκμάδῃ πᾶσι ὁμοίῃ. Cum quis comederit aut biberit, corpus ad se ex ventriculo commemoratam humiditatem attrahit, & fontes per venas de ventriculo trahunt, similis humiditas similem, & in corpus distribuunt, non secus ac in plantis, similis humiditas ex terra similem attrahit. Et in libro de natura Pueri, ait, ἡ δὲ σὰρξ αὐξομένη ὑπὸ τοῦ πνεύματος ἀφροῦ, καὶ ἔρχεται εἰς ταύτην ἕκαστον ὁμοίον ὡς τὸ ὁμοίον. Τὸ πυκνὸν, ὡς τὸ πυκνόν. Τὸ ῥαιόν, ὡς τὸ ῥαίον. Τὸ ὑγρὸν, ὡς τὸ ὑγρόν. καὶ ἐκαστὸν ἕκαστον εἰς τόπον ἰδίον καὶ τὸ συγγενές. ἀφ' οὗ καὶ ἐγένετο. At vero caro, dum increfcit, à Spiritu discernitur, in eaque Simile quodque ad id quod Simile fertur, densum ad densum, rarum ad rarum, humidum ad humidum, ferturque unumquodque in proprium locum, ad id cum quo cognationem habet, & ex quo etiam ortum est. In libro



de *Natura humana*, alia cathartica alios humores attrahere, & è corpore educere docet, non aliter quam planta, quæ succum è terra sibi accommodatum attrahit; τὸ γὰρ Φάρμακον ὁκόταν ἐσελθῇ εἰς τὸ σῶμα πρῶτον μὲν ἀγρῖ, ὃ ἂν αὐτῷ κατὰ φύσιν μάλιστα ᾖ, τὸ ἐν τῷ σώματι ἐνεόντων. ἔπειτα δὲ καὶ τὰλλα, ἑλκεῖ τε καὶ καθαίρει. ὥσπερ τὰ Φυόμενά τε καὶ σπείρομενα, ὁκόταν εἰς τιμὴν γλῶττι ἐλθῇ, ἑλκεῖ ἕκαστον τὸ κατὰ φύσιν ἐῷ τῷ ἐνεόντι ἐν τῇ γλῶττι. Etenim cum medicamentum corpus subierit, primum quidem quodcunque sibi ex omnibus, quæ in corpore insunt, secundum naturam maxime familiare fuerit, educit; deinde vero reliqua etiam trahit, & purgat. Non aliter quam quæ ex terra oriuntur, & in eam conseruntur, ubi terram subierint, eorum quodque trahit, quod suæ naturæ accommodatum in terra inest. In Sectione Sexta libri Sexti Epidemicorum, singularis hæc occurrit sententia; Σάρκες ὀλκῇ, καὶ ἐκ κοιλίης, καὶ ἐξωθεν, δῆλον ἢ εἶθις, ὥς ἐκπνεον καὶ εἰσπνεον ὅλον τὸ σῶμα. Carnes & ex ventre, & extrinsecus attrahunt. Indicat autem sensus ipse, corpus totum tam foras, quam intro, spirabile esse. Quæ verba de circumambientis aëris, per cutis poros, ingressu, interpretatur Galenus, in libro de usu Pulsuum Cap. 5. ubi ait, ὥσπερ ἀπὸ τῆς εἰς τὸ δέρμα περινομένων, τομάτων, ἐκκρίνεται μὲν ἐξω πάν ὅσον ἀτμῶδες καὶ παπνῶδες αἰθέριον, μεταλαμβάνει δὲ εἰς ἑαυτὰς ἐκ τῆς αἰθέριον ἡμῶς ἀέρος ἐκ ὀλίγου μοῖραν. καὶ τῆς εἰς τὸ πρὸς Ἱπποκράτους λεγόμενον, ὥς ἐκπνεον καὶ εἰσπνεον ἐπὶ ὅλον τὸ σῶμα. Sicuti nimirum per ora (Scil. Arteriarum) quæ in cutem finiuntur, quicquid halituosum, humidumve excrementum habent id excernunt; recipiunt autem ex ambiente nos aëre non exiguam in se portionem. Atque id est Hippocrates foras introque spirabile totum corpus dixit. Hanc interpretationem confirmant, quæ

Hip-



*Hippocrates* in libro de *Alimento* dicit, ἀρχὴ τῆς πνεύματός, ῥίνας, στόμα, βρόγχος, πνεύμων & ἡ ἄλλη ἀναπνοή. *Alimenti Spiritus principium nares, os, guttur, pulmo, reliquaque perspiratio.* Et in libro de *Natura Pueri*, postquam foetum à matre spirationem habere dixisset, per membranam qua circumducitur *intro & foras* spiritui transitum esse dicit. Hæc *Hippocratis*, de aëris per cutem introitu, opinio, non solum à *Galeno* recepta fuit, sed apud omnes postea Medicos usque ad seculum proxime elapsum ita obtinuit, ut ab ullo unquam in dubium vocatam esse non credam; sed novo, ac inopinato circulationis sanguinis lumine adeo occoëcabantur Medici, ut cum vera à falsis non amplius discernere potuerint, non aliter quam in Religionis Reformatione Fanatici, dum sordes & inquinamenta, temporis iniquitate contracta, abluere volebant, pura una cum impuris temeraria manu projecerint. Sed quid sanguinis circulationi contrarii habet, aëris per meatus cutaneos transitus certe non video, huic vero non minus quam ipsi circulationi, & ratio & experientia suffragatur. Qui aëris circumambientis pondus, quo corpora nostra continuo comprimuntur, secum reputat, is liberum aëris ingressum non solum ad pulmones, sed etiam ad reliquas corporis cavitates, necessarium ad vitam animalium conservandam facile concedet. Si Thoracis, aut abdominis, vel ipsius cerebri cavitates, aëre omnino vacuæ fuissent, quo pacto tantum aëris externe incumbentis pondus sustinere potuerunt. Thoracis cavitatem pondere 3672. librarum atmosphæra premit, si cavitationis superficies supponatur tantum sesquipedis. Sed tanto pondere & costæ & pectoris ossa compressa, necessario cederent, nisi aëre interno pariter suffulta essent: quo



quo fit, ut ne minimam quidem pressuram sentiamus. Omnes igitur corporis cavitates aëre ejusdem elasticitatis cum externo, repleantur necesse est; sed cum circumfusus aër non eundem semper servat virium elasticarum tenorem, nec parem inclusus servare potest; oportet igitur ut uni ad alterum facilis sit aditus, quo æquilibrium inter se conservetur, nec corporis partes vi aëris lacerentur, & disrumpantur. Si aëris externi gravitas parte decima augeatur, aëre interno immutato, pondere plusquam 300 librarum pectus urgeretur, sub quo certe nemo spiritum ducere potuit. Non solum igitur in thoracem, sed etiam in omnes alias corporis cavitates, ut via aëri per cutem continue pateat, necesse est.

Quod ratio evincit, idem experimentis confirmatur, quibus certo certius constat, suscepti frigoris symptomata non ab impedita perspiratione, sed ab aëris per cutis poros ingressu, provenire, ut supra docuimus. Cumque multum humidi habet aër, necesse est ut hoc secum trahat, & corporis tum moli, tum ponderi addat. *Galenus in Commentariis, loco Epidemicorum citato, ait, se ex quibusdam audivisse, qui, cum per flagrantem solem confecto itinere domum reversi erant, & squalidum corpus, osque aridissimum habebant, nec non ardentissima siti cruciabantur, à lavatione sitim extinctam esse, os humectatum pariterque totum corpus molle atque humidum effectum, priorem deposuisse squalorem.* Alios etiam, dicit, *in Soliis corpora sua aquam attrahere indubitanter percepisse.* Liquores omnes aërem ad se trahere, & in sua interstitia recipere hinc constat, quod nullus est, qui aerem non copiose in Machina Pneumatica effundit, & postquam omnem effu-



derit, si aëri iterum exponatur, non exiguam ejus portionem denuo imbibisse reperietur. Quosdam etiam liquores non tantum aërem, sed ex eo aquam, fatis magna portione, ad se allicere, multa nos experimenta certiores faciunt. Neminem etiam fugit, partes non solum stirpium, sed & animalium, utcunque arte & curatura mutantur, ad multos annos vim & potestatem humidum aëris ad se trahentem retinere. Et si ejusmodi rebus talem vim inesse perspicue videmus, cur corporibus etiam animatis eandem non concedamus, scire cupio? Est certe *Vis Attrahens*, communis materiae affectio, omnibus cujuscunque generis particulis inhærens, & quadam similitudine aut relatione congruentes, sibi invicem adducens. Hac etiam virtute pollent spirantia corpora. Annon *Allium* plantis pedum admotum Spiritum oris graveolentum reddit? Annon *Cantharides* cuti impositæ viam sibi per sanguinem & vasa ad renes parant? Annon exiguos corporis meatus pervadit *Argentum vivum*, ut in intimos sanguinis spirituumque recessus penetret? Atque hæc omnia, nulla vi externa impellente, in corpus ita irruunt, ut quæ cum impetu quodam undique effluit perspiratio, quo minus intro avide absorbeantur, illis obstare non possit. Si tam solida corpuscula à corpore attracta, cuticulares poros subeant, & cum sanguine misceantur, quidni etiam aëris humidum, cuti undique circumfluum, easdem, quas nulla intermissione continuo pulsant, foras subire possit, & corpus mole, & pondere augeat? Quæ in aerem sub vaporis specie diffusæ sunt aquosæ particulæ, non tam evidentes edunt affectus, ut *Cantharides*, aut *Allium*, aut *Argentum vivum*, quibus dignoscere possumus ea corpora nostra revera subiisse.

Tan-



Tantum etiam humoris perspiratione quotidie amittitur, ut quantum indies attractione acquiratur, ne ponderatione quidem inveniri possit. Si semilibram humoris per poros hauserit eo die corpus, quo libras duas perspiraverit; ponderatione inveniemus, sesquilibram tantum perspiratione amissam, nihil autem attractione acquisitum. Sed si *Perspiratio* ita imminui possit, *Attractio* vero ita augeri, ut hæc illam superet, quod in allato experimento factum est, tunc *Vis animalium Attrahens* etiam facile percipietur. Humidum aëris maxime trahunt ea corpora, quæ humidi minus in se habent; est enim certus *Attractionis* modus, idcirco postquam humido saturantur corpora, quicquam amplius ad se trahere illico desinunt. Si igitur victui abstinendo corpus ad id ponderis reduci possit, ut inde *Vis Attrahens* augeatur, & eadem ratione *Perspiratio* diminuat, tum *Attractio* ejus apparebit, & quantum *Perspirationem Attractus Humor* superet, facile erit ponderatione invenire. Atque hac quidem ratione unius noctis spatio *Octodecim* humoris *uncias* juvenem attraxisse ab experimentis constat (1). Ad quam quantitatem imbibendam multum certe contulere, & præcedens jejunium, & corporis labore consumptio, & cœlum eo tempore humidum, nec non lectus alteri communis.

Qui corporis poros perpetuo permeat aër, multas necessario secum invehit aqueas particulas; & multo plures ab ipso corporis calore, quo quis humidum repulsum potius existimaret, attrahuntur. *Cera, Vitrum,*

---

(1) Vide Tabulæ 4. Mensem Decembris.



*trum*, aut *Succinum* frictione calefacta, leviuscula corpuscula ad se trahunt; tenuem etiam *Linteæ* lamellam, digito impositam, & interno oris propius admotam, partes internæ, priusquam ipsas attigerit, ad se trahunt, & quo major est earum calor, eo fortius attrahunt. His causis omnes aëris vapores à corporibus nostris continuo attrahuntur, & imbibuntur, sed cum hos omnes longe superat quotidiana perspiratio, quantum aut attrahatur, aut perspiretur, haud cognitu facile est. Porro cum corpora arida & sicca, succulentis & humore repletis, magis attrahant, quæ inedia, labore, ægitudine, aut larga aliqua evacuatione extenuantur, ea aëris humidum fortius, avidius, & uberiorius ad se rapiunt, ut vasa inanita repleantur. Multum igitur eorum interest, quorum corpora horum quovis attenuantur, quo potissimum cœlo, atque aëre utantur. Nam cum singuli cutis pori sint totidem quasi ora, quæ non solum aërem, sed etiam omne in aëre volitans, sive amicum sanguini, sive inimicum hauriant, in eligendo certe aëre, nihilo minus quam in victus ratione, à morbo convalescentibus, cura summa adhibenda est.

Hinc etiam sequitur, ubi morbus aliquis populariter grassatur, omnem evacuationem esse malam; hac enim ad morbi semina recipienda & imbibenda corpus magis aptum & idoneum efficitur.

Hanc humoris per cutem absorbendi facultatem percepisse videntur è Medicis Methodicis, qui *Diatritarii* audiebant, nam cum his in usu erat morborum curationem à *trium* dierum jejunio instituere, hoc tempore ægrotorum corpora non solum inungebant, & cataplasmatibus & involucrio, ex oleo expresso, involvebant, sed etiam



etiam aerem cubiculi, in quo decubitum erat, suffimentis mutaverunt: tantæ illis curæ fuit, omnes ad sanguinem aditus munire, ne quid noxium, aut non medicatum, subintrare posset. Nihil apud antiquos magis in usu fuit, quam corporis unctio; hac, post balneum & exercitationem, nimium sudorem cohibebant; hac à labore aut itinere defatigatos reficiebant; hanc viris ac fœminis, tam sanis quam ægrotis, ætate vigentibus aut confectis convenire existimabant; hanc hyeme & æstate, mane & vespere adhibebant. Quodque ad rem nostram magis pertinet, inter ea quæ corpus siccant, immodica unctio, à *Celso* numeratur; quod certe nullo alio modo potest præstare, quam humidum aëris à sanguine præcludendo; per se enim mollit, & relaxat. Nostrorum certe hominum saluti, in aëre humido ac crasso degentium, unctio non parum possit inservire; sed inusitata pro novis habentur, & apud vulgus non nisi ægre admittuntur.

Aër purus ac tenuis humidus parum habet, quod corporibus etiam inanitis suppeditet; quare æstate & interdiu minus, hyeme & noctu plus humoris per poros cutis attrahimus. Cumque dormientes aëris injuriis maxime sint obnoxii, qui sub nubilo cœlo & inopertus se somno committit grave vitæ subit periculum; humor enim uberius attractus, & tussim & distillationes, & articulorum mala concitat.

Neque solum nubium & terræ vapores facilem sibi viam per cutem inveniunt, verum etiam diversos humores quos alia animalia continua perspiratione emittunt, alia continua attractione recipiunt. Hinc fit, ut qui in urbe, non solum tectis arcta, & officinis non suavissimis abundante, sed etiam populis frequente, vitam agant, aërem



ex multo excremento conflatum, & omnigeni foetore infectum trahant, quo continuus sanguini & præcordiis fervor præternaturalis inducitur, qui urbis illecebris, & vitæ voluptuosæ deliciis exagitatus, fomitem vitæ motu violento dissipat & consumit. Qui vero rure degunt, auram lenem ac tenuem, & fragrantissimorum florum & salubrium herbarum effluviis odoratam hauriunt, spiritus recreantem, blandam sanguini temperiem conciliantem, & hilaris mentis, vegetique corporis procreatricem.

Sed ad valetudinem non minus spectat thalami, quam civitatis communio; corporum enim nudorum, & sub eisdem stragulis, sibi invicem propius adjacentium, magna ac valida est attractio; se mutuo foveant, & calefaciunt, & calido perspirationis halitu tanquam nebula involvuntur; cumque magna vitæ pars istiusmodi consortiis absumitur, haud mirum si suas qualitates sibi invicem communicent conjugata corpora. Hac societate prurititus propagatur; hac, qui ex inquinato inguine exsudat humor, sanum lue venerea afficit; hac calida senectutem reficit juvenia; hac succulenta languescit, & tabescit puella sicco seni admora.

Sed ut finem tandem faciam, ex iis quæ dicta sunt, abunde patet nullam non aëris mutationem corpora nostra afficere posse; cumque minima naturæ corpuscula maxima virtute polleant, quo subtiliore è terra aut astris exhalatione aër inficiatur, eo gravius nos plecti, & è causis omnino insensibilibus, nec aëris gravitatem, nec calorem immutantibus, morbos cum *Endemios*, tum *Epidemios* oriri posse.

F I N I S.



# I N D E X

## RERUM NOTABILIIUM

In præcedentibus Elucubratiunculis  
occurrentium.

A.

**A**

diapneustia non est  
causa tussis. 176

Ægrotantis natura  
quamplurimis in-  
diciis notanda. 86

Ægyptii in templis scientiarum  
monumenta asservabant. 183

Ægyptios rerum naturalium  
scientiam intellexisse creditur.  
182

Ægyptus omni literatura floruit  
temporibus Mosis. 182

Ær facile per poros corpus ingre-  
ditur. 178

Ær corporis poros permeans mul-  
tas aqueas particulas secum in-  
vehit. 195

Æris vis particularum copulas  
disjungit. 60

— humidum attrahunt vestes.  
178

Alimentorum concoctio unde. 88

Allium plantis pedum admotum  
spiritum oris graecolentum red-  
dit. 194

Alvus est corporis exitus. 173

Alvus an in febris variolarum se-  
cundaria subducenda. 115, 117

Alvi excretio nimia languorem vi-  
rium parit. 6

— excrementum unius diei. 173

Anatomia præclaris inventis au-  
cta. 44

Anaxagoræ de planetis opinio.  
186

Andr. Argolus e navibus cujus-  
dam spatium trium dierum 48  
libras sanguinis effluxisse notat.  
9

Aneurisma quam maxime arte-  
rias dilatat. 21

Aortæ diameter hominis medio-  
cris magnitudinis quantus. 31

Apoplexia unde oriri possit. 77

Appetitus non depravatus est nor-  
ma victus. 177

— est proportionalis evacuatio-  
nibus naturalibus. ibid.

Aquarum in abdominis cavitate  
effectus. 7

— differentiae unde. 48

— mineralium haustus non lar-  
gi sed frequentes sunt sumendi.  
37

Ar-



- Arbor folius aquæ nutrimento nutrita.* 27
- Argentum vivum exiguos corporis meatus pervadit.* 194
- Aristoteles physiologiam veterem verbis inanibus obscuravit.* 187
- Arteria quot divisiones habeat, priusquam minima capillaris evadat.* 34
- intumescens venam deprimit.* 99
- Arteria mesenterica unum & viginti ramos emittit.* 64
- Arteriæ minus fluidi, plus solidi quam muscutorum fibræ habent.* 22
- spermaticæ inferunt sanguinem testiculis.* 73
- Arteriarum tunicæ duplo plus fluidi quam solidi habent.* 25
- Asthmate laborantes aëris differentiam percipiunt.* 60
- Atomorum doctrina a quibus inventa.* 187, 188, 189
- B***ilis est fluidum tenacissimum.* 63
- ubi a sanguine secernatur. ibid.*
- Borellius quot propositionibus cordis impetum determinare conatur.* 37
- Brasavolus sanguinis è naribus effusi libras decem & octo ponderavit.* 9
- Bristolensis fontis aquæ virtus.* 90
- Britanni ac Itali circa perspirationem insensibilem differunt.* 118
- C***alculus ne generetur in vesicâ impedit copiosa potatio.* 92
- Callisthenes in urbe Babylone continuas à Diluvio ad id tempus observationes reperit.* 185
- Calor sanguinis ex motu intestino pendet.* 61
- Calor ignis in tempestate frigidissima perspirationem provocat.* 170
- Cambyses templa Ægyptiorum diruit.* 183
- Canales animalium gaudent vi elastica.* 5
- Cantharidum vis.* 194
- Cartilagines gluten abundanter effundunt.* 24
- Causa morbi certa certam medendi methodum subjicit.* 78
- morbi quare indaganda.* 86
- Chaldæos rerum naturalium scientiam intellexisse creditur.* 182
- Chalybs intensiorem cæteris metallis sanguini calorem dat.* 61
- ad vasa obstructa aperienda gravioribus metallis præstat.* 61
- Chylo e stomacho in duodenum migranti miscetur bilis.* 63
- Cicatrices vulnorum in infantia acceptæ manent in senectute.* 15, 16
- Circuitus sanguinis ab Harvejo inventus.* 30
- sanguinis in vena interclusus unde.* 98, 99



# RERUM NOTABILIMUM.

- Clark resurrectionem ejusdem corporis possibilem esse probare conatur. 28
- Cohærentia aliqua partium est in liquidis omnibus. 48
- Colicus dolor ex saccorum qualitate mutata oritur. 88
- Cor quibus moveatur. 4  
— singulis contractionibus duas uncias sanguinis ejicit. 40
- Cordis motus quibus sistatur. 4  
— vis quinqueunciarum ponderi est æqualis. 40  
— vim inveniendi methodus facilis & simplex. 41
- Corium plus attrahit, quam quodvis vestium genus. 179
- Coronariarum orificia ubi. 4
- Corpus septennio mutari creditur. 15
- Corporis partes solidæ non mutantur. 16
- Corpora animalium ex canaliculis liqueribus repletis constant. 18
- Cutis corporis summa acu pungi non potest, illæso vase sanguineo. 18
- Cyrus Persici imperii fundator. 182
- D**iabetes est secretio naturæ modos exsuperans. 88  
— natura est ignota. ibid.  
— symptomata eam præcedentia. 89  
— ejus causa. ibid.
- Diarrhæa est secretio naturæ modos exsuperans. 88
- Diastole cordis quantum temporis in omni pulsatione absumat 31
- Diatritarii quinanz. 196  
— horum curatio morborum quæ. ibid.
- Democritus atomorum doctrinam in Græciam invexit. 187  
— in Geometria, teste Cicerone, fuit perfectus. ibid.
- E**clipsis a quo primum prædicta. 184  
— ejus investigandæ methodus astronomicis observationibus innititur. 184
- Eclipsium theoriam Thales a sacerdotibus Ægyptiorum didicit. 185
- Elastica vis inest canalibus animalium. 5  
— vis vividum sanguini motum impertit. ibid.  
— spiritus animales per nervos impellit. ibid.  
— omnibus animalium corporibus non est æqualis. 6
- Eloquentia est pacis Comes & otii socia. 186
- Endemius morbus unde oriatur. 198
- Epicurus Democriti principiis atomorum inclinationem aut declinationem adjecisse dicitur. 187. 188  
— ab Hippocrate dissentit. ibid.
- Epidemius morbus unde oriatur. 197



**E**piphora secretionem naturæ modos exsuperantem sentiunt. 88.

**E**vacuatio an a sanguine proveniat. 12.

— an a victu oriatur. ibid.

— omnis, ubi morbus aliquis populariter grassatur, est mala. 196

**E**vacuatione naturali carens morbo est obnoxius. 177

**E**vacuationes naturales non sunt corporis ponderi, sed victus rationi proportionales. 176

**E**xcretio urinæ & alvi nimia virium languorem parit. 6

**E**xitus corporis insigniores sunt alvus, renes, cutisque pori. 173

**E**xplorare rem de novo quare liceat. 2

**F.**

*in* **F**ebribus ardentibus quantum sanguis effervet. 20

*in* **F**ebribus languidis arteria debilis digitos vix pulsatur. 21

**F**ibræ ossium fluido non destituuntur. 19

— describuntur. 97

— musculorum ab arteriis numero superantur. 21

— earum examen. ibid. 22

— musculorum minus solidi & plus fluidi, quam arteriæ habent. ibid.

— motum peristalticum perficientes, musculorum fibris minus sunt spongiosæ. 22

**F**ibræ contractio minor est parte tertia ejus longitudinis. 110

— musculorum omnia vasa mole superant. 211

**F**luidorum natura. 94

**F**luxus sanguinis per nares a Rulando curatus. 8

— hæmorrhoidum a Borello cohibitus. ibid.

— sanguinis enormis exemplum 9

**F**luxu hæmorrhoidum quidam laborans quotidie duas libras per 45 dies effudit. 8

**F**unctiones corporis animati aut sanitatem aut morbum corpori dant. 44

**G**alenus Hippocratem secutus in opinione de aëris percutem introitu. 192

**G**elatina ex siccis ossibus elicitur. 23

**G**landulæ humores a sanguine secernunt. 44

— singulæ proprium fermentum habent. ibid.

— earum fermentis sanguis in alterius indolis fluidum immutatur. ibid.

— humores a sanguine secernunt. 94

— sunt convolutarum arteriarum congeries. ibid.

**G**lobuli sanguinei graviori fluido innatantes ad se vi gravitatis non possunt accedere. 47

— eis inest vis a gravitate diversa, qua se mutuo petunt. 47

Glo-



# RERUM NOTABILIU.M.

Globuli sanguinei quare non fortiter coalescant. 48

Globulos rubros sero limpidoinnatate deprehenditur microscopio. 46

Gonorrhæa unde ortum ducat. 92

Græci ad discendum naturalem scientiam in Ægyptum descenderunt. 184

— scientiæ morali quam naturali excolendæ sunt aptiores. 186

— nullum stabile ac diuturnum habuere regnum. ibid.

H.

Hæmoptoë phthisin sibi comitem adsciscit. 60

Hæmorrhagia juvenis laborans decem dierum cursu 75 sanguinis pondo emisit. 9

Harvejus sanguinis circuitum invenit. 30

Harveji de quantitate sanguinis opinio. 2

Hepar ex arteriæ celiacæ ramis omnem suum sanguinem non capit. 63

Hippocrates Democrito coævus, si non discipulus. 187

— philosophiam suam in quo fundavit. ibid.

Hippocratis de aëris per cutem introitu opinio. 192

Humor vitiatuſ in corpore quidem ſuſcipi poteſt, non tamen penitus expelli. 17

Humor uberius attractuſ, tuſſim, diſtillationes & articulo- rum mala concitat. 197

Humoris vitiatuſ gutta remanente, morbuſ iterum remanet. 17

— unciaſ octodecim juveniſ uniuſ noctiſ ſpatio attraxit. 195

— pluſ noctu quam interdiu attrahitur. 197

Humorum combinationeſ ſunt perfectæ ſanitatiſ generatriceſ. 87

— origo ab Hippocrate explicata. 190

Hydrope laboranteſ a Medico Mead ſervati. 7

I.

Icterus ex ſecretioniſ defectu ori- tur. 88

Idioſyncraſia quæ. 86

Indicationeſ curatiuæ e ſymptomatum natura petendæ. ibid.

Ingenium eſt ornamentum Medici. 114

Ingenii lumen dicendi viſ & copia. ibid.

Inteſtini Canini Pancreatiſque Aſellii gravitaſ. 22

Itali & Britanni circa perſpirationem inſenſibilem differunt. 118

Lacrymæ ex partibuſ heterogeneiſ formantur. 49

Lacti inſunt quatuor ſubſtantiarum genera. ibid.

Lavatio corporiſ exſtinguit ſitim 193



**Leges**, quibus humores in sanguine prius formantur, quam a glandulis separantur. 51. 52

Et seqq.

**Lethargus** unde oriri possit. 77

**Lecuwenhoeckii** de vasorum multitudine opinio. 18

**Liquidum** in cordis vicinia secretum est liquidissimum. 62

**Liquida** omnia aliqua partium coherencia gaudent. 48

**Liquores** veteres recentibus commixti sua communicant vitia. 16

— secreti an ipsi sanguine sint tenuiores. 45

— omnes aërem ad se trahunt. 193

— nonnulli sanguinem crassitie superant. 46

**Literarum** priscarum deperditarum causæ. 183. 184

**Literaturæ** fons apud Ægyptios fuit. 185

**Lucretius** atomi declinationem describit. 188

**Magi** apud Chaldaeos divinarum humanarumque scientiarum erant custodes. 183

**Manus** circa cubitum a bicipiti musculo ducitur. 103

**Marcellus Donatus** sanguinis libras 20 Et amplius e naribus profusas vidit. 9

— narium profluvio 40 libras intra sex dies effusas vidit. ibid.

**Mead**, Medicus, hydrope laborantes quibus mediis servaverit. 7

**Medicamenta** purgantia perpirationem non impediunt. 176

**Medicamentorum** cathartorum, diureticorum, salivam prolicientium examen. 78 Et seqq.

— evacuantium virtus in humorum attractione est posita. 81

— virtus in genere. 81 Et seqq.

**Medullæ** spinalis nervis fluidorum copia inest. 23

**Membranæ** gluten effundunt. 24

**Mercurius** acidus luis venereæ sales educit. 92

— Rheumaticis fixis opitulatur. 93

**Mineralium** aquarum haustus non largi, sed frequentes sunt sumendi. 37

**Monialis** quædam quantum sanguinis per sputum, nares Et urinam effuderit. 9

— quibus remediis curata. ibid.

**Morbi** causa certa certam mendendi methodum subjicit. 78

— progressus ac eventus sunt explicandi. 86

— causa quare indaganda. ibid.

— plurimi ab ingestis Et egestis oriuntur. 173

**Morborum** ab humoribus pendentium theoria est manca. 77

**Mucilago** artuum est fluidum tenuissimum. 62

**Musculus** quid. 97

— biceps a scapula oritur. 103

Mu-



# RERUM NOTABILIMUM.

Musculi maximam corporis partem constituunt. 22

Musculorum fibræ ossibus sunt insertæ. 97

— officium. ibid.

ad Musculos contrahendos quid requiratur. 99

Moulini de quantitate sanguinis sententia. 2

## N.

Natura certam evacuationum normam servat. 177

Naturæ studium viro illustri non indignum. 187

## O.

Orificium cujusque vasis est circulare. 95

Orpheus Ægyptiorum sapientiæ peritus. 187

— judicia ac leges descripsit ibid.

— Græcos dispersos primo congregavit. 187

Os est vel mobile vel fixum. 97

Ossis excocti experimentum. 24

Ossa suo succo etiam scatent. 23

Ossium substantia est omnium durissima. ibid.

— succum, callum vocant. ibid.

— succus quid efficiat. ibid.

Ostreæ non sunt ipsæ minime perspirabiles, sed etiam perspirationem inhibent. 177

## P.

Paralyfis unde oriri possit. 77

Particulæ vi attractrice pol-  
lentes cordi propius cœunt. 62

Perfricatio cutis perspirationem nec inhibet nec promovet. 176

Pericardium liquido fluidissimo repletur. 62

Peristalticus motus fibris perficitur. 22

Perspiratio æstiva hyemalem excedit. 174

— ab igne hyeme non minor est quam a sole æstate. 175

— anni mutationibus respondet. 178

— antemeridiana non differt a postmeridiana. ibid.

— nocturna minor est diurna. ibid.

Perspirationis insensibilis ponderationem Sanctorius primus excogitavit. 118

— quotidianæ pondus. 173

— nocturnæ diminutio non auget quantitatem urinæ. 174

Pes circa genu a musculis ex inschio orientibus inflectitur. 103

Petrus Borellus quibus remediis hæmorrhoidum fluxum cohibuit. 8

Philosophia naturalis quare apud Ægyptios fuerit extincta. 186

Philosopho quid sit indignum. 2

Phthisiosignum est vox arguta. 60

Physiologia est pacis comes. 186

Ponderatione ad æconomiam animale pertinentia inveniuntur. 119

Pori cutis sunt corporis exitus. 173



- P**otatio liquoris generosi nimia quid efficiat. 89
- P**otio copiosa intercidit arenularum & calculorum concretiones. 92
- P**rofluviorum e naribus exempla. 9
- P**ulmonis structura mechanica ratio. 59
- P**ulsus nocturnus matutino celerior est. 178
- quare languescat. 6
- P**unch certum potus genus apud Anglos. 177
- P**ythagoras auctore Thalete in Aegyptum ad discendam sapientiam commigravit. 185
- apud Aegyptios & Indos 40 annos commoratus. ibid.
- Q**uantitas sanguinis diversa a diversis statuitur. 2
- sanguinis determinata. 25
- R**ami cujusvis arteriae simul sumpti ipsa arteria sunt majores. 64
- R**amorum arteriae mesentericae mensura. 66 & seqq.
- R**emediorum varii successus sunt explicandi. 86
- R**enes sunt corporis exitus. 173
- R**enum situs & quare. 62
- R**heumaticorum sanguis qualis. 91
- sanguis multo sale scatet. 93
- R**olfincius quid de quantitate sanguinis sentiat. 1
- R**ulandus intra diem circiter decem sanguinis libras profluxisse observavit. 8
- S.**
- S**acerdotes apud Aegyptios divinarum humanarumque scientiarum erant custodes. 183
- S**al quare facile dissolvitur. 52
- aquarum particulas fortiter attrahit. 62
- S**alium effectus. 89
- Saliva** ex partibus heterogeneis formantur. 49
- S**anctorius rationem ponderandae insensibilis perspirationis excogitavit. 118
- S**anguis corporis humani libras 25 excedit. 8
- cum mensibus non renovatur. 15
- quantum in febribus ardentibus effervit. 20
- Iliacam arteriam percurrens pervenit Iliacam redit. 39
- ex plurimis globulis rubris sero limbo innutantibus constat. 46
- est fluidum variis corpusculis saturatum. 50
- ex particulis vi attractrice praeditis constat. 50
- spiritu & sale liquidus conservatur. 98. 99
- S**anguinis quantitas in corpore humano viginti libras vix excedit. 1
- quantitatis notitia ad curandos morbos pertinet. ibid.
- — inexplorata huc usque jaecuit. ibid.
- — multis difficultatibus est involuta. ibid.
- haemorrhagiis effusa non constituit communem massam sanguineam mensuram. ibid.
- quantitas in ove a Moulineo reperta. 2
- — in agno a Moulineo reperta. ibid.
- defectus cordis motum impedit. 4
- cursus stomacho cibo potuque disento impeditur. 7
- missio quid efficiat. 8
- detractio larga quando periculosa. 8
- quantitas in haemorrhoidibus laborantibus. 8. 9
- San-



# RERUM NOTABILIMUM.

Sanguinis quantitas determinata. 25  
 ——— velocitatis descriptio. 30  
 ——— uncia in aortam ejicitur una-  
 quaque cordis contractione. 31  
 ——— cursus semel impeditus non pot-  
 est iterum renovari. 44  
 ——— calor ex motu intestino pendet. 61  
 ——— uncia 4000 singulis horis e cor-  
 de in aortam injiciuntur. 72  
 ——— cognitio valde necessaria & in-  
 voluta est. 77  
 ——— circuitus in vena interclusus un-  
 de. 98  
 Sartor hemorrhoidum fluxu decem li-  
 bras sanguinis effundens. 8  
 Schenkius quendam hemorrhoidibus  
 per 45 dies laborantem vidisse re-  
 fert. 8  
 Secretio humorum a sanguine obscura  
 est. 44  
 ——— seminis difficultatibus involvitur. 73  
 ——— natura modis exsuperans excitat  
 molestias. 88  
 Semen virile est fluidum tenacissimum. 63  
 Seminis secretio difficultatibus invol-  
 vitur. 73  
 Serum sanguinis ex plurimis corpu-  
 sculis tam figura, quam magnitu-  
 dine differentibus constat. 48  
 ——— sanguinis non est sanguis tenuis  
 aut crassus. 48  
 Socrates Philosophorum studia ad mo-  
 res & vitam communem revocavit. 187  
 Solis defectum Thales primus prædixit. 184  
 Somnus urina & perspirationis ex-  
 cretionem impedit. 175  
 ——— nimius corpus languidum &  
 ponderosius reddit. ibid.

Splenis mensura. 72  
 Stomachus cibo potuque distentus san-  
 guinis cursum impedit 7  
 Succus assium, quid efficiat. 23  
 Sudor ex partibus heterogeneis forman-  
 tur. 49  
 Symptomata a structura, figura &  
 positione organorum orta perspicua  
 sunt. 78  
 ——— a varia sanguinis indole nascentia  
 sunt obscura. 78  
 Syncope superveniente, quid facien-  
 dum. 6

## T.

Temperamenta hominum unde ori-  
 antur. 85  
 ——— sunt infinita. ibid.  
 ——— tot sunt, quot viventium gene-  
 ra. 86  
 Templum Bel in Babylonia a Xerxe  
 fuit dirutum. 183  
 ——— in turri ipsius summa erat ob-  
 servatorium astronomicum ibid.  
 Tendines gluten abundanter effun-  
 dunt. 24  
 Testiculi sanguinem ab arteriis sper-  
 maticis accipiunt. 73  
 Thales solstitia & æquinoctia invenit. 184  
 ——— solisque defectum primus prædi-  
 xit. 184  
 ——— a sacerdotibus Ægyptiorum ec-  
 lipsum theoriam didicit. 185  
 ——— quare Diis bovem immolaverit. 185  
 Thaletis tempore nulla astronomia ope-  
 ra a Græcis fuit insumpta. 185  
 Thamesis fluminis aqua materia ter-  
 restri saturatur. 28  
 Theoria morborum ab humoribus pen-  
 dentia est manca. 77  
 Thermometer diversum æris calorem  
 indicat. 119  
 Tho-



# INDEX RERUM NOTABILIUM.

- Thomas Bartholinus libras sanguinis 16 per vomitum excretas observavit. 8
- Tunicæ arteriarum duplo plus fluidi quam solidi habent. 25
- Tussis causa quæ. 179. & seqq.
- unde oriatur. 180. 181
- Variolæ quomodo curandæ. 115. 116
- Vasa sanguinea maximam corporis partem constituunt. 18
- corporis animati, perennes latices fundentia, sunt cylindrica vel conica. 94
- Vasorum multitudo est magna. 18
- Velocitas sanguinis describitur. 30
- sanguinis ex arteriarum mensura inveniendæ. 32
- Vena portæ non ex cava propagatur. 63
- ejus munus. ibid.
- est omnium insignior. 64
- ejus œconomia animalis scriptores nullam habent rationem. ibid.
- est magni momenti ad bilem discernendam. ibid.
- Veritas e tenebris tarde educitur 44
- Vesica septem libras tollens. 57
- spiritus inflatu aucta pondus a terra elevare potest. 102
- Vesicæ urinariæ vis ad calculum reducta. 42
- Vesicula ex infinito filorum numero componitur. 105
- Vesiculæ fibras conficientes sunt exiguæ. 104
- Vestes æris humidum attrahunt. 178
- nigraminus humidi ad se trahunt. 179
- Vestium varia genera. 178
- Victus norma est appetitus non depravatus. 177
- Vis in corde æqualis ponderi 180000 librarum. 48
- attractrix ab Hippocrate edocta 190 191
- quæ ab auctore ita vocetur. 47
- communis materia affectio. 194
- eo validior est, quo solidior est quævis particula. 52
- attractricis examen. 51 & seqq.
- Unctio corporis ægrotorum antiquis fuit in usu. 197
- nimium sudorem cohibet. ibid.
- omni tempore fuit adhibita, ibid.
- corpus siccatur. ibid.
- Vox arguta inter signa phthisios numeratur. 60
- Urina multa corpusculorum genera includit. 49
- Urinæ ardor ex mutata succorum qualitate oritur. 88
- diurna quantitas major est quam nocturna. 173
- unius diei pondus. 173
- quantitas, potus quantitati est proportionalis. 174
- Xerxes templum Beli in Babylonis diruit. 183

F I N I S.



Fig. 1.




Fig. 2.




Fig. 3.




Fig. 4.





Fig. 5.







Fig. 6.

















113 Logo



3/10  
1/10







